

महंम्

आचार्यश्रीमद्विजयदानसूरीश्वरजी-जैनग्रन्थमालायाः पञ्चचत्वारिंशं रत्नम्
सिरिपउमचंदसूरिसीसविरइयविक्रमसेणचरियन्तंगय

पाइअकहासंगह ।

प्रकाशयित्री-आचार्य श्रीमद्विजयदानसूरीश्वरजी जैनग्रन्थमाला-गोपीपुरा-सुरत.
सम्पादक-संशोधकौ-सिद्धान्तमहोदधि आचार्यश्रीमद्विजयप्रेमसूरीश्वरपट्टप्रभावक
व्याख्यानवाचस्पति आचार्यश्रीमद्विजयरामचन्द्रसूरीश्वरशिष्यौ
पं. श्रीमानविजयः पं. श्रीकान्तिविजयश्च

वीर संवत् २४७८
विक्रम संवत् २००८

पण्यम्-रूप्यकद्वयम्

काइष्ट सन १९५
प्रतयः ५००

इदं पुस्तकं भावनगरपुर्या महोदयमुद्रणालये गुलाबचन्द्र लल्लुभाई द्वारा मुद्रापयित्वा प्रकाशितम् ।

पाइअ-
कहा-
संगहे ।
॥ १ ॥

पृष्ठम्	श्लोकः
१/१	१
२/२	५०
३/१	५४
८/२	६
१६/२	६२
२५/१	१००
३१/२	६७
३४/१	६
३९/१	५२
४१/२	१३
४२/१	३९
४३/२	८३
४४/१	१०१
४४/२	११२

शुद्धिपत्रकम्

भशुद्धः
 ०रिद्धि
 चित्तिऊण
 रयणवई विहव
 ०बुक्खियमणा
 वेअणा
 आणि(हरि)स्सइ
 क पि
 पुत्ताइं
 ०धुरधवलो
 निदिय कम्मं
 सेसं (?)
 ०याइ नासो
 बहु पवण
 एयागिणि
 ०हरः

शुद्धः
 ०रिद्धि
 चित्तिऊण
 रयणवईविहव
 दुक्खियमणा
 चेअणा
 आणिस्सइ
 कं पि
 पत्ताइं
 ०धुरधवलो
 निदियकम्मं
 सेसं (सेसाइं)
 ०याइनासो
 ०बहुपवण
 एयागिणि
 ०धरः

शुद्धि-
पत्रकम्

॥ १ ॥

अनुक्रमणिका

१	दानविषये धनदेव-धनदत्तकथा	पृष्ठ	१
२	सम्यक्त्वप्रभावे धनश्रेष्ठिकथा	"	६/१
३	दानविषये चंडगोवालकथा	"	८/२
४	" कृपणश्रेष्ठिकथा	"	११/२
५	शीलप्रभावे जयलक्ष्मीदेवीकथा	"	१४/२
६	" सुन्दरीदेवीकथा	"	१८/२
७	नवकारफले सौभाग्यसुन्दरकथा	"	२१/२
८	तपोविषये मृगाङ्गरेखाकथा	"	२५/२
९	" अघटकथा	"	२९/२
१०	भावनाप्रभावे धर्मदत्तकथा	"	३३/२
११	" बहुबुद्धिकथा	"	३७/१
१२	अनित्यताविषये समुद्रदत्तकथा	"	४१/१

પ્રકાશકીય નિવેદન



અમને જણાવતાં અતિહર્ષ થાય છે કે-સદરહુ સંસ્થા તરફથી અત્યાર સુધીમાં ૪૪ની સંખ્યામાં નાના મોટા ગ્રન્થો તથા પ્રતિઓ પ્રકાશિત કરવામાં આવેલ છે. જેમાંના કેટલાક તો અમુદ્રિત હતા. તેવી રીતે અત્યાર સુધી કદિ નહિ પ્રકાશિત થયેલ આચાર્ય સિરિપુમચંદસૂરિસીસવિરહ્યસિરિવિક્રમસેનચરિય પ્રાકૃત કથાનકની અન્તર્ગત દાન-શીયલ-તપ-માવના-સમ્યક્ત્વ-નવકાર તથા અનિત્યતા વગેરે ઉપર દર્શાવેલ ચૌદ કથાઓ પૈકી મલેલ બાર કથાઓનો સંગ્રહ કરી પાઠ-અકહાસંગ્રહ નામનો આ ગ્રન્થ સિદ્ધાન્ત-મહોદધિ આચાર્ય શ્રીમદ્વિજયપ્રેમસૂરીશ્વરજી મહારાજના પટ્ટપ્રભાવક-વ્યાખ્યાનવાચસ્પતિ આચાર્ય શ્રીમદ્વિજયરામચન્દ્ર-સૂરીશ્વરજીના વિદ્વાન્ શિષ્યો પૂજ્ય પંન્યાસજી શ્રીમાનવિજયજી મહારાજ તથા પૂજ્ય પંન્યાસજી શ્રીકાન્તિવિજયજી મહારાજે સમ્પાદિત તથા સંશોધિત કરી આપેલ છે. તેને આ સંસ્થાના ૪૫ મા ગ્રન્થાંક તરીકે વાચકજનોના કરકમલમાં રજૂ કરવા આજે અમે ભાગ્યશાલી થયા છીએ.

આ ગ્રન્થની મહત્તા અંગેનો ધ્યાલ સમ્પાદકીય વક્તવ્યમાં આપેલ હોવાથી અમારે તે સંબંધી કંઈ પણ લખવાનું રહેતું નથી.

આ ગ્રન્થ છપાવવામાં કોઈની પણ સહાય મલેલ નથી. આથી આ ગ્રન્થ તૈયાર કરવામાં જે સ્વર્ચ થયેલ છે, તે પ્રમાણમાં જ કિંમત

રાસ્રવામાં આવેલ છે. આ સંસ્થાનો ઉદ્દેશ પોતાના કોઈ પળ પ્રકાશનમાંથી નફો નહિ લેવાનો હોવાથી પઢતર કિંમત રાસ્રવા છતાં પળ લેજર કાગલ તથા સારી છપાઈના અંગે સ્વર્ચ વધુ આવવાથી, રાસ્રવામાં આવેલી કિંમત વાંચકજનોને કદાચ વધુ લાગે તો ક્ષન્તવ્ય ગણશે ઁમ અમે આશા રાસ્રીયે છીયે.

સદરહુ પ્રન્થના સપ્પાદક તથા સંશોધનનું કાર્ય વન્ને પૂજ્ય પંન્યાસજી મહારાજાઓઁ કરી આપી જ્ઞાનપ્રચારના અમારા આ કાર્યમાં જે મદદ કરી છે તે બદલ આ સંસ્થા તેઓશ્રીનો ઘળો આભાર માને છે અને ઁમના તરફથી આવી મદદ અમારી સંસ્થાને વધુને વધુ મળે ઁમ અમે ઇચ્છીઁ છીઁ.

ગોપીપુરા-સુરત.

વિ. સં. ૨૦૦ૢ જ્યેષ્ઠ સુદ ૨

લિ૦ શ્રી વિજયદાનસૂરીશ્વરજી જૈન પ્રન્થમાલા

ઘ્યવસ્થાપક—માસ્તર હીરાલાલ રળછોડભાઈ

સમ્પાદકીય-વક્તવ્ય



પાઠકહાસંગ્રહ નામના અઘાવધિ અપ્રગટ આ ગ્રન્થમાં શ્રીપદ્મચન્દ્રસૂરિશિષ્યવિરચિત વિક્રમસેનચરિત્રની અંદર આવતી ચૌદ કથાઓ પૈકી બાર કથાઓનો સંગ્રહ છે. શક્ય તપાસ કરવા છતાં પણ સંપૂર્ણ વિક્રમસેનચરિત્ર પ્રાપ્ત ન થવાથી જે બાર કથાઓ મળી તે ઉપયોગી અને ભાવવાહી લાગવાથી સંગ્રહિત કરી આ ગ્રન્થરૂપે મુદ્રિત કરાવી છે.

ગ્રન્થ પરિચય—આ ગ્રન્થમાં સંગ્રહિત કથાઓ વિક્રમસેનચરિત્રની છે. તે ચરિત્રમાં અન્યાન્યવિષયની ચૌદ કથાઓ છે, જે નીચે આપેલા શ્લોકો ઉપરથી જાણી શકાશે—

“ તિસલાકુચ્છિસરોવરકલહંસં વીરજિણવરં નમિત્તં । દુઝયઅંતરરિડવિજયપત્તં સિવરમણીસોઝલભરં ॥ ૧ ॥

×

×

×

×

રયણત્તયજુત્તાણં ગુરુણં [સિરિ] પડમચંદસૂરીણ । મંદમઈ વિ પસાણ કિં પિ જંપેમિ ઉવણસં ॥ ૫ ॥

×

×

×

×

અહ વિક્રમસેણનરાહિવસ્સ પમણેમિ ચરિયમિણં । સમ્મત્તલાહપુઠ્ઠં સઘટ્ટવિમાણગમણંતં ॥ ૨૦ ॥

ઇહ પુઠ્ઠં સમ્મત્તે ચરિયં ધર્ણસિટ્ઠિણો સમક્કલાયં । અહ દાણે ધણદેવો ધણદત્તો માણો દોણિ ॥ ૨૧ ॥

નામેણ મયણૈસેણો વેસામયણો તિ કુંમયારો ય । ચંડો ગોવાલો ચિય કિંવિંણો દાણંમિ ચત્તારિ ॥ ૨૨ ॥
 સીલંમિ ય જયલ્લંચ્છી દેવી તહ સુંદરી દુવે હ્થ । સ્વયરી મયંકરેહા અઘર્ડનિચો દોન્નિ તવમ્મિ ॥ ૨૩ ॥
 સિટ્ઠી ય ધમ્મંદત્તો બહુબુદ્ધી ણામ મંતિણો પુત્તો । એ દુન્નિ વિ કહિયા દિટ્ઠંતા ભાવનાવિસે ॥ ૨૪ ॥
 નવકારફલે મણિઓ નિર્વૈ સોહગ્ગંસુંદરો નામ । કહિઓ અણિચયાએ સમુદ્દંદત્તો વણિયપુત્તો ॥ ૨૫ ॥
 નિયમસ્સ ફલે મણિયો કમલો નામેણ સિટ્ઠિણો પુત્તો । ચઉદમ કહાણયાઈં નેયાઈં મમામઓ કમસો ॥ ૨૬ ॥ ”

[પાટણના સંઘવીના પાઠાના તાહપત્રમંડારના ઢા. નં. ૬૫/૪ ની નંબર. ૧ ની પ્રતિ ઉપરથી]

આ શ્લોકોમાં જણાવેલી ચૌદ કથાઓ પૈકી ચાર જ કથાઓ અમને મળી શકી છે. જે અન્યત્ર આપેલી અનુક્રમણિકા ઉપરથી જોઈ શકાશે.

ગ્રન્થકાર પરિચય—ઉપર ગ્રન્થ પરિચયમાં જણાવેલા પાંચમા શ્લોક ઉપરથી આ ગ્રન્થના કર્તા શ્રીગણેશચન્દ્રમૂરિના શિષ્ય છે એટલું જ જાણવા મળે છે, પરન્તુ તેમના નામ વગેરે સંબંધી બીજી કશી જ હકીકત શક્ય તપાસ કરવા છતાં મળી શકી નથી.

પ્રતિપરિચય—આ ગ્રન્થના સમ્પાદનમાં અમે ત્રણ તાહપત્રની પ્રતિઓનો ઉપયોગ કર્યો છે, તેની A B C એવી સંજ્ઞા રાખી છે.

A સંજ્ઞક પ્રતિ—આ પ્રતિ પાટણના સંઘવીના પાઠાના મંડારની છે. તેનો તત્ત્વ જૂનો ઢા. નં. ૨૯૫ અને નવો ઢા. નં. ૬૫/૪ છે અને પત્ર સંખ્યા ૭૮ છે. આ પ્રતિમાં શરૂઆતમાં લગભગ સાઠ ઉપરાંત શ્લોકો વિક્રમસેનચરિત્રને અંગે આપેલા છે. એમાં પહેલી કથા સમ્યક્ત્વ ઉપર ધનશ્રેષ્ઠિની છે. તથા છેલ્લી ચૌદમી કથા નિયમના ફલ ઉપર કમલ નામના શ્રેષ્ઠિપુત્રની છે. શરૂઆતના

શ્લોકોમાંથી ૧-૫ અને ૨૦ થી ૨૬ સુધીના એમ કુલ નવ શ્લોકો અત્રે અમે આ વક્તવ્યમાં એટલા જ માટે આપ્યા છે કે એના આધારે ગ્રન્થનું નામ, ગ્રન્થકારના ગુરુનું નામ અને ગ્રન્થની વસ્તુ સૌ કોઈના ધ્યાનમાં આવી શકે. આ પ્રતિ અપૂર્ણ હોવાથી ચૌદ કથાઓ પૈકી અઘટકુમાર સુધીની આઠ જ કથાઓ આમાં છે. ક્રમસર ગણતાં અઘટકુમારની કથા નવમી થાય છે. પરંતુ આ પ્રતિમાં ત્રીજી મદનસેનની કથા નથી. એટલે આઠ જ કથાઓ છે. B અને C સંજ્ઞક પ્રતિઓમાં પણ આ મદનસેનની કથા મળી શકી નથી. તેથી રીતે ચૌદમી શ્રેષ્ઠિપુત્ર કમલની કથા પણ ત્રણે પ્રતિઓમાંથી એકે પ્રતિમાં મળી નથી. એટલે આ બે કથાઓ અમે આપી શક્યા નથી. આ પ્રતિ સારી હાલતમાં છે. પુષ્પિકા આદિ કાંઈ પણ એમાં નથી.

B સંજ્ઞક પ્રતિ-આ પ્રતિ પણ ઉપર્યુક્ત મંડારની જ છે. તેનો તત્ત્વ જૂનો હા નં. ૪૮ અને નવો હા. નં. ૧૫૭/૧ છે. પત્ર સંખ્યા ૧૫૪ છે. આ પ્રતિને અનેક સ્થળે ઉઘેડા જર્જરિત કરી ક્ષત-પ્રહત કરી નાંખી છે. પત્ર ૫૩ થી ૫૭ સુધીના પાંચ પત્રોમાં તો જમણી બાજુનો લગભગ એક ષષ્ઠાંશ ભાગ તો અલગ થઈ ગયેલો હોવાથી ઓળખાયેલો છે. એ ભાગ ગ્રન્થપાલની બિન-કાલજીવી કે ઉપયોગ કરનારા પૈકી કોઈની વેદરકારીથી ઓળખાયો છે તેની અમને માહિતી નથી. પરંતુ આવું તો કેટલીયે મહામૂલી પ્રતિઓ માટે બન્યું હશે તે તો ડ્યારે મંડારોની પ્રત્યેક પ્રતિઓ બારીકાઈથી તપાસવામાં આવે ત્યારે જ પ્રામાણિકપણે કહી શકાય.

આ પ્રતિના ઢાંચા ઉપર દ્વાદશ કથા એવું નામ આપેલું છે અને તેમાં પત્ર ૧ થી ૧૪૧ સુધીમાં આ ગ્રન્થમાં સંપાદન કરેલી બારે કથાઓ વિક્રમસેન ચરિત્રમાંથી ઉદ્ધાર કરીને લેખેલ છે અને તેની પછી પત્ર ૧૪૧ થી ૧૫૪ ઉપર અમરચન્દ્રસૂરિકૃત વિમક્તિવિચાર પ્રકરણ છે. જેનું સંપાદન અમે વિક્રમ સંવત ૨૦૦૬ માં કર્યું છે. આ પ્રતિમાં પણ પુષ્પિકા આદિ કાંઈ જ નથી.

○ સંજ્ઞક પ્રતિ-આ પ્રતિ પાટણના તપાગચ્છીય તાહપત્ર મંદારની છે. એનો તત્રત્ય ડા. નં. ૨૦ છે. આ પ્રતિમાં માત્ર એક ધનદેવ-ધનદત્તની કથાજ છે. જે પત્ર ૨૦૦ થી ૨૦૮ ઉપર છે. આ પ્રતિના અંતમાં નીચે પ્રમાણે હેલે છે.

સંવત્ ૧૩૯૮ વર્ષે પોષ સુદિ ૭ સોમે કથાદ્વયં લિખિતમિતિ

ગ્રન્થ રચનાકાલ-A સંજ્ઞક પ્રતિ અપૂર્ણ છે, એટલે તેના ઉપરથી ગ્રન્થની રચના ક્યારે થઈ તેનો નિર્ણય થઈ શકે તેમ નથી. B સંજ્ઞક પ્રતિમાં કથાઓનો ફક્ત ઉતારો જ કરવામાં આવેલો છે, એટલે તેમાં આધારે પણ રચનાકાલ મઠી શકે તેમ નથી. તેમ તેની અન્તે પુષ્પિકા પણ નથી કે જેથી કોઈ પણ જાતનું અનુમાન થઈ શકે. ત્રીજી C સંજ્ઞક પ્રતિના અન્તે પુષ્પિકા છે, જે જોતાં તે પ્રતિ ૧૩૯૮ માં લખાયેલી છે, એટલે મૂળ ગ્રન્થ વિક્રમસેનચરિત્રની રચના તે પહેલાની હોવી જોઈએ એ નિશ્ચિત છે. છતાં કેટલા વચ્ચે પહેલાની તે રચના છે તે નિશ્ચિત કહી શકાય નહિ. પરંતુ ગ્રન્થ ઘણો પ્રાચીન છે એ તો નિર્વિવાદ છે.

ઋણસ્વીકાર-આ સમ્પાદનમાં અમને સંઘવીના પાઠાની વે પ્રતિઓ પટવા સેવન્તિલાલ તરફથી અને તપાગચ્છીય મંદારની પ્રતિ પૂજ્ય મુનિરાજ શ્રી જશવિજયજી મહારાજની પ્રેરણાથી તેના કાર્યવાહક તરફથી મઠી છે. તેથી અમારા આ કાર્યમાં સહાય કરવા બદલ તે દરેકનો આભાર માનીએ છીએ. આ ગ્રન્થ છપાયા બાદ સ્વાધ્યાયરસિક પૂજ્યપાદ પંન્યાસજી મહારાજ શ્રીમાન્ મુક્તિવિજયજી ગણિવર ધ્યાનપૂર્વક વાંચી ગયા છે અને કેટલીક અશુદ્ધિઓ તરફ અમારું ધ્યાન દોર્યું છે, તે બદલ તેઓશ્રીનો અત્યંત ઉપકાર માનીએ છીએ.

ઉપસંહાર-આ ગ્રન્થમાં ત્રણ પ્રતિઓનો ઉપયોગ કરવા છતાં મુખ્યતા B સંજ્ઞક પ્રતિની રાખી છે. આમ છતાં જ્યાં બીજી પ્રતિનો પાઠ તેના કરતાં વધુ સંગત લાગ્યો છે ત્યાં તેને મુખ્ય કરી બાકીની પ્રતિના પાઠને ફુટનોટમાં પાઠાન્તર તરીકે મૂક્યો છે. જ્યાં

અક્ષરો કપાઈ ગયેલા છે ત્યાં અમે નવા મૂકેલા અક્ષરો [] આવા કૌંસમાં મૂક્યા છે, અને જે અક્ષરો અમારા ક્યાલમાં આવી શક્યા નથી ત્યાં તેટલા અક્ષરોની આ પ્રમાણે + + + + + જગ્યા સ્વાલી રાખી છે. જ્યાં કોઈ પાઠ અશુદ્ધ લાગ્યો છે ત્યાં () આવા કૌંસમાં અમને શુદ્ધ જણાયેલો પાઠ મૂક્યો છે. જ્યાં કોઈ નવો અક્ષર વધારવાની જરૂર લાગી છે ત્યાં [] આવા કૌંસમાં તેટલા અક્ષરો મૂક્યા છે, અને જ્યાં અમને અર્થનો ક્યાલ નથી આવ્યો ત્યાં (?) આવું ચિહ્ન કર્યું છે. કથાઓનો ક્રમ જે વિક્રમસેન ચરિત્રમાં છે તે દ્વાદશ કથાની પ્રતિમાં નથી, જ્યારે આ ગ્રન્થમાં વન્નેથી ભિન્નક્રમે કથાઓ ગોઠવવામાં આવી છે જે અનુક્રમણિકા ઉપરથી જોઈ શકાશે.

પ્રાન્તે જણાવવાનું કે શક્ય કાલજી રાસવા છતાં ચક્ષુદોષથી, મતિમાન્દથી કે પ્રેસદોષથી જે કોઈ અશુદ્ધિઓ રહી ગયેલી છે તેનું શુદ્ધિપત્રક આ સાથે દાસલ કરવામાં આવ્યું છે, છતાં તે ઉપરાંત કોઈ અશુદ્ધિ જણાય તો તેને ક્ષમ્ય ગણી વિદ્વાનો સુધારીને વાંચશે અને અમને જણાવશે એવી અમારી નમ્ર વિજ્ઞપ્તિ છે.

માનવિજય તથા કાન્તિવિજય.

नमः श्रीवर्द्धमानस्वामिने ।

सकलागमरहस्यवेदि—आचार्यश्रीमद्विजयदानसूरीश्वरेभ्यो नमः ।

सिरिपउमचंदसूरिसीसविरह्यविक्रमसेणचरियन्तगगय—

पाइअकहासंगह ।

दानविषये धनदेवधनदत्तकथानकम्—जो दाणं भत्तीए वियरइ सो पावए विउलरिद्धि । धणदेवो धणदत्तो सहो-
यरा इत्थ दिट्ठंता ॥ १ ॥ सिंहलदीवो दीवो नरनाहो सिंहलेसरो तत्थ । भज्जा सिंहलनामा सिंहलसीहो सुओ ताणं ॥ २ ॥
सिंहलसीहो पत्तो वसंतसमयंमि बाहिरुजाणे । हाहारवं तर्हि सो निसुणेई कन्नसल्लं व ॥ ३ ॥ किं ? किं ? किं ? ति भणंतो गओ
पुरो जाव ताव सो नियई । एगं कन्नं मयगलकरसंनिहियं विलवमाणि ॥ ४ ॥ न हु ताय ! रक्खसि तुमं जणणि ! तुमं पि हु
करेसि नो करुणं । कुलदेवयाउ ! तुम्हे वि इह समए कत्थ वि गयाओ ? ॥ ५ ॥ किं अत्थि कोइ पुरिसो करुणाउवयार-
साहससमेओ ? । जो मं रक्खइ सिग्घं एयाओ करिकयंताओ ॥ ६ ॥ तं पिच्छिअ सो चिंतइ दीणस्स करेइ जो न उवयारं ।
सो किं नेव विलीणो जणणीए उयरमज्झंमि ॥ ७ ॥ उक्तं च—किं ताणं जम्मेण वि जणणीए पसवदुक्खजणगेण ।

बाइअ-
कहा-
संगहे ।

॥ १ ॥

परोवयारगुणो खलु न जाण हियंमि विप्फुरइ ॥ ८ ॥ उवयारो किजंतो गुणावहो होइ अप्पणो चेव । भूसंतं नयणेसुं
कज्जलमवि सहइ इत्थीणं ॥ ९ ॥ इय चिंतिऊण कुमरो करिणो पुरओ पढं खिवेऊण । आयद्धिऊण तत्तो जणयाणं अप्पए
कन्नं ॥ १० ॥ नरनाहो सुंणिऊणं वुत्तंतं हरिसनिब्भरो कहवि । चितइ कुमरस्स गुणे धीरिमउवयारकरुणाओ ॥ ११ ॥
धणधणसिरी उ धणवईकन्नं गहिऊण कुमरगयचित्तं । सिंहलसीहस्स परोवयारिणो दित्ति निवसक्खं ॥ १२ ॥ सिद्धिधूया
कुमरेणं पाणिग्गहणं करेइ नरनाहो । नियविहवसारवियरणअदरिइं कुणइ सयलजणं ॥ १३ ॥ परिममइ जत्थ कुमरो
अइसुहयसिरोमणी गुणावासो । सयलो वि रमणिवग्गो न तस्स पुट्ठिं चयइ कहवि ॥ १४ ॥ समयंमि जंमि कुमरो
कीलाहेउं पयाइ वीहिम्मि । समयंमि तंमि तरुणीण हुंति विविहाउ चेद्वाओ ॥ १५ ॥ हारं बंधइ चरणे गीवाए नेउरं
मसीरेहा । विरयइ ललाडवट्टे तिलयं नयणेसु खलु का वि ॥ १६ ॥ का वि अइउस्सुयमणा सुओ त्ति कुणिउं कडीए
मज्जारं । मग्गम्मि जाइ सिग्घं जणेहिं निहुअं हसिजंती ॥ १७ ॥ का वि हु वेदिजंती वायसनियरेण हत्थठिअक्खला ।
कर कर कर त्ति (?) सुंणिरी लज्जइ सयमेव लोएसु ॥ १८ ॥ का वि सकोवा पमणइ हले ! हले ! सुणसु वयण
मज्झमिणं । रुद्धो सयलो वि प्हो तुज्झ नियंवेण विउलेण ॥ १९ ॥ पवणुद्धिअ दूरगयं न मुणइ उत्तरियअंसुयं का वि ।
कुमरं अवलोयंती देती तरुणाण परिओसं ॥ २० ॥ का वि पयंपइ वुट्ठे ! निरत्थयं कह प्हो तए रुद्धो ? । धम्मस्स एस

१ परोवयारगुणो वि हु न C । २ खवेऊण C । ३ सोऊणं B C । ४ चलणे C । ५ विअरइ A वियरइ C । ६ अइउसुयमणा B C ।
७ चुणिरी C । ८ पिहुलेण C ।

दानविषये
धनदेव-
धनदत्त-
कथानकम् ।

॥ १ ॥

समओ तरुणाण पलोयणे न उणो ॥ २१ ॥ अप्पाणं रमणीओ तिसिअं छुहियं वं नो विआणंति । आगच्छंति सगेहे
 कुमरे पत्तंमि घवलहरे ॥ २२ ॥ अन्नदिणे सिद्धिजणो निवहं विन्नवह देव ! अन्नाओ । न गिहे दीसइ रमणीलोओ कुमरे
 बहिभमंते ॥ २३ ॥ सोहगगुरुवगुणगणसंजमिओ इव चएइ न कुंमारं । रमणिजणो ता तं तह कुणसु जहा ठाइ नियगेहे ॥ २४ ॥
 आमं ति पभणिऊणं कयसम्माणं विसज्जए लोयं । किंकायवविमूढो राया चिंताउरो जाओ ॥ २५ ॥ हंकारिऊण भणिओ मा
 हिंडसु कुमर ! नयरमज्झंमि । जिज्झइ तुह लायणं पिज्जंतं तरुणिनयणेहिं ॥ २६ ॥ अहिमाणधणो मुणिउं चित्तं निवइस्स
 चित्तए कुमरो । नियगुणगणो वि मज्झं संजाओ सत्तुवग्गसमो ॥ २७ ॥ धिद्धी मह जम्मो वि हु लोयाणं दुक्खकारणं जेण ।
 ता जह सुहिओ लोओ हवेइ तं चिय लहु करिस्सं ॥ २८ ॥ इय सो विसन्नचित्तो कहकहमवि गमइ जाव सैयलदिणं । ता
 मुणिअमाणसा पिययमा वि तं पुच्छइ सदुक्खं ॥ २९ ॥ मज्झं सवहेण धिप्पसि सच्चं चिय कहसु तुज्झं किं दुक्खं ? । कुमरो
 विसायकारणमह कहिउं तं पयंपेइ ॥ ३० ॥ कायवं अज्ज मए गमणं देसंतरंमि दूरंमि । ता दइए ! मायगिहे चिट्ठं तुमं
 कहवयदिणाइं ॥ ३१ ॥ सा पडिभणेइ पिययम ! जुत्तं वुत्तं तए इमं वयणं । छाया व तुज्झं पासं न उणो चइउं अहं सका ॥ ३२ ॥
 ता मुणिआभिप्पाओ गहिऊणं धणवइं रयणिमज्झे । वासभवणाउ कुमरो विणिग्गओ तह य नयराओ ॥ ३३ ॥ गच्छंतो
 संपत्तो समुदकूले कमेण सो कुमरो । आरुहइ जाणवत्तं पियाए सहिओ तओ तत्थ ॥ ३४ ॥ पडिकूलमारुणं फुड्डं तं धणवइं
 वि दिव्वसा । लहिऊण फलहखंडं संपत्ता तीरभायम्मि ॥ ३५ ॥ संपत्तफलहखंडो पिओ वि जइ जीविओ कहवि होजा ।

पाइअ-
कहा-
संगहे ।

॥ २ ॥

इय आसाए तीए चत्तं न हु जीवियं तत्थ ॥ ३६ ॥ उक्तं च—वल्लहविरहे लोओ जं न मरइ जलणदाहतुल्ले वि । तं तस्स
पुणवि संगमआसाअमिएण संकंतो ॥ ३७ ॥ गच्छंती वसिमेणं कुसुमपुरं धणवई वि संपत्ता । पियमेलयंमि तित्थे तवइ
तवं तत्थ सा दुसहं ॥ ३८ ॥ सिंहलसीहविओए अभिग्गहं गिण्हए इमं बाला । जइ दइयं पिच्छिस्सं ता मोणवयं
परिचइस्सं ॥ ३९ ॥ सिंहलसीहो वि तहिं पत्तेणेकेण फलहखंडेण । तरिऊणं जलरासिं रयणउरं पुरवरं पत्तो ॥ ४० ॥
तत्थ नइतीरदेसे निसुणिय दुसहं जणस्स अकंदं । पुच्छइ एगं पुरिसं किमेयमह सो पयंपेइ ॥ ४१ ॥ इह रयणपहो राया
पाणपिया रयणसुंदरी तस्स । रयणवई ताण सुया भुयगेणं अज्ज सा डसिया ॥ ४२ ॥ गारुडिण्हिं विमुक्का मुय त्ति काऊण
तो चियामज्जे । पक्खित्ता जलणो वि हु पउणो तेणेस अकंदो ॥ ४३ ॥ अह भणइ तस्स समुहं कुमरो दंसेसु तं निवइकन्नं ।
जइ पुण जीवइ कहमवि एसा मह मंतजंतेहिं ॥ ४४ ॥ सुणिऊण तस्स वयणं पुरिसो तं नेइ निवइपासंमि । भणइ अ एसो
कुमरिं जीवाविस्सइ कुणह दिट्ठं ॥ ४५ ॥ दंसेइ निवो कुमरिं चिंधाणि मुणित्तु चितए कुमरो । जीवइ एसा अज्जवि ता सत्ति
कं पि पयडेमि ॥ ४६ ॥ दाऊण अंतरपडे चउडिंसिं पवरमंतजोगेहिं । पउणीकया कुमारी तो सयलं हरिसियं नयरं ॥ ४७ ॥
राया नयरे धूयापहियजुओ पविसए विभूर्इए । तेण समं कन्नाए कुणेइ वारिज्जयं ज्झत्ति ॥ ४८ ॥ भूमीए सुअइ कुमरो
बंभं पालेइ धणवइविओए । रयणवइए पुट्ठो कह न तुमं सुयसि पल्लंके ? ॥ ४९ ॥ जइ कहियइ सच्चं चिय ईसारोसं कुणेइ
ता एसा । इय चित्तिऊण कुमरो समउच्चिय उत्तरं देई ॥ ५० ॥ देसावलोअणत्थं णिग्गच्छंतस्स मह इइ पइन्ना । बंभं
भूमीसयणं जा नियजणए न पेच्छेमि ॥ ५१ ॥ रयणवई तं पभणइ धन्नो सो नाह ! जीवलोगंमि । कुलदेवयं व

दानविषये
धनदेव-
धनदत्त-
कथानकम् ।

॥ २ ॥

जणए जो आराहेइ अणवरयं ॥ ५२ ॥ कुमरस्स गुणे दट्टुण अहिणवे नरवई विं पुच्छेइ । को सि तुमं ? कत्तो व त्ति ?
साहए सो तओ सव्वं ॥ ५३ ॥ तो हरिसपरो राया रयणवई विहवसंजुयं कुमरं । दिन्नामच्चसहायं सिंहलदीवमि पेसेइ
॥ ५४ ॥ गच्छंताणं ताणं जलनिहिमज्जेण जाणवत्तेण । रयणवईए लुट्ठो मंती अगणियकुलकलंकं ॥ ५५ ॥ वक्खित्तमणं कुमरं
जलनिहिमज्झंमि खिवइ सो मंती । तं नाउं दुहियमणा अकंदं कुणइ रयणवई ॥ ५६ ॥ तो रुदनाममंती पभणइ दासो सया
वि तुज्झ अहं । तं होसु मज्झ भज्जा अहञ्जहा मरसि सिग्घं पि ॥ ५७ ॥ इय भणिया सा चितइ निकरुणो एस कुणइ
एयं पि । रक्खामि नियं सीलं किं पि हु इह उत्तरं दाउं ॥ ५८ ॥ मयक्किच्चं तस्स अहं कुणेमि नो जाव ता न वत्तव्वं । जं
किं पि तुमं भणिहिसि तओ परं तं चिय करिस्सं ॥ ५९ ॥ मंती विं भणइ एवं हवउ तओ जंति ताइं वहणं पि । सहस त्ति
दुहाजायं रुट्ठं पिव रुदमंतिम्मि ॥ ६० ॥ सा लद्धफलहखंडा उत्तरिऊणं पयाइ कुसुमपुरे । रयणवई पियविरहे पत्ता पियमेलए
तित्थे ॥ ६१ ॥ विरहानलतविअंगी जीवंतो एइ मज्झ जइ नाहो । ता मोणं मोत्तव्वं इय चितंती तवं कुणइ ॥ ६२ ॥ मंती
वि मच्छपिट्ठिं लहिउं उल्लंघिऊण जलरासिं । संपत्तो कुसुमपुरे ओलग्गइ तं महीनाहं ॥ ६३ ॥ कुसुमसरेणं दिन्नं पुहईनाहेण
तस्स मंतिपयं । रज्जम्मि तंमि रुदो पहाणभावं सँभावन्नो ॥ ६४ ॥ कुमरो वि हु निवडंतो उप्पाडेऊण आसमपयंमि । केण
वि मुक्को पणमइ सविम्हओ तावसं तत्थ ॥ ६५ ॥ तावसवई वि दट्ठुं तस्स सरीरंमि रायचिंघाइं । रूववइं निवैकन्नं विवाहिउं
हत्थमोयणए ॥ ६६ ॥ कथं खुडियं खट्ठं अप्पइ अ कहेइ देइ टंकसयं । निच्चं पढमा दुइया उ जाइ मणवंछिए ठाणे ॥ ६७ ॥

पाइअ-
कहा-
संगहे ।

॥ ३ ॥

तं कुलवहं नमेउं भज्जुओ चडिय खुडियखट्टाए । चितइ हियए गच्छसु जत्थ पिया धणवई मज्झ ॥ ६८ ॥ आगासेणं
सा वि हु कुसुमपुरे जाव बाहिरुज्जाणे । संपत्ता ताव तओ रूववई तं पयंपेइ ॥ ६९ ॥ तिसिया हं नाह ! तुमं सलिलं आणेसु
कह व ठाणाओ । कथं खट्टं भजं मुत्तूण जलस्स गहणत्थं ॥ ७० ॥ कूवंमि सो कुमारो पत्तो सप्पं निएइ तत्थेगं । मं कड्डुसु
त्ति भणिरं एयाओ पुरिसभासाए ॥ ७१ ॥ कुमरो नियमुत्तरियं मुयइ अहो तत्थ लग्गए नागो । कड्डुइ वत्थेण समं सो कुमरं
डसइ करकमले ॥ ७२ ॥ कुमरो विसप्पहावा संजाओ वामणो कुरूवो अ । सो तं भणइ सकोवं पडिउवयारो कओ उचिओ
॥ ७३ ॥ पडिउवयारो नूणं एसो चिय तुज्झ जाणिही कुमरो ! । अइसंकडंमि पडिओ खुंजय ! सुमरेसु मं ज्झत्ति ॥ ७४ ॥
इय भणिऊणं नागो पत्तो अइंसणं तओ कुमरो । हरिसविसायसमेओ गहिय जलं चलइ सहस त्ति ॥ ७५ ॥ रूववईए सगासं
आगंतूणं भणेइ वामणओ । पाणपिए ! पियसु तुमं अइसरसं सीयलं सलिलं ॥ ७६ ॥ अन्नपुरिसो त्ति काउं सा वि हु वेगेण जाइ
अन्नत्थ । जोअइ सबं पि दिणं नियदइयं न उण पिच्छेइ ॥ ७७ ॥ पियमेलयंमि तित्थे तवइ तवं सा वि पिययमविओए ।
तिण्णि वि तुण्हिकाओ मीलियनयणाओ तिण्णे वि ॥ ७८ ॥ उक्तं च—एक्काए पउमिणीए नेहो सलहिज्जए जए नूणं । पाण-
प्पिअरविविरहे जा अन्नं पिच्छए नेव ॥ ७९ ॥ तत्थ ठियाणं ताणं आहारं देइ धम्मिओ लोओ । विगईए विणा कुणिऊण भोयणं
निति दियहाइं ॥ ८० ॥ नरनाहो कुसुमसरो वुत्तंतं मुणिय ताण लोयाओ । चितइ होही किं पि हु महंतमिह कारणं एत्थ ॥ ८१ ॥
कोऊहलेण राया तत्थागच्छेइ परियणसमेओ । नैयणवयणाण चिट्ठं नहु ताणं पिकखए कहवि ॥ ८२ ॥ तो पडहसइपुवं राया

१ खुज्ज A C । २ सुणिय C । ३ वयणनयणाण C ।

दानविषये
धनदेव-
धनदत्त-
कथानकम् ।

॥ ३ ॥

पभणेइ जो उ एयाओ । भासेइ तस्स सिग्घं कुसुमवइं देमि नियधूयं ॥ ८३ ॥ अह अवगणिओ तीए अइदुहिओ चितए मणे
 कुमरो । दिवमि पराहुत्ते मणिच्छिअं होइ न कयावि ॥ ८४ ॥ भममाणो सो पत्तो तित्थे तत्थेव नियइ ताओ वि । तिन्नि
 वि मह भज्जाओ न उणो लक्खंति मं खुज्जं ॥ ८५ ॥ बहुदुक्खभरियहियओ जा चितइ ताण संगमोवायं । वाइजंतं पडहं
 ता निसुणइ छिवइ तं खुज्जो ॥ ८६ ॥ अह विंटणेण वेढिय फलहं कक्खाए खिविअ सो तत्थ । उवविसइ निवसमक्खं ताण
 सयासंमि हरिसपरो ॥ ८७ ॥ उस्सारिय विंटणयं फलहं हत्थंमि कुणिय पभणेइ । जो दुहिजणेहिं जाओ सो पिच्छइ
 अक्खराइं इहं (?) ॥ ८८ ॥ अइरम्मअक्खराइं लिहियाइं इत्थ केण फलहिंमि । अनियंतो वि हु राया वक्खाणइ लज्जसंजुत्तो
 ॥ ८९ ॥ वाएऊणं खुज्जो वक्खाणइ ताण विम्हयं दिंतो । नियचरियं वित्थरओ लोओ वि हु सुणइ वक्खाणं ॥ ९० ॥ सिंहलदीवे
 सिंहलसीहो मोएत्तु वैरकरिकराओ । कुणिउं धणवइ भज्जं चडिउं वहणे पडइ जलहिं ॥ ९१ ॥ अन्नं कहेमि कल्ले इय भणिउं
 पुत्थयं पि बंधेइ । तो धणवई मुणेउं नियपियचरियं इमं सवं ॥ ९२ ॥ चइऊणं मोणवयं तं पुच्छइ तस्स तत्थ किं जायं ? । सो
 वि पुणो पुण उट्ठइ पुणो पुणो पुच्छए सा वि ॥ ९३ ॥ तो भणइ फलहखंडं लहिउं जलहिं तरित्तु रयणउरे । रयणवइं जीवाविअ
 परिणिय पत्तो समुहंमि ॥ ९४ ॥ सो सचिवेणं जलहिंमि घल्लिओ एव कहिय उट्ठेइ । कल्ले अन्नं सवं कहिस्समह मुणिअ नियचरियं
 ॥ ९५ ॥ रयणवई तं पुच्छइ किं जायं तस्स ? कहइ वामणओ । निवडंतो उप्पाडिय केण वि जलहीउ सो नीओ ॥ ९६ ॥ कम्मि वि
 तावसउडवे रूववइं तत्थ परिणिउं कन्नं । खट्ठाकंथाजुत्तो कुसुमपुरे इत्थ सो पत्तो ॥ ९७ ॥ रूववईए भणिओ जलमाणेउं जलासए

१ फलहंमि C । २ करिवरकराओ C । ३ चडिओ वहणे C । ४ सुणिय C । ५ संपत्तो B C ।

पत्तो । तो डसिओ सप्पेणं इय कहिउं उट्टए खुज्जो ॥९८॥ कल्ले कहिस्समन्नं नियपियचरियं मुणित्तु रुव्वई । किं संजायं तस्स ?
त्ति सायरं पुच्छए खुज्जं ॥९९॥ तिन्नि वि वयणपराओ तिन्नि वि तस्संमुहं निअंतीओ । खुज्जयपुट्ठिं तिन्नि वि ताओ न चयंति
जुवईओ ॥ १०० ॥ अवगन्निऊण ताओ निवइं मग्गेइ कुसुमवइकन्नं । मुणिऊण निअपइणं वीवाहं कुणइ सो सिग्घं ॥ १०१ ॥
कस्स वि नेव पमोओ नरवइलोअस्स तंमि वीवाहे । वामणउ त्ति भणित्ता को वि हु नो मंगले देइ ॥ १०२ ॥ तिन्नि वि जुवईओ
तओ नियपिययमसुद्धिमत्थमाणाओ । मंगलधवले खुज्जस्स दिति ताउ चिय विवाहे ॥ १०३ ॥ छंदं कुणमाणीओ तिन्नि वि
चिट्ठंति खुज्जपासंमि । गद्दहपाया वि जओ नियकजेणं मलिजंति ॥ १०४ ॥ अह मग्गइ वीवाहे वामणओ हत्थमोयणं किं पि ।
हसिऊण भणइ सालो सप्पं गिण्हेसु फुप्फंतं ॥ १०५ ॥ जंपेइ तओ खुज्जो सप्पो चिअ होउ मज्झ पच्चक्खो । आगंतूणं सप्पो
कओ वि सिग्घं डसइ हत्थे ॥ १०६ ॥ तो मुच्छं संपत्तो कुमरो पीडाइ पडइ महिवीडे । तिन्नि वि चिंतंति तओ जइ खुज्जो
मरइ इह समए ॥ १०७ ॥ कत्तो पिययमसुद्धी हवेइ ता मरणमुचिअमग्धाणं । कुसुमवई वि हु चितइ पइमरणे नूण मह मरणं
॥ १०८ ॥ उक्तं च—अन्नं सबं पि दुहं कहमवि लोयाण नूण वीसरइ । वल्लहविओयदुक्खं जावजीवं पि सल्लेइ ॥ १०९ ॥
वल्लहविरहसरिच्छं अवरं दुक्खं न दीसए किं पि । जेणं सल्लंतेणं मरणं पि हु वंछए लोओ ॥ ११० ॥ निकारणजणदुज्जण !
रे दिव ! तहावि किं पि पभणेमो । वरि मरणं पि करेज्जा मा विरहो वल्लहजणस्स ॥ १११ ॥ मरणमणाओ चउरो वि ताउ
उयरंमि दिति जा छुरियं । ता सयलो वि हु लोओ अकंदइ मुक्कवाहभरो ॥ ११२ ॥ मा मा कुणेह तुज्जे अइगरुयं साहसं

इमं सहसा । किं अप्पघायणेणं हवेइ मणवंछिया सिद्धी ? ॥ ११३ ॥ इय जा पमणइ लोओ मुच्छाविगमंमि सो पुणो खुज्जो ।
वरकंतिजुओ कामु व उट्ठए ता सहावत्थो ॥ ११४ ॥ विम्हइओ सयलज्जणो अपुवं पिच्छिऊण अच्छरियं । चउरो वि ताउ
हियए नच्चंति अउवभावेणं ॥ ११५ ॥ सो पुव्वकहिअनागो देवो होऊण पमणए कुमरं । बंधवनेहेण अहं कहेमि तुह पुव्वभव-
चरियं ॥ ११६ ॥ धणउरनयरे सेट्ठी धणंजओ तस्स धणवई भज्जा । धणदेवो धणदत्तो जुगलेणं ताण दो पुत्ता ॥ ११७ ॥
ते दुन्नि वि सुविणीया परोप्परं गाढनेहसंबद्धा । धम्मपरा दाणपरा सच्चपरा सीलसंजुत्ता ॥ ११८ ॥ अह गिम्हे कच्चोलं
महुरज्जलसकरापयसणाहं । धणदेवो पाणत्थं जा गिण्हइ नियइ ताव मुणी ॥ ११९ ॥ कह दुद्धं ! कह व मुणी ! कह मह भावो
य इत्थ समयंमि ! । धन्नो हं इय चित्तिय दुद्धं पडिलाहए ज्झत्ति ॥ १२० ॥ सुद्धेणं भावेणं दाणं दिंतेण तेण हरिसेणं । देवाउयं
निवद्धं अहो ! अहो ! दाणमाहप्पं ॥ १२१ ॥ इक्खुरसभरियकुंभो धणदत्तो एइ जाव गिहसमुहं । ता पिच्छइ मुणिजुयलं
मग्गे तवउवसमसमेयं ॥ १२२ ॥ इक्खुरसेणं एगं तुवं भरिऊण वंदए तत्तो । थोवु त्ति तओ दुइयं भरिऊणं नमइ मुणिचलणे
॥ १२३ ॥ जा जाइ किं पि ता वलिय ज्झच्चि भत्तीए भरई अ कडाहं । तो पुण वि नमिअ पेच्छइ इक्खुरसं कुंभए थोवं
॥ १२४ ॥ नीए गिहे अणत्थो दिज्जंतो कस्स पुज्जए एसो ? । इय चित्तिऊण सवं पि देइ दुइयम्मि य कडाहे ॥ १२५ ॥ अह आउं
पालित्ता मरंति ते दो वि तत्थ धणदेवो । देवत्तं संपत्तो धणदत्तो उण तुमं जाओ ॥ १२६ ॥ भावेहिं चउहिं खंडत्तएण दिन्नो
मुणीण इक्खुरसो । चउभावदाणजोगा भज्जचउकं तओ तुज्झ ॥ १२७ ॥ खंडत्तयभावाओ दुक्खं पत्तो सि तिन्नि वेलाओ ।
सुहभावदाणजोगा मह उण देवत्तणं जायं ॥ १२८ ॥ जलनिहिपडिओ उप्पाडिऊण मुक्को मए तया उडवे । जं तुह सच्चू

बाह-
कहा-
संगहे ।

॥ ५ ॥

मंती इत्थ कओ तेण वामणओ ॥ १२९ ॥ डसिऊण तंमि ठाणे पुवनिहितं विसं मए हरियं । पुवभवसिणेहेणं एयं सवं पि
परिविहिअं ॥ १३० ॥ सुणिऊणं नियचरियं सिंहलसीहस्स तत्थ संजायं । जाइस्सरणं तो ज्ञत्ति पेच्छए पुवभवमेसो ॥ १३१ ॥
इय कहिउं जुत्तंतं देवो अहंसणं गओ तत्तो । महिनाहेणं पुट्ठो नियचरियं कहइ कुमरो वि ॥ १३२ ॥ कुमरेणं पुट्ठाओ गाढं
दुक्खेण जुत्तहिययाओ । भज्जाओ वित्थरओ सार्हिति नियं नियं चरियं ॥ १३३ ॥ कुमरं रयणवइं पि हु नियअवराहं खमावए
रुहो । ताइं वि अभयं वियरंति मंतिणो दीणवयणस्स ॥ १३४ ॥ अह कुसुमसरो राया सिंहलदीप्पमि पेसए कुमरं । भज्जाचउक-
जुत्तं पुन्नसहायं विभूर्इए ॥ १३५ ॥ खुडियं खट्ठं आरुहिय वेगओ नहपहेण संपत्तो । जणणिजणयाण चलणे सिंहलसीहो
नमइ तत्तो ॥ १३६ ॥ घणवइरयणवई वि य रूववई तह य कुसुमवइभज्जा । चउरो वि हु बहुयाओ नमंति ससुराण पयकमले
॥ १३७ ॥ जणणी भणइ सदुक्खं तुह विरहे वच्छ ! जं न मह हिययं । फुट्ठं तड त्ति ता खलु विहिणा वज्जेण संघडियं ॥ १३८ ॥
सो लज्जाए अहोमुहमवलोयइ गाढमाणसंजुत्तो । जणओ नियउच्छंगे सीहलसीहं तओ कुणइ ॥ १३९ ॥ कंथापहावजुत्तो अदरिइं
कुणइ सयलमहिवलयं । सवाइं ताइं कालं गमंति अइसोक्खभावेणं ॥ १४० ॥ अइदुग्घडचरियाइं सविसेसं मुणिय भवसरूवाइं ।
नियआउं पालेउं पंच वि पत्ताइं देवत्तं ॥ १४१ ॥

इति दानविषये धनदेवधनदत्तकथानकं समाप्तम् ।



दानविषये
धनदेव-
धनदत्त-
कथानकम् ।

॥ ५ ॥

श्रीसम्यक्तवप्रभावे धनश्रेष्ठिकथानकम्—तं नत्थि जं न सिज्झइ संमत्तं इत्थ पालयंताणं । जह लच्छी संपत्ता
 विउला धणसेट्ठिणा पुब्बि ॥ १ ॥ धणउरमत्थि पुरवरं धणुद्धरो नाम तत्थ भूवालो । सेट्ठी धणाभिहाणो धणदेवी भारिया
 तस्स ॥ २ ॥ धणचंदो धणपालो धणदेवो धणगिरी इमे चउरो । संजाया ताण सुया गंभीरा चउसमुद्द व ॥ ३ ॥ धंधी-
 धामी-धणदी-धणसिरिनामाउ ताण अह कमसो । जायाओ भज्जाओ निच्चं नेहेण जुत्ताओ ॥ ४ ॥ धणसेट्ठी विहवेणं वित्थरिओ
 चित्तए सुहमईए । रयणीइ चरिमजामे लच्छिसरूवं विसेसेण ॥ ५ ॥ पाएणं आजम्मं लच्छीए थिरत्तणं न पिच्छेमि । पुरिसुत्तमो
 वि चत्तो जीए निच्चं पि अणुरत्तो ॥ ६ ॥ उक्तं च—खणदिट्ठा खणनट्ठा लच्छी विज्जु व कुडिलमवभावा । इय मुणिऊणं
 तीए केण वि गव्वो न कायवो ॥ ७ ॥ इय लच्छीइ इमाए गिण्हामि फलं सयं विट्ठाए । कारविय जिणाययणं दुत्तरभव-
 जलहिबोहित्थं ॥ ८ ॥ तो जाइ निवसयासे थालं भरिऊण रम्मरयणाणं । तं गहिऊणं राया भणइ धणं वरसु मणइट्ठं ? ॥ ९ ॥
 जिणभवनजोग्गभूमिं मग्गइ सो देइ तं धणो कुणइ । सोवन्नथंभसोवाणपंतिवरनीलमणिपडिमं ॥ १० ॥ गयणगलग्गसिहरं
 अणेगलहुदेवउलियसंजुत्तं । कणयमयकलसदंडं सिवपुरपहगइविमाणं व ॥ ११ ॥ फलकुसुमगंधनेवेज्जसलिलअक्खयपईवधूवेहिं ।
 तिकाळं जिणपडिमं सो पूयइ भत्तिसंजुत्तो ॥ १२ ॥ इय सो गमेइ कालं जा किं पि हु हरिसनिब्भरो सेट्ठी । ता पुव्वकम्म-
 भावा जं जायं तं निसामेह ॥ १३ ॥ जं दवं भूमीए खित्तं तं वंतरेहिं अवहरियं । जं दिन्नं लोयाणं तं नो कहमवि लहइ
 सेट्ठी ॥ १४ ॥ जं वहणे पक्खित्तं तं पुण जलहिम्मि सयलमवि थक्कं । किं बहुणा ? रोरत्तमो सेट्ठी जाओ धणो ज्झत्ति ॥ १५ ॥

पाइअ-
कहा-
संगहे ।

॥ ६ ॥

सो मुणिय भवसरूवो न दीणभावं पयासए कहवि । भज्जा तणया य पुणो भणंति तं गाढदुहियमणा ॥ १६ ॥ बहुधम्म-
वयवसओ दारिदं सेट्ठि ! तुम्ह संजायं । इय भणियस्स वि से ल्हसइ नेव धम्मंमि बहुमाणो ॥ १७ ॥ धम्मत्थवयवसओ
दइए ! जायं न अम्ह दारिदं । पुवक्कियक्कमाणं मुणह विवागं इमं तुब्भे ॥ १८ ॥ जं पि य तं पि य काउं वाणिज्जं नो तरंति
ते तत्थ । नंदिग्गामे ताइं गयाइं चइऊण नियनयरं ॥ १९ ॥ सवाइं ताइं महया दुक्खेणं निग्गमंति दियहाइं । पुट्टलयं काऊणं
संज्ञाए मिलंति भुज्जस्स ॥ २० ॥ एकं सेट्ठि मोत्तुं सिदिलियधम्माइं ताइं जायाइं । धम्माउ वि दारिदं नो गच्छइ इय
विचित्तेउं ॥ २१ ॥ सेट्ठी निच्चलचित्तो धम्मे भावं चएइ नो कहवि । सम्मत्तसुद्धहियओ गमेइ सो कइवयदिणाइं ॥ २२ ॥
अन्नदियहंमि सेट्ठी सकुडुबं भणइ महुरवयणेहिं । एगं वेलं जइ नियविम्बं पिच्छामि ता धन्नो ॥ २३ ॥ तो सवाइं वि ताइं
अक्कोसं देंति गाढदुक्खाइं । जंपंति य देवगिहाइधम्मिओ तुह गया लच्छी ॥ २४ ॥ तो एयाइं गरुयं कम्मं बंधंति इय
अपुच्छित्तु । धणउरनयरे गच्छइ एगागी तह जिणाययणे ॥ २५ ॥ संबलनिमित्तमेगो चिट्ठइ गंठिम्मि रूवओ मज्झ ।
एएण अहं गिण्हामि रम्मकुसुमाइं पूयकए ॥ २६ ॥ उववासो मज्झ हविज्ज अज्ज चउमासयं जओ पवं । कल्ले पुण पारणयं
जहतहवि हविस्सई नूणं ॥ २७ ॥ इय चित्तिऊण कुसुमाइं गिण्हिउं धूलिमलिणदेहो वि । सुहभावनिम्मलमणो भत्तीए
कुणइ जिणपूयं ॥ २८ ॥ सुद्धेणं भावेणं तेणं दुत्थेण तंमि समयंमि । जं अज्जियं सुपुणं तं मुणइ विसिट्ठनाणजुओ ॥ २९ ॥
तो वंदिऊण देवे वसहिं गंतूण नमइ गुरुचलणे । निसुणइ धम्मं संज्ञाइ तेहि अह पभणिओ सेट्ठी ॥ ३० ॥ वसहीए

१ दुक्खेण गमिति तत्थ दियहाइं A । २ पोट्टलयं कुणिऊणं A । ३ भोजस्स A ।

भी
सम्यक्त्व-
प्रभावे
घनश्रेष्ठि-
कथानकम् ।

॥ ६ ॥

पिट्टिभाए सुन्नं गिहमेगमत्थि तत्थेव । पडिकमणज्झाणसज्झायसावहाणो निसिं नेसु ॥ ३१ ॥ केणावि कारणेणं नूणं गुरुणो
 भणंति इय सिट्ठी । निस्सीहियं भणित्ता तं पविसइ निव्वियारमणो ॥ ३२ ॥ रुहिरखरंटियमहियलअणेगमीसणकरंककंकाले ।
 सो तत्थ एगकोणं पडिलेहिअ कुणइ पडिकमणं ॥ ३३ ॥ सज्झायमह कुणंतो वक्खाणंते (णेइ) सयं पि परमतं । जो कुणइ
 जीवहिंसं सो पावइ नरयदुक्खाइ ॥ ३४ ॥ करुणारसरसियमणो जो अभयं देइ सबजीवाणं । सो लहइ विउलरिद्धिं मणिच्छियं
 उभयलोए वि ॥ ३५ ॥ एवं रयणि सयलं सज्झायं कुणिय देसणासहियं । जा निग्गच्छइ सेट्ठी ता पुरओ नियइ नरमेगं
 ॥ ३६ ॥ सो संजसं पयंपइ सावय ! गेहस्सिमस्स नाहो हं । मुच्छाए सरिऊणं विहिवसओ वंतरो जाओ ॥ ३७ ॥ न कयं जं
 महकिच्चं कुडुंबलोएण भूरिभणिण । किं बहुणा जलकरवयसरावमित्तं पि नो दिन्नं ॥ ३८ ॥ तो अहह ! दुट्ठमइणा विणासियं
 नियकुडुंबमखिलमवि । सुन्नमहिट्ठियमेयं गेहं मुच्छाए नडिण ॥ ३९ ॥ दुपयं व चउप्पयं वा जं किं पि हु इत्थ पविसए
 कहवि । तं मारेमि अवस्सं करुणारहिओ विरसमाणं ॥ ४० ॥ अज्ज तुह देसणाए हिंसं मुणिऊण नरयदुहजणणिं । मह
 जाओ सुहभावो ता वरसु मणिच्छियं भइ ! ॥ ४१ ॥ तो पभणइ तं सेट्ठी पओयणं नत्थि भइ ! केणावि । एयं चिय
 कुणसु तुमं चएसु हिंसं दुहावासं ॥ ४२ ॥ सो आह सुइय ! हिंसा चत्त चिय तुज्झ देसणासवणे । अन्नं मग्गसु जेणं
 देवाण न दंसणं विहलं ॥ ४३ ॥ तो सेट्ठी सविमरिसं चितइ गुरुणो सुनाणिणो मज्झ । अज्ज रयणीइ जेहिं दिट्ठो मह
 भाविओ लाहो ॥ ४४ ॥ अन्नह कह पडिकमणाइ कारिओ तेहिं इत्थ भूयघरे । आह सुरो किं चितसि वारं वारं मए

पाइअ-
कहा-
संगहे ।

॥ ७ ॥

भणिओ ॥ ४५ ॥ जं पेइ धणो सेट्टी निययगुरुं पुच्छिउं विमग्गेमि । हरिसपरेणं तेणाणुमन्निओ जाइ वसहीए ॥ ४६ ॥
पणमइ गुरुण चलणे नाणेणं मुणिय रयणिवुत्तंतं । पभणंति ते वि मग्गसु एयं चिय सिद्धि ! सुरपासे ॥ ४७ ॥ जा कळे
भावेणं कया मए जिणवरस्स वरपूया । तीइ चिय पच्चक्खं मज्झ फलं देसु दाणिं पि ॥ ४८ ॥ सो वि हु वंतरपासे तं चिय
मग्गेइ तत्थ गंतूण । पमणेइ सुरो सम्मं तीए फलं देवरिद्धीओ ॥ ४९ ॥ अणहुंताओ ताओ तुम्हं दाउं न अत्थि मह सत्ती ।
देवा वि हु लोयाणं देति फलं अप्पसाहीणं ॥ ५० ॥ जं पुण मह साहीणं अत्थि निहाणं इमंमि कोणंमि । चउलक्खदम्ममाणं
तं गिण्हसु गेहमेयं च ॥ ५१ ॥ इय भणिऊणं देवो पत्तो अहंसणं तओ सेट्टी । जा पेच्छइ तं ठाणं पयडीहयं ता निहाणं
॥ ५२ ॥ तो चितइ धणसेट्टी निच्चलभावाउ मज्झ धम्मंमि । जाया पुणो वि रिद्धी अहो ! अहो ! जिणमयपहावो ॥ ५३ ॥
तं गिण्हऊण किं पि हु दविणं संबलनिमित्तमइनिहुओ । दाउं गिहस्स दारं विणिग्गओ हरिससंजुत्तो ॥ ५४ ॥ गंतूण चेइ-
यहरे जिणस्स पूयं विसेसओ काउं । आगम्म गुरुमयासं हरिसियचित्तो नमिअ तत्तो ॥ ५५ ॥ कस्स वि गेहे भोयणसामग्गि
ज्झत्ति कारवेऊणं । पडिलाभिय मुणिजुयलं कुणइ तओ पारणं सेट्टी ॥ ५६ ॥ अह धणसेट्टी जिणगुरुचलणे नमिऊण जाइ
नियगामे । धम्मंमि दिन्नचित्तो विसइ तओ अप्पणो गेहं ॥ ५७ ॥ कोइ न पुच्छइ चत्तं गिहंमि पत्तस्स तस्स सेट्ठिस्स ।
पत्तेयं रयणीए नियं कुडुंबं भणइ तत्तो ॥ ५८ ॥ धणउरनयरंमि मए लद्धं रम्मं निहाणमइविउलं । ता गंतव्वमवस्सं तत्थ
तओ तेहिं सो भणिओ ॥ ५९ ॥ तुह गहिलत्तं जायं दविणं दविणं ति झंखमाणस्स । अम्हाणं नामं पि हु तत्थ पुरे जाइ न
कया वि ॥ ६० ॥ लहुपुत्तो नेहपणो पभणइ भत्तीए धणगिरी एवं । आगच्छिस्सामि अहं तए समं ताय !

सम्यक्त्व-
विषये
धनभ्रेष्टि-
कथानकम् ।

॥ ७ ॥

तत्थ पुरे ॥ ६१ ॥ सो धणसेट्ठी धणगिरितणयं गहिऊण धणसिरिसमेयं । धणउरनयरे गच्छइ सुरदिन्ने विसइ नियगेहे ॥ ६२ ॥ तत्तो नरवइपुरओ उवायणं करिय कहइ सुरचरियं । सम्मत्तरंजियमणो सो वियरइ तस्स सेट्ठिपयं ॥ ६३ ॥ अह कट्ठिउं निहाणं तणयस्स समप्पिउं सयं सेट्ठी । धम्मपरु चिय चिट्ठइ मुणिऊणं तस्स माहप्पं ॥ ६४ ॥ जिणधम्मदिन्नचित्तो ववहारं कुणइ धणगिरी निच्चं । विहवेणं लोएण य कित्तीए पसरिओ तत्थ ॥ ६५ ॥ सोऊण से पसिद्धिं कुडुंबलोओ वि लज्जिओ धणियं । आगंतुं नो सकइ धणउरनयरंमि दीणमणो ॥ ६६ ॥ अन्नदिणे लहुपुत्तो परिभावइ किंतु मज्झ विहवेणं । अइदुक्खेणं जणणी चिट्ठइ तह भाउणो मज्झ ॥ ६७ ॥ किं तेणं तणएणं जीवतेणावि इत्थलोयंमि । आजम्मं नियजणणी सुक्खेणं धरइ जो नेव ॥ ६८ ॥ इय चितिय नियजणयं पयंपए गाढभत्तिसंजुत्तो । आपेमि इत्थ जणणिं तुम्हाएसेण सकुडुंबं ॥ ६९ ॥ जंपेइ तओ सेट्ठी जं तुह उचियं कुणेसु तं वच्छ ! । सो लद्धसमाएसो नंदिग्गामंमि संपत्तो ॥ ७० ॥ भायजणं नियजणणिं पणमिय गामाओ आणइ सुहेण । धणउरपुरंमि ताइं धम्मपराइं तु चिट्ठंति ॥ ७१ ॥ अन्नदिणे गुरुचलणे भत्तीइ नमित्तु पुच्छए सिट्ठी । कह जाया मह रिद्धी ? गया कहं ? कह व संपत्ता ? ॥ ७२ ॥ अइसयनाणेण मुणी पुव्वभवं कहइ तस्स संखेवा । थलउरगामे सूरु नामासि तुमं वरो सेट्ठी ॥ ७३ ॥ दाणपहावसमज्जियकित्तिभरो सच्चसीलगुणकलिओ । सिद्धंतसवण-निम्मलचित्तो जिणधम्मसंजुत्तो ॥ ७४ ॥ अह अन्नया कयाई तुमए मग्गंमि गच्छमाणेण । पडिओ महीइ दिट्ठो हारो एगो सुवहुमुल्लो ॥ ७५ ॥ आजम्मं मह होही एयस्स पहावओ अदारिदं । इय चितिय लोहेणं तुमए सहस त्ति सो गहिओ

पाइअ-
कहा-
संगहे ।

॥ ८ ॥

॥ ७६ ॥ तत्थ ठिएण वि तुमए चित्तियमेयं परस्स वत्थुमिणं । अवहरमाणस्स महं होही सम्मत्तपरिहाणी ॥ ७७ ॥ ता अलमिमिणा मह नियनियमभंगक्खमेण हारेण । तं मुत्तुं तत्थ चिय अन्नत्थ तुमं तओ पत्तो ॥ ७८ ॥ सुहभावो कालेणं मरिउं जाओ तुमित्थ धणसेट्ठी । सम्मत्तपहावाओ पढमं जाया तुह समिद्धी ॥ ७९ ॥ परहारगहणअज्जियदुक्खमेणं समागयं तुज्झ । दारिदं जा मुक्को तं तेण पुणो वि तुह रिद्धी ॥ ८० ॥ इय पुव्वभवं सुणिउं सेट्ठी संजायजाइसरणो सो । गहियवओ संपत्तो देवत्तं पुन्नभावेणं ॥ ८१ ॥ इति सम्यत्तवप्रभावे धनश्रेष्ठिकथानकं समाप्तम् ।

दानविषये चंडगोवालकथानकम्—तं नत्थि किं पि लोए जं सिज्झइ नेव दाणमहिमाए । जह चंडगोवा-
लेणं पत्ताओ देवरिद्धीओ ॥ १ ॥ अत्थि विसालं नयरं रिद्धीए गयणवल्लहभिहाणं । तं पालइ नरनाहो धम्मरहो नाम धम्मपरो ॥ २ ॥ नयरपहाणो सिद्धी नामेणं कंथओ वसइ तत्थ । धम्मवई पाणपिया संजाया तस्स मणइट्ठा ॥ ३ ॥ जइवि नियदवसंखं कंथयसेट्ठी न याणइ तहावि । ओवज्जणं कुणंतो रयणिदिणं पि हु भमइ निच्चं ॥ ४ ॥ अह ताण जाइ कालो सेवंताणं सया वि विसयसुहं । पुव्वज्जियपुन्नपहावमिलियच्चिताणं (चित्ताणं) दुण्हं पि ॥ ५ ॥ अन्नदियहंमि चित्तापरवसा कुणइ भोयणं नेव । अह-
दुक्खवुक्खियमणा चिट्ठइ मोणेण धम्मवई ॥ ६ ॥ जाणियवुत्तंतेणं भणिया सा सेट्ठिणा सदुक्खेण । दइए ! न हु मोणेणं पओयणं सिज्झए किं पि ? ॥ ७ ॥ जं किं पि तुज्झ दुक्खं अइदुसहं अत्थि हिययमज्झंमि । तं जइ मह कहणिजं हवेइ ता कहसु सहस त्ति ॥ ८ ॥ अह हसिउं सा जंपइ पिय ! किं तुह अत्थि एरिसं पिम्मं । जं मह समुहं पभणसि एयं वयणं तुमं अज्ज ॥ ९ ॥ जं तुह

१ ता अलमिमिणा नियनियमभंगकरणक्खमेण हारेण B । २ पुन्नभावाण A ।

दानविषये
चंड-
गोवाल-
कथानकम् ।

॥ ८ ॥

वि अकहणिजं तं दिट्ठं किं पि कहवि मह पासे ? । कुलमहिलाणं खलु जीवियं पि नियुनाहसाहीणं ॥ १० ॥ दुहकारणंमि कहिए
होही तुज्झ वि मणस्स संतावो । इय नो कहियं अइ आगहो (अग्गहो) त्ति ता संपयं सुणसु ॥ ११ ॥ तं किं पि नत्थि जं
न हु तुम्ह पसाएण सिज्झई मज्झ । एयं चिय मह दुक्खं पुत्तमुहं जं न पिच्छामि ॥ १२ ॥ तत्तो पभणइ सेट्ठी किं किज्झइ ?
पिययमे ! विसमवडिए । अत्थे इमंमि नूणं पुव्वजियकम्मसाहीणे ॥ १३ ॥ नो विहवेणं न परक्कमेणं बुद्धीए नेव न गुणेहिं ।
एसो अत्थो सिज्झइ पुरिसाणं पुन्नसाहीणो ॥ १४ ॥ तहवि मए जइयवं पुत्तत्थे कुणसु भोयणं दइए ! । जेण कुणेमि अहं पि
हु तो दुन्नि वि ज्झत्ति भुंजंति ॥ १५ ॥ अह सा भणेइ दइयं मह कहवि होइ ताव न हु तणओ । पुत्तत्थे नाह ! तुमं अन्नं
परिणेषु वरकन्नं ॥ १६ ॥ सेट्ठी पभणइ दइए ! दट्ठुणं मज्झ पिययमं दुइयं । तुज्झ हविस्सइ ईसा दुक्खं गरुयं पुणो पच्छा
॥ १७ ॥ मा पिययम ! भण एवं तुह सवहो जइ धरेमि किं पि दुहं । तीए भणिओ परिणइ सिद्धिधूयं जसवइभिहाणं ॥ १८ ॥
तीए वि न हवइ पुत्तो अन्नमुत्तायं तओ अलहमाणो । नयरस्स दूरभाए काली देवी समत्थि तहिं ॥ १९ ॥ सा वि हु
नयरजणाणं मणिच्छिए पच्चए य पूरेइ । कंथयसेट्ठी गंतूण तत्थ तं पूयए ज्झत्ति ॥ २० ॥ सो तत्थ ठिओ चिट्ठइ नियमं
काउं मणंमि जइ एसा । वियरिस्सइ मह पुत्तं ता गच्छिस्सं नियं गेहं ॥ २१ ॥ तं निच्छयं मुणेउं सा वि हु पयडी-
हवित्तु पभणेइ । तुट्ठा हं वरसु वरं सो जंपइ देसु मह पुत्तं ॥ २२ ॥ मह अत्थि पुरोहडए चूयतरू तस्स फलदुगं गहिउं ।
अप्पेसु जसवईए भविस्सई तीए पुत्तदुगं ॥ २३ ॥ पढमं पुत्तं अप्पसु धम्मवईए परं जसवईए । इय कहिऊणं देवी तक्खणम-
दंसणं पत्ता ॥ २४ ॥ बहुपुत्तलोहजुत्तो सिट्ठी गिण्हित्तु सत्तअंवाहं । पमुइयचित्तो सगिहं पत्तो सवं कहइ वुत्तं ॥ २५ ॥

पाइअ-
कहा-
संगहे ।
॥ ९ ॥

जा पिच्छइ अंबाईं दुब्बि चिय ताव तत्थ चिट्ठंति । अप्पइ लहुमजाए सिग्घं सा भक्खए हिट्ठा ॥ २६ ॥ तंमि वि
दिणंमि पवरे जाओ गम्भस्स संभवो तीए । सा पडिपुत्ते काले पसवइ पुत्तं तओ एगं ॥ २७ ॥ तणुकंतिसमुज्जोइयदि-
सिवलयं सवलक्खणसमेयं । तं पिच्छिऊण चितइ हिट्ठमणा जसवई हियए ॥ २८ ॥ एसो रम्मो पुत्तो पढमो मज्झेव गुण-
निही हवउ । जो पुण होही दुइओ धम्मवईए तमप्पिस्सं ॥ २९ ॥ इय चित्तियम्मि दुइओ न हु जायइ देवयापहावेण ।
जसवइउयरंमि तओ अइगाढा वेयणा जाया ॥ ३० ॥ तो अप्पइ पढमं वि हु सिग्घं धम्मवईए नियं पढमपुत्तं । अह दुइयं
पसवेई देवपहावा जसवई वि ॥ ३१ ॥ धम्मवई हिट्ठमणा नियनाहं पइ पयंपए सिग्घं । महया विच्छट्ठेणं वरजम्ममह-
सवं कुणसु ॥ ३२ ॥ सेट्ठी वि तओ पभणइ दहए ! दुक्खेण अज्झिओ अत्थो । सहिऊण लुहं सीयं तावं अनं पि बहु दुक्खं
॥ ३३ ॥ ता अम्ह इमे पुत्ता न उणो परसंतिया हविस्संति । नियअत्थो मुहियाए वयइज्झइ कह णु जम्ममहे ॥ ३४ ॥
एउं (एअं) सुणिउं पढमो पुत्तो पभणेइ उच्चवयणेण । सुण ताय ! मज्झ वयणं कालीदेवीए भुवणंमि ॥ ३५ ॥
चूयतरुअहोभाए कलसो चिट्ठेइ रयणवरमज्झिओ । तं आणेउं मह उच्छवेसु वियरेसु सव्वेसु ॥ ३६ ॥ इय सुणिउं
भयभीओ सेट्ठी चित्तेइ कह णु बालो वि । जंपइ उच्चसरेणं न हु पुत्तो एस किं भूयं ? ॥ ३७ ॥ तो पुण वि भणइ बालो
मा बीहसु ताय ! गच्छ तहिं सिग्घं । कम्मयरं गहिऊणं आयड्ढइ खणिय जो सिग्घं ॥ ३८ ॥ कोऊहलेण सेट्ठी लोम-
वसेण य गओ सकम्मयरो । आयड्ढिऊण कलसं सो अप्पई सेट्ठिहत्थम्मि ॥ ३९ ॥ सो हरिसपरवसंगो तं गहिऊणं खिवेइ
कक्खाए । मा कहसु कस्स वि इमं सर्वहं वियरइ पुणो तस्स ॥ ४० ॥ आगंतूणं गेहे सेट्ठी रिद्धीए कुणइ जम्ममहं । अंब-

दानविषये
चंड-
गोवाल-
कथानकम् ।

॥ ९ ॥

पहावा जाओ अंबकुमारो तओ नामं ॥ ४१ ॥ दुइयस्स वि तम्मि दिणे सिद्धकुमारो त्ति नाम संजायं । सो कम्मयरो
पिच्छिय तं कलसं चित्ते हियए ॥ ४२ ॥ एसा अउववत्ता चिट्ठंती मज्झ उयरमज्झंमि । गाढं जणेइ दुक्खं कुणमाणा कल-
कलारावं ॥ ४३ ॥ ता दुइयस्स य कस्स वि कहिउं उयरं कुणेमि अइसुहियं । अहवा कयसवहो कह कहेमि अन्नस्स कइ-
यावि ॥ ४४ ॥ तो कम्मयरो रत्ते गंतुं वाडिजुअंबविवरंमि । पविसिय वाहरइ तओ उच्चसरेणं तहिं सिग्घं ॥ ४५ ॥ मह
सिट्ठिणा इयाणि गहिओ मणिरयणपूरिओ कलसो । कालियभुवणे सहयारपरिसरे अप्पिओ य मए ॥ ४६ ॥ इय सो वाह-
रिऊणं पुणो पुणो कुणइ जाव उयरसुहं । ता पच्छन्नठिएणं सुणियं तं केण वि नरेण ॥ ४७ ॥ इय कारणेण कत्थ वि कहवि
न भासिज्जे अकहणिज्जं । वाडीइ वि खलु कच्चा हवंति कइयावि सच्चमिणं ॥ ४८ ॥ अह पुरिसो गंतूणं निवइसयासंमि कहइ
सव्वं पि । सो भणइ मंतिसमुहं कंथयसेट्ठिं इहाणेसु ॥ ४९ ॥ मंती वि हु आएसइ धरणत्थं कंथयस्स पुरिसजुगं । तंमि वि समए
पभणइ अंबकुमारो नियं जणयं ॥ ५० ॥ ताय ! तुह निवइपुरिसा धरणत्थं इंति इय सुणेऊण । सेट्ठी वि भणइ कलसो न हु
लच्छी किं पुण अलच्छी ? ॥ ५१ ॥ नरनाहो रुद्धमणो गिण्हिस्सइ सव्वमेव गिहसारं । इअ चित्तिऊण सव्वं दव्वं सो खिवइ
भूमीए ॥ ५२ ॥ आउलवाउलहियओ चिट्ठइ सेट्ठी वि भणेइ ता पुत्तो । मह इत्थ विज्जमाणे किं को वि हु कुणइ तुह किं
पि ? ॥ ५३ ॥ जा एवं अन्नोन्नं भणंति ते ताव आगया पुरिसा । सेट्ठि ! तुमं नरनाहो हक्कारइ ते पयंपंति ॥ ५४ ॥ कंपइ
सेट्ठी वि तओ पालण्याओ स नीहरेऊण । अंबकुमारो दुब्बि वि आहणई करचवेडाए ॥ ५५ ॥ ते तप्पहारजजरियदेहविगलं-
तरुहिरमुहनासा । कहकहवि वलेऊणं नरवइपासंमि संपत्ता ॥ ५६ ॥ सेट्ठी वि तओ पभणइ अइगाढं कंपमाणकरचरणो ।

पाइअ-
कहा-
संगहे ।

॥ १० ॥

दइए ! एवं सोक्खं जायं तणएण जाएण ॥ ५७ ॥ पालणयंमि पसुत्तो अंबकुमारो वि भणइ हसिऊण । मज्झ पहावा सोक्खं
तुम्हाण हविस्सई नूणं ॥ ५८ ॥ तस्स पहावा जाओ गेहस्स चउदिसिं पि पायारो । गयणग्गलग्गसिहरो तं पिच्छिअ विम्हिओ
सेट्ठी ॥ ५९ ॥ ते पिच्छिऊण निवई रोसारुणलोयणो पयंपेइ । रे ! रे ! आणह सिग्घं पुत्तजुयं कंथयं सेट्ठिं ॥ ६० ॥
अह भणइ बुद्धिसागरमंती नरनाह ! सो न सामन्नो । कंथयपुत्तो बालेण जेण तुह आहया पुरिसा ॥ ६१ ॥ एसो उत्तमपुरिसो
लिज्जइ भत्तीए न उण कोवेण । जुत्तिजुअं तव्वयणं मुणिउं मंतिं भणइ निवई ॥ ६२ ॥ सो केरिसो सुओ जो दीसइ
जस्सेरिसो गुरुपहावो । मंतिवर ! गच्छ सिग्घं आणसु तं कहवि इत्थं तुमं ॥ ६३ ॥ अह भणइ अंबकुमारो जणयं इह ताय !
एइ मंतिवरो । सेट्ठी वि हु भयभीओ पोलिदुवाराइं ढंकेइ ॥ ६४ ॥ तो पुण वि वयइ पुत्तो भत्तिजुओ एइ न उण कोवपरो ।
ऊससिऊणं सेट्ठी उग्घाडइ ज्झत्ति दाराइं ॥ ६५ ॥ संपत्तो सो सचिवो उवविसई नेव आसणे मुक्के । इय भणइ तुज्झ गेहे
उवइवं किं पि न कुणेमि ॥ ६६ ॥ तुह पुत्तदंसणूसुयमहिइणा सिट्ठि ! पेसिओ अहयं । आहवणत्थं तं गिण्हिऊण तणयं तुमं
चलसु ॥ ६७ ॥ तं सुणिय मंतिवयणं भयविहुरो जाव चिट्ठए सेट्ठी । ता भणइ अंबकुमारो मंति ! अहं आगमिस्सामि ॥ ६८ ॥
मंती पालणयठियं भासंतं पिच्छिऊण तं कुमरं । विम्हियहियओ गच्छइ ससिट्ठितणओ निवसयासे ॥ ६९ ॥ निवलक्खणो-
ववेयं अउवचरियं सुए असंजुत्तं । तं पेच्छिऊण बालं नरनाहो विम्हिओ बाढं ॥ ७० ॥ गहिऊणं उच्छंगे नरनाहो वज्जरेइ
तं कुमरं । सो तं जंपइ वयणं जं पइ कोऊहलं जणइ ॥ ७१ ॥ अंबकुमार ! इयाणि नियवुत्तंतं कहेसु भणइ निवो ।
सो पडिभणेइ संपइ गच्छ तुमं सिग्घमुज्जाणं ॥ ७२ ॥ केवलनाणी तत्थ य समोसढो सो वि सयमेव । मह तुह वि

दानविषये
चंड-
गोवाल-
कथानकम् ।

॥ १० ॥

चरियमेयं सव्वं साहिस्सए सम्मं ॥ ७३ ॥ तं वयणं सोऊणं अहविम्हियमाणसो महीनाहो । नयरजणसिद्धिपुत्तय-
धम्मवईजसवईसहिओ ॥ ७४ ॥ धवलगिहाओ पत्तो उज्जाणे ज्झत्ति नमइ केवल्लिणं । वियरेइ धम्मलाहं सो वि तओ
तस्स सुहजणयं ॥ ७५ ॥ उचियासणोवविट्ठे सयलजणे तत्थ केवली भणइ । संदेहहरणकारणमेयं वयणं सुण नरिंद !
॥ ७६ ॥ जं न हु संमाविज्झइ तं पि हु दीसेइ इत्थ संसारे । नियपुव्वकम्मजोगा दिट्ठंतो एस इह बालो ॥ ७७ ॥ एगंमि गो-
यलंमी चंडपयंडा सहोयरा दुब्बि । निवसंति पिययमाओ चंडिपयंडीउ ताण कमा ॥ ७८ ॥ चंडस्स अत्थि पुत्तो सुपयंडो
नाम अन्नसमयंमि । मरिऊण खीरिथालं उवविट्ठा चंडसुपयंडा ॥ ७९ ॥ ता पत्तं मृणिजुयलं चंडो वियरेइ ताण तं खीरिं ।
एवं सुपयंडो वि हु पडिलाहइ भावणासहिओ ॥ ८० ॥ नियनाहस्स सुयस्स य दाणं दट्ठूण निरुवमं ज्झत्ति । चंडी वि हु
पडिलाहइ खीरिं गुरुभत्तिसंजुत्ता ॥ ८१ ॥ तं किं पि तेहिं पुन्नं समज्जियं तत्थ सुद्धभावेण । देवत्तरज्जरिद्धी न दुल्लहा ताण
दुण्हं पि ॥ ८२ ॥ तं दट्ठूण पयंडो पयंडिमज्जा य भणइ अन्नुत्तं । अम्हाण किं हविस्सइ दिन्ना सवा वरा खीरी ॥ ८३ ॥ आउ-
क्खयंमि मरिउं चंडो चंडी अ जंति सुरलोए । कालीदेवीए पिउ सुपयंडो वंतरो जाओ ॥ ८४ ॥ भमिऊणं संसारे पयंडजीवो य
कंथओ जाओ । न हु अत्थि दाणसत्ती पुव्वभवे वि हु न जं दिन्नं ॥ ८५ ॥ चविऊण चंडजीवो धम्मरहो नाम नरवई तुमयं ।
चंडी वि हु धम्मवई संजाया कंथयस्स पिया ॥ ८६ ॥ भमिऊण भवं जाया पयंडि जसवई य सेट्ठिपिया । कालीदइओ
चविउं संजाओ अंबनामसुओ ॥ ८७ ॥ पुव्वसिणेहवसेणं अहिट्ठिओ कालियाइ देवीए । तस्सत्तीए एसो अउवचरिउ व
दीसेइ ॥ ८८ ॥ नरवर ! दाणपहावा जं न घडइ कहवि तं पि संघडइ । अंबकुमारो रज्जं काउं गिण्हिस्सए दिक्खं ॥ ८९ ॥

बाइअ-
कहा-
संगहे ।
॥ ११ ॥

पुव्वभवम्मि अभावो संजाओ जसवईह मुणिदाणे । तेणेस रम्मपुत्तो पढमो एयाइ न हु हूओ ॥ ९० ॥ धम्मवईए दाणं दिन्नं
तेणेस रम्मपुत्तो य । संभूओ दाणाओ तं नत्थि न जं हवइ इट्ठं ॥ ९१ ॥ इअ केवल्लिणो वयणं सोऊणं ताण तत्थ संजायं ।
जाईसरणं तत्तो नियचरियं पंच वि मुणंति ॥ ९२ ॥ अह पभणइ नरनाहो मज्झ अपुत्तस्स पुव्वभवपुत्तं । नियरजे ठविऊणं
गिण्हिस्सामी अहं दिक्खं ॥ ९३ ॥ पभणेइ मुणिवरिंदो अविलंबं कुणसु चितियं अत्थं । तं नमिउं नरनाहो लोयजुओ
जाइ नियठाणं ॥ ९४ ॥ सब्बजणसम्मएणं सविसेसं पुच्छिऊण पुण सेट्ठिं । अंबकुमारं नियए ठवेइ रज्जंमि नरनाहो ॥ ९५ ॥
धम्मरहो कयकिच्चो होऊणं जाइ केवल्लिसयासे । गिण्हिय पव्वजभरं पालिय पत्तो य सुरलोए ॥ ९६ ॥ सिरिविजयसेणरत्तो धूयं
परिणेइ कुसलवइनामं । अंबकुमारो रज्जं पालइ नाएण संपन्नं ॥ ९७ ॥ जाओ कमेण पुत्तो कुसलवईए तओ विभूईए । देव-
कुमारो नामं तस्स य दिन्नं सुहमुहुत्ते ॥ ९८ ॥ कंथयजणयसमेओ धम्मवईजसवईए संजुत्तो । कुसलवईए सहिओ नरनाहो
गमइ दियहाइं ॥ ९९ ॥ अंबकुमारो निवई देवकुमारं ठवित्तु नियरजे । सब्बजणं स्वामेउं दाणं दाऊण सविसेसं ॥ १०० ॥ कंथयधम्म-
वईए जसवइजणणीइ कुसलवईए य । संजुत्तो गिण्हेइ पव्वजं मुणिवइसयासे ॥ १०१ ॥ पालेऊणं दिक्खं कमेण सव्वाइं ताइं
मरिऊण । सुविसुद्धभावणाइं लहंति देवत्तरिद्धीओ ॥ १०२ ॥ इति दानविषये चंडगोवालकथानकं समाप्तम् ।

दानविषये कृपणश्रेष्ठिकथानकम्—जो वियरइ नियरिद्धिं सत्तसु खेत्तेसु सुद्धभावेण । इंदसमाणो देवो
सुरलोए हवइ किविणो व ॥ १ ॥ लच्छिविलासं नामेण पुरवरं अत्थि लच्छिदुल्ललिअं । लच्छीनिलओ सेट्ठी नयरपहाणो
वसइ तत्थ ॥ २ ॥ नवकोडीउ निहाणे नव जलमग्गंमि नव थलपहंमि । नव नियपुरस्स मज्जे वट्ठंति सया वि सिट्ठिस्स

दानविषये
कृपण-
श्रेष्ठी-
कथानकम् ।

॥ ११ ॥

॥ ३ ॥ छत्तीसं कोडीणं सामित्तं वहइ तस्स सो सेट्ठी । सीलवरालंकरणा लच्छी नामेण तस्स पिया ॥ ४ ॥ एवंविहे वि विहवे
 लच्छीनिलयस्स होइ न हु तिच्ची । परिभमइ रयणिदिवसं अत्थो अत्थो चि कुणमाणो ॥ ५ ॥ न हु कस्स वि सो वियरइ दाणेण
 कवड्डियं पि कइया वि । कुट्ठी वि तस्स हट्ठे कुट्ठियहियं मुहं जाइ ॥ ६ ॥ सो रसवईए भुंजइ तिल्लं वल्ला य सह कुडुंवेण । न
 गिहे वि तस्स दीसइ नवरत्तं चीवरं कहवि ॥ ७ ॥ दाणभएण न गच्छइ देवकुले कहवि मुणिपासे । लच्छीनिलओ सेट्ठी न
 मिलेइ पंचजणमज्जे ॥ ८ ॥ दीवुच्छवे वि न हु तस्स दीसए कहवि मोययाईयं । कप्पडियतडियभिक्षायरा वि विहलासया
 जंति ॥ ९ ॥ लोओ जहत्यनामं लच्छीनिलयस्स देइ किविणो चि । तं सवत्थ पसिद्धिं संजायं किवणचरियस्स ॥ १० ॥ अन्नदिणे
 सो किवणो अइगाढं धरिय बाहुमूलंमि । मित्तेण कहवि नीओ देवउले उस्सवे कम्मि ॥ ११ ॥ उवविट्ठो पिच्छणए दिज्जंतं पिच्छ-
 ऊण तहिं दाणं । हियंमि तस्स चडिया गंठी अह निवडइ महीए ॥ १२ ॥ तो को वि कुणइ वायं को वि हु महेइ तस्स पुण
 उयरं । अह लद्धचेयणो सो गेहं पइ चल्लिओ जाव ॥ १३ ॥ तो पाउलेण भणियं बलाउ उववेसिओ पुणो सेट्ठी । वरनट्टगेयरंजिय-
 लोओ दाणं तहिं देइ ॥ १४ ॥ किवणो एगं पुप्फं कहकहवि हु देइ लोयलज्जाए । अह वित्ते पिच्छणए जा किवणो पइ
 गिहं चलिओ ॥ १५ ॥ पाउलएणं भणिओ पुप्फट्ठाणंमि देसु किं पि तुमं । किवणो भणेइ अन्नं मह पासे नत्थि पुण किं पि
 ॥ १६ ॥ पभणेइ य पाउलयं जइ किं पि हु अम्ह देसि न हु इत्थ । ता नियगेहे गंतुं नेव तुमं लहसि कहवि पुणो ॥ १७ ॥
 पाउलएणं गहिओ किवणो पभणेइ लोयपच्चक्खं । सच्चं चिय संजायं धम्मस्स वि धरणयं एअं ॥ १८ ॥ अइसंकडंमि पडिओ
 किवणो अइकंपमाणहत्थेण । अप्पेइ तत्थ ताणं एगं चिय दद्धलोहडियं ॥ १९ ॥ अह कसिणमुहो किवणो सुन्नमणो

बाइअ-
कहा-
संगहे ।
॥ १२ ॥

गच्छए निए गेहे । अब्भुक्खणं (?) विणा वि हु सो निवडइ ज्झत्ति खट्टलए ॥ २० ॥ तं पेच्छिऊण लच्छी पभणइ किं
नाह ! दीससे दुहिओ । किं मुट्ठो केणावि हु ? किं वा तुह पवहणं फुट्टं ? ॥ २१ ॥ किं न निएसि निहाणं ? किं वा अवमन्निओ
य केणावि ? । किं वा बलाउ केण वि किं पि तुमं मग्गिओ आसि ? ॥ २२ ॥ एवं सो भणिओ वि हु किं पि न वियरेइ
उत्तरं तीए । अह सा पुणो वि जंपइ नाह ! तुमं भोयणं कुणसु ॥ २३ ॥ सो पभणइ कोवेणं झंखंती चिट्ठसे कहं
नेव ? । जं अज्ज मज्झ जायं किं पि तुमं तं न हु मुणेसि ॥ २४ ॥ लच्छी भणेइ किं किं तुह जायं ? मज्झ पिययम ! कहेसु ।
सो भणइ पाउलेणं लोहडिओ अज्ज मह गहिओ ॥ २५ ॥ सा वज्जरेइ पिययम ! इह अत्थे किज्जए कहं दुक्खं ? । दाणेण
इत्थ लोए पाविज्जइ नूण सुपसिद्धी ॥ २६ ॥ सो भणइ पसिद्धीए किं किज्जइ जा हवेइ दाणेण । ता अज्ज मज्झ दइए ! नत्थि
छुहा नेव भुंजिस्सं ॥ २७ ॥ दाऊण तओ सवहे कुणावए भोयणं पियं लच्छी । कहकहवि कवलपंचयमह भुंजइ किवण-
सिद्धी वि ॥ २८ ॥ एवं वट्ठंताणं ताणं जा जाइ कित्तिओ कालो । ता लच्छिसिद्धिणीए जाया गम्भस्स संभूई ॥ २९ ॥
सा पडिपुन्ने काले पुत्तं पसवेइ पुन्नसंपुन्नं । लच्छी पभणइ पिय ! कुणसु पुत्तजम्मूसवं रम्मं ॥ ३० ॥ किविणो भासइ पिय-
यमि ! तुज्झ हविस्संति नूण बहुपुत्ता । तो मज्झ नत्थि अत्थो वयजोग्गो को वि गंठीए ॥ ३१ ॥ लच्छी मोणेण ठिया
नवरद्धं ओसहं घयाइजुयं । जह नो पिच्छइ सिद्धी तं तह भक्खेइ सा सिग्घं ॥ ३२ ॥ संखेवेणं दिन्नं तामं पुत्तस्स पुन्नकलसु
त्ति । सो वि हु कमेण वड्डइ बालो जिणधम्मलीणमणो ॥ ३३ ॥ उवविसइ तओ हट्ठे दवं च समुज्जए सया वि बहं । निय-
भुयअज्जिअदवं दाणे भोगंमि वियरेइ ॥ ३४ ॥ नियपुत्तं भक्खंतं तंबोलं पिच्छिऊण सहस त्ति । आरत्तवयणकमलो सिद्धी पुणु

दानविषये
कृपण-
श्रेष्ठी-
कथानकम् ।

॥ १२ ॥

हवइ कोवेण ॥३५॥ अह अन्नदिणे किवणो रयणीअद्धंमि पिच्छए सुमिणं । पुन्नकलसेण बाहिं लोहडिओ भक्खिओ अज्ज ॥३६॥
 इय पिच्छिऊण सुमिणं उट्ठइ किविणो समाउलीहूओ । पभणइ सुत्ता ? अहवा किं जग्गसि ? पिययमे ! तुमयं ॥ ३७ ॥ कहकहवि
 हु जा जग्गइ ता किवणो पभणइ सुणसु मह वयणं । तुह पुत्तेणं बाहिं लोहडिओ भक्खिओ अज्ज ॥ ३८ ॥ सा पभणइ किं
 झंखसि ? किं कहिओ केण ? किं सयं दिट्ठो ? । सो भणइ मए सेट्ठिणि ! सुमिणे दिट्ठो हमो अत्थो ॥ ३९ ॥ लच्छी पभणइ
 पिययम ! सच्चविओ सो आहाणओ तुमए । जं सुमिणगपट्ठीए मूढ ! तुमं रउडयं देसि ॥ ४० ॥ किवणो जंपइ सेट्ठिणि !
 ज्झत्ति तुमं कुणसु दीवयं इत्थ । सा वि हु मोणं कुणिउं सुत्ता नो उत्तरं देइ ॥ ४१ ॥ किवणो वि हु कुणिऊणं सयमवि
 दीवं बोहए पुत्तं । वियरेसु हट्ठलेक्खं रे ! रे ! मह अज्ज सिग्घं पि ॥ ४२ ॥ अह कट्ठिय संपुडयं पुत्तो वि हु हट्ठलेक्खयं देइ ।
 अनुलोमविलोमाओ न पुज्जए कहवि लोहडिओ ॥ ४३ ॥ तो पभणइ किवणो वि हु रे ! रे ! पाविट्ठ ! मज्झ सव्वघणं । थोवेणं
 थोवेणं तए अहं भक्खियं मन्ने ॥ ४४ ॥ पुत्तो वि हु भणइ मए कम्मि दिणे ताय ! भक्खियं दव्वं । उच्चसरेणं कलहंति जाव
 ता तत्थ किं जायं ? ॥ ४५ ॥ समयंमि तंमि तस्स उ भित्ति खणिऊण जाव पविसेइ । एगो चोरो ता तत्थ निसुणए
 ताइं वयणाइं ॥ ४६ ॥ चितइ जइ गिण्हिस्सं दव्वं किवणस्स जीवियं गहियं । ता खलु एस मरिस्सइ पावेउं हिययसंघट्ठं ॥ ४७ ॥
 गिण्हिस्सइ गोहच्चं को खलु एयस्स चित्तिउं चोरो । गच्छइ सिग्घं पि तओ कत्थ वि अन्नत्थ ठाणंमि ॥ ४८ ॥
 किवणो वि हु विवयंतो रयणिं सयलं पि चिट्ठए तत्थ । रे पुत्त ! तुज्झ ठाणं मह गेहे नत्थि पभणेइ ॥ ४९ ॥ चितेइ पुच्च-
 कलसो कायवमणेण किं व दव्वेण ? । जं न सयं नेव परो भुंजिस्सइ कहवि कइयावि ॥ ५० ॥ जइ इत्थेव बुभुक्खा

बाइअ-
कहा-
संगहे ।

॥ १३ ॥

सहिअए नूण ता वरा दिक्खा । परलोए वि हु लोओ जीइ पहावा हवइ सुहिओ ॥ ५१ ॥ पिउपुत्ता अन्नोन्नं रिउणो खलु
हुंति जस्स कजेण । तं अत्थं चइऊणं धन्ना गिण्हंति पवजं ॥ ५२ ॥ अह माणघणो धम्मे दिन्नमणो नियगिहाउ नीहरिउं ।
एगंमि वरुज्जाणे संपत्तो पुन्नकलसो वि ॥ ५३ ॥ पिच्छेइ तत्थ साहुं पणमिय तस्सेव संनिहाणंमि । संसारविरत्तमणो पवजं
गिण्हए ज्ञत्ति ॥ ५४ ॥ मुणिऊणं वुत्तं गच्छइ अन्नत्थ तेण सह साहू । एयं मुणिउं लच्छी सवं पि हु लोयवयणाओ
॥ ५५ ॥ विमणमणा सा वि पुणो नियनाहं पइ पयंपए एवं । पुन्नकलसेण दिक्खा गहिया किं कुणसि तुममिण्हं ? ॥ ५६ ॥
किंकायवविमूढा लच्छी चित्तेइ गाढदुहियमणा । मह अज पुत्तरयणं हत्थाओ निवडियं कह णु ॥ ५७ ॥ निब्भग्गिया अहं
खलु दविरहे फुट्टए न जं हिययं । पुन्नस्स पुणो कलसो सो चिय जेणं मुणी जाओ ॥ ५८ ॥ सिट्ठी पहायसमए खत्तं
दट्ठण भणइ नियदइयं । चोरेण गिज्झमाणा कलहेण य रक्खिया लच्छी ॥ ५९ ॥ पढिऊण पुन्नकलसो थोवदिणेहिं पि बार-
संगाइं । लच्छिविलासे नयरे पुणो वि सो एइ उज्जाणे ॥ ६० ॥ तं आगयं मुणेउं लोओ सवो वि जाइ उज्जाणे । लच्छी-
सहिओ किवणो जाइ अह वंदए पुत्तं ॥ ६१ ॥ सो पुन्नकलससाहुं गहियवयं पिच्छिऊण लज्जाए । चिट्ठइ अहोप्पुह चिय तो तं
पमणेइ मुणिनाहो ॥ ६२ ॥ इह संसारे एको सुदुज्जओ [होइ] लोहगाढरिउ । तेण विजियाण कहमवि न हु सोक्खं होइ
लोयाणं ॥ ६३ ॥ दिट्ठंतो इत्थ तुमं पुवमवे सुणसु तं समासेण । लच्छिविलासे नयरे एयंमि समिद्धिसंजुत्तो ॥ ६४ ॥ बाहडनामो
सेट्ठी तस्स पिया अत्थि रूविणी नाम । सेवताणं ताणं विसयसुहं गाढनेहेण ॥ ६५ ॥ जाओ सि तुमं पुत्तो नामं धवलो त्ति
तेहिं तुह दिन्नं । कालकमेण बाहडसिट्ठी पंचत्तमावन्नो ॥ ६६ ॥ अह धवलो चित्तेइ जणएण समजिया इमा लच्छी ।

दानविषये
कूपण-
श्रेष्ठि-
कथानकम् ।

॥ १३ ॥

दुगुणी कुणेमि जइ कहवि तस्स तायस्स ता पुत्तो ॥ ६७ ॥ नो विअरइ दाणेणं सयं पि उवभुंजए न कइयावि । न य
 सयणबंधवाणं लच्छी उवहुअए तस्स ॥ ६८ ॥ सीवणधोयणकम्मं कुणेइ सवं पि सो सयं चेव । तस्संगमज्जणं पि हु हवेइ
 धणतेरसीदियहे ॥ ६९ ॥ सुको लुक्खो अहमलिणचीवरो भमइ रयणिदिवसं पि । कत्थ वि अत्थो होही इय चिंताए
 सयाकालं ॥ ७० ॥ जो को वि तस्स पासे उवदिसई देइ तस्स पुण सिक्खं । चलरूवे संसारे दायवं दाणमिह निच्चं ॥ ७१ ॥
 इय भणिऊणं धवलो अवरजणं दावए सया दाणं । परलोयंतरजोगं तेणेव उवज्जए पुन्नं ॥ ७२ ॥ इय सो गमेइ
 कालं सयं पुणो देइ कहवि न हु दाणं । अन्नं लोयं दितं पिच्छिय अहनिव्वुई होइ ॥ ७३ ॥ नियआउं पालेउं धवलो
 मरिऊण सो तुमं जाओ । चइऊणं सवं पि हु नियदवं भूमिमज्झंमि ॥ ७४ ॥ पुवभवे वि हु तुमए दाणं दिन्नं कयावि न हु
 जेणं । तेण तुह दाणसत्ती न हु जाया इत्थ वि भवंमि ॥ ७५ ॥ दाणे वा ज्झाणे वा अज्झयणे वा तहेव अन्ने वि । पुवभवन्मा-
 साओ सिग्घं पि पयट्टए लोओ ॥ ७६ ॥ जेणं अवरजणाओ दाणं निच्चं पि दावियं तुमए । तप्पुन्नप्पहावाओ तुह इह जाया
 गरुयरिद्धी ॥ ७७ ॥ लच्छीए उवओगो न कओ कइयावि जेण पुवभवे । इत्थभवे तुह तेणं तीए फलं किं पि नो जायं
 ॥ ७८ ॥ इय मुणिऊणं दाणं देयं निच्चं पि लच्छिसंजणणं । अहवा दाणपहावा तं नत्थि न जं हवइ लोए ॥ ७९ ॥ इय
 सुणिऊणं किवणो जाइं सरिऊण नियइ पुवभवं । पच्चक्खं चिय सवं अह मुणिनाहं पयंपेइ ॥ ८० ॥ दम्माण लक्खमेगं
 परिग्गहो हवउ मज्झ आजम्मं । अन्नं सवं धम्मे वियरिस्सं अज्जदियहाओ ॥ ८१ ॥ अह पुन्नकलमसाहुं किवणो नमिऊण

पाइअ-
कहा-
संगहे ।
॥ १४ ॥

जाइ नियगेहे । जिणभवणवसहिवरपुत्थएसु वियरेइ नियदवं ॥ ८२ ॥ साहम्मियवच्छल्लं संवस्स य पूयणं कुणइ निच्चं ।
दीणाणाहजणाणं सुवण्णटंके पुणो देइ ॥ ८३ ॥ कप्पडियतडियभिक्षायाराण रयणाइं देइ अणवरयं । भट्टनगारियपाउल-
लयं सो कुणइ अदरिइं ॥ ८४ ॥ रयणीए मंडारो दाणपहावेण वड्डए तस्स । दुइयदिणे तं वियरइ जहिच्छियं पइदिणं सेट्ठी
॥ ८५ ॥ दाणपहावा तेणं तंमि भवे महीयलंमि सयलंमि । निम्मलकित्ती पत्ता मणसंतोसेण संजुत्ता ॥ ८६ ॥ अह मुणिय
अंतसमयं सत्तसु खित्तेसु वियरए दाणं । लच्छीपियाए सहिओ सविसेसं धम्मलीणाए ॥ ८७ ॥ नियआउं पालेउं अंते
सुविसुद्धभावणपराइं । मरिऊण देवलोए इंदसमाणा सुरा जाया ॥ ८८ ॥ इति दानविषये कृपणश्रेष्ठिकथानकं समाप्तम् ।

शीलप्रभावे जयलक्ष्मीदेवीकथा—दुस्सज्जं पि हु सिज्जइ सीलपहावेण ज्ञत्ति लोयाण । जयलच्छीदेवीए
दिट्ठंतं सुणइ सुहजणयं ॥ १ ॥ भारहखित्ते खित्ते विजयउरं अत्थि लच्छिदुल्ललियं । नामेण विजयसेणो नरनाहो तत्थ बल-
कलिओ ॥ २ ॥ तस्संतोउरसारा विजया नामेण पिययमा अत्थि । अइपिम्मपासबद्धाइं दो वि न सहंति विच्छोइं ॥ ३ ॥
अह भइवए मासे एगेणं धीवरेण नइमज्जे । मच्छग्गहणनिमित्तं वित्थारिय धल्लियं जालं ॥ ४ ॥ तत्थ जलपूरखिविया
पडिया सहस त्ति पाउया एगा । मणिरयणकणयघडियं तं पिच्छिय धीवरो हिट्ठो ॥ ५ ॥ चितइ रम्मत्तणओ एसा नरनाह-
पिययमाजुग्गा । अह सो गच्छइ सिग्घं पाउयहत्यो निवसयासे ॥ ६ ॥ तम्मि समयम्मि कत्थ वि नरनाहो जाइ रायवाडीए ।
उद्धकरपाउयं पिच्छिऊण तं पुच्छए सिग्घं ॥ ७ ॥ भो ! भो ! तुमए एसा लद्धा अहरम्मपाउया कत्थ ? । कहिऊण सो वि

शीलप्रभावे
जयलक्ष्मी-
देवी-
कथानकम्

॥ १४ ॥

सवं समप्पए पुहइनाहस्स ॥ ८ ॥ नरनाहो दाऊणं उच्चियं किं पि हु विसज्जए तं पि^१ कुणिऊण रायवाडिं धवलगिहे ज्झत्ति
 संपत्तो ॥ ९ ॥ विजयाइ पिअयमाए सो तं अप्पेइ पाउयं एगं । तं नियचरणपमाणं पिच्छिय सा भणइ हिट्ठमणा ॥ १० ॥
 पिययम ! जइ मह जोग्गं दुइयं आणेसि पाउयं कहवि । ता हं करेमि भोयणमह नो नियमो महं असणे ॥ ११ ॥ पम-
 णेइ सुत्तहारे नरनाहो नयरमंडणसमाणे । एयसरिच्छं दुइयं सिग्घं पि हु पाउयं घडह ॥ १२ ॥ तं पिच्छिऊण ते वि हु
 अइदुग्घडपाउयं अपडिरूवं । पमणंति अम्ह पिउणो वि नत्थि पहु ! एरिसा सत्ती ॥ १३ ॥ सुणिऊण ताण वयणं कन्नसलायं
 व दुक्खिओ निवई । किंकायवविमूढो तो पडहं दावए नयरे ॥ १४ ॥ एयसरिच्छं जो कहवि आणए इत्थ पाउयं दुइयं ।
 सो लहइ दम्मलक्खं वियक्खणो नेव संदेहो ॥ १५ ॥ अह मगरदाढनामा तं छिवित्तं कुट्टिणी भणइ निवई । इह पाउय-
 माणेमी तस्सामिणिसंगयं अहयं ॥ १६ ॥ इय भणिय अद्वलक्खं पढमं मग्गेइ देइ निवई वि । उड्डुमुहा निग्गच्छइ नयराओ
 कुट्टिणी तत्तो ॥ १७ ॥ भुंजइ विजयादेवी निव्वुअहियया निवेण सह तत्तो । जीविज्जइ आसाए पंचा(हया)साए पुणो नेव ॥ १८ ॥
 सुहसउणसूइउच्छाहकहियहिययइट्ठसिद्धिसंतुट्ठा । गामे पुरंमि वरपट्टणंमि खेडे मडंवे य ॥ १९ ॥ परिभमइ रयणिदियहं
 दसमासं जाव कुट्टिणी मयरा । हियइच्छियस्स सिद्धिं कहवि हु कत्थवि न पावेइ ॥ २० ॥ अह सा विलक्खहियया
 चित्तइ सउणा वि निप्फला मज्झ । ता कह भट्टपइन्ना नियनयरं जामि निल्लज्जा ॥ २१ ॥ कयउच्छाहा जा पुण वि भमइ
 ता नियइ नयरमेगं सा । कत्थवि जत्थ न दीसइ दुपयं व चउप्पयं वा वि ॥ २२ ॥ सुन्नं हट्ठस्सेणिं गिहपंतीओ य तह
 नियच्छंती । जा गच्छइ धवलगिहे विचित्तचित्ताइसंजुत्ते ॥ २३ ॥ सोहग्गरूवनिज्जियसुरंगणं पढमजुवणसमेयं । ता नियइ

पाइअ-
कहा-
संगहे ।
॥ १५ ॥

तत्थ कन्नं कामोवमकुमरसंजुत्तं ॥ २४ ॥ ताहं वि तं पिच्छेउं अब्भुट्ठाणं कुणंति सहस त्ति । उववेसिय पुच्छंती किमत्थमिह
तुज्झ आगमणं ? ॥ २५ ॥ दाऊणं समओचियमुत्तरमह सा वि खिवइ जा दिट्ठि । ता नियइ एगकोणे एगं चिय पाउयं
रम्मं ॥ २६ ॥ तं पिच्छिऊण चित्तिइ एसा दीसेइ तस्स सारिच्छा । एयाए एस चिय हविस्सई सामिणी मन्ने ॥ २७ ॥ ता
अज्ज मज्झ चित्तियमणोरहा सहलभावमावन्ना । एसा कह नेयवा सपाउया तम्मि नियनयरे ॥ २८ ॥ अह तेहिं सा भणिया
अम्मो ! अम्हाण होसु पाहुणिया । आमं ति भणिय भुंजिय चिट्ठइ सा तं दिणं तत्थ ॥ २९ ॥ अह एगंते जाए मयरा पुच्छेइ
सुद्धवयणेण । वच्छि ! कहं उवसियं नयरं ? को एस ? का य तुमं ? ॥ ३० ॥ सा वीसत्था पभणेइ सुण अंब ! समत्थि जयउरं
नयरं । तत्थ निवो जयसूरो पाणपिया जयसिरी तस्स ॥ ३१ ॥ जयलच्छी नामेणं तणया ताणं समुप्पन्ना । सिक्खिअकलाकलावा
कमेण अह जुवणं पत्ता ॥ ३२ ॥ अम्हाण आसि रज्जे दिन्नं कुलदेवयाइ कमपत्तं । बहुसो दिव्वपहावं अहरम्मं पाउआजुयलं ॥ ३३ ॥
देवो व वंतरो वा रोगायंको व अहव दुब्भिकखं । परचकं च सचकं तस्स पहावा न पूरेइ ॥ ३४ ॥ ताणं मज्झा एगा
पुज्जच्छेएण कहवि कत्थ गया । खेयपरो मह जणओ तत्तो पालेइ रज्जभरं ॥ ३५ ॥ अह कित्तियंमि समए गयंमि पासाय-
सिहरपत्ताए । मह रूवं दट्ठूणं अइलुट्ठो वंतरो एगो ॥ ३६ ॥ मह जणयं जयसूरं अह सो पभणेइ नियधुया तुमए । दायवा
कस्सावि हु ता मह देवस्स वियरेसु ॥ ३७ ॥ अह भणइ मज्झ जणओ वंतरमणुयाण मिलइ न कया वि । इय पडिसिद्धो सो
वि हु गाढं कोवेण संजुत्तो ॥ ३८ ॥ निहणेइ मज्झ जणयं जणणिं अह सबनयरलोयं पि । मं इकं मुत्तूणं सो दुट्ठो वंतरो रुट्ठो
॥ ३९ ॥ अज्ज अहं नियदइयं कुणिस्समिय भणिय सो गओ ण्हाउं । ता सहस चिय एसो कुमरो कत्तो वि संपत्तो ॥ ४० ॥

शीलप्रभावे
जयलक्ष्मी-
देवी-
कथानकम् ।

॥ १५ ॥

तो बुचंते पुढे तेणं कहिए मए कुमारेण । आगच्छंतो नीओ पंचत्तं एस खग्गेण ॥ ४१ ॥ तस्यमए तस्सावि हु पडिपुन्नो
अत्थि आउसमउ त्ति । कुमरवरखग्गघाओ निमित्तमित्तं पुणो जाओ ॥ ४२ ॥ मज्झ मणं मुणिऊणं परिणीया हं अणेण कुम-
रेण । कल्लदिणे संझाए गंधवेणं विवाहेण ॥ ४३ ॥ अह एसो रयणीए सुत्तो मिल्हेह उण्हनीसासे । तो अंब ! मए पुढो
कहेसु किं तुज्झ पिय ! दुक्खं ? ॥ ४४ ॥ इय भणिए कहकहवि हु एसो पभणेह पिययमे ! सुणसु । गंधवपुरे नयरे नरसीहो
अत्थि नरनाहो ॥ ४५ ॥ संजाओ तस्स सुओ स्रो नामेण सो पुणो अहयं । मह अत्थि दुवे मित्ता परोप्परं नेहसंजुत्ता
॥ ४६ ॥ एगो अमच्चपुत्तो सुबुद्धिनामो सुबुद्धिसंजुत्तो । धारडनामा तणओ दुइओ उण सुत्तहारस्स ॥ ४७ ॥ देसाण दंस-
णत्थं पच्छन्नं निग्गया सगेहाओ । महिमंडलं नियंता पत्ता अह पवए एगे ॥ ४८ ॥ तत्थ अघोरो नामा जोगिंदो अत्थि
मंततंतविऊ । मं पिच्छिऊण पभणइ सो गाढं भत्तिसंजुत्तो ॥ ४९ ॥ तुह साहिजा विजं कुमार ! नहगामिणिं पसाहेमि । स्रो
धीरो उवयारसंजुओ दीससे जेण ॥ ५० ॥ इय भणिए जोगिंदं अहं पि पभणेमि तत्थ पाणपिए ! । जं किं पि मए सिज्झइ
तं साहसु नूणं सहम त्ति ॥ ५१ ॥ जोगिंदेणं मव्वं पूओवगरणं समाणियं तत्थ । पत्ते रयणीममए उवविट्ठो निच्चले ज्झाणे
॥ ५२ ॥ आयड्डियरुवालो अहं पि चिट्ठेमि जाव ताव पुणो । अइभीमणरूवधरो संपत्तो रक्खसो एगो ॥ ५३ ॥ सो भणइ
मज्झ समुहं रे ! गच्छ तुमं सजीविअं गहिउं । जोगिंदं पुण दुट्ठं पाविट्ठमहं हणिस्सामि ॥ ५४ ॥ मइ जीवंते नो कहवि मरइ
रे ! अहम ! एस जोगिंदो । इय भणिए मह समुहो कोवेणं ज्झत्ति जा पत्तो ॥ ५५ ॥ ताव मए सो हियए पायपहारेण निह-
णिओ बाढं । जीवियसेसो नट्ठो पाविट्ठो ज्झत्ति दूरमि ॥ ५६ ॥ जोगिंदस्स वि विजा सिद्धा तेणं तओ अहं भणिओ ।

पाइअ-
कहा-
संगहे ।

॥ १६ ॥

पच्चुवयारं काउं न समत्थो कुमार ! तुज्झ अहं ॥ ५७ ॥ तहवि हु एयं खग्गं दिव्वपहावं कुमार ! गिण्हेसु । एयस्स पहावेणं
सुरा वि जिप्पंति निच्चं पि ॥ ५८ ॥ अब्भिडइ कहवि महिला जइ पुण एयस्स खग्गरयणस्स । तो तस्सामी होही अचेयणो
जाव लम्मासे ॥ ५९ ॥ असिईसयदीहाणं मज्झे जइ को वि निययसत्तीए । जीवावइ ता जीवइ अह नो सो मरइ पुण पच्छा
॥ ६० ॥ ता महिलाए फंसो रक्खेयवो कुमार ! जत्तेण । इय कहिय तेण खग्गं समप्पियं गिण्हिअं च मए ॥ ६१ ॥ अह
कहवि रमणिकरकमलच्छित्तखग्गाउ वेअणा तुज्झ । गच्छइ ता तुह मित्तो आणि(हरि)स्सइ एम मंतिसुओ ॥ ६२ ॥ रक्खड्डिया
मह एगा समप्पिया तेण कहिय माहप्पं । तिसल्लुहसीउण्हदुहं पासठिया हरइ खलु एसा ॥ ६३ ॥ एगो मंतो तेणं दिन्नो
कहिऊण मंतिपुत्तस्स । एयपहावा जीवइ चेयणरहिओ वि जीवजुओ ॥ ६४ ॥ जत्थ लिहिजइ एसो नहेण तं जाइ चित्तियं ठाणं ।
इय भणिय मंतमेगं समप्पए सुत्तहारस्स ॥ ६५ ॥ कुणिऊणं पिए ! एवं जोगिंदो अम्ह गरुयमुवयारं । अन्नत्थ नहेण गओ
तत्तो अम्हे वि संचलिया ॥ ६६ ॥ मग्गे गच्छंताणं कहकहमवि दिव्वपरिणइवसेणं । भुल्ला परुप्परेणं ते कत्थ गया न
जाणेमि ॥ ६७ ॥ मग्गंमि ताण सुद्धि मग्गंतो हं इह समायाओ । मित्तविओओ एवं दुक्खनियानं पिए ! मज्झ ॥ ६८ ॥
एयं अणेण गुज्झं कहिअं अम्मो ! मए वि इह तुज्झ । इय सुणिय विम्बियमणा मयरा एवं विचित्तेइ ॥ ६९ ॥ कुमारंमि विज्ज-
माणे नो मह भणियं कुणिस्सई एसा । ता खग्गप्फंसेणं अचेयणं कुणिय इह एयं ॥ ७० ॥ दावेऊणं किं पि हु लोहं एयं अहं
तहिं नेमि । इय चित्तिऊण सिग्घं जा पविसइ ज्झत्ति अवयरए ॥ ७१ ॥ अइरम्मं अइरम्मं खग्गं कस्सेरिसं ति पुण भणिरी ।
फंसइ दुट्ठा मयरा वारंतस्सावि कुमारस्स ॥ ७२ ॥ अह कुमरो नियदेहे दाहं अइदुस्सहं मुणेऊणं । जयलच्छी (जयलच्छि)

शीलप्रभावे
जयलक्ष्मी-
देवी-
कथानकम् ।

॥ १६ ॥

एगंते हकारिय भणइ ससिणेहं ॥ ७३ ॥ जो साहिओ मए तुह एगंते खग्गरयणवुत्तंतो । मूढमणाए तुमए सो कहिओ दुट्ट-
 मयराए ॥ ७४ ॥ जो पुरिसो महिलाणं हिययाभिप्पायमप्पए कहवि । सो नूणं मूढमई अप्पाणं खिवइ दुहजलणे ॥ ७५ ॥
 मयराए मह खग्गं फरिसियमेयं अणाए दुट्टाए । इय सुणिऊणं दइए ! तुमए वि न वीससियव्वं ॥ ७६ ॥ ता हं चेयणरहिओ
 हविस्समग्गी पुणो न दायवो । जइ पुण कहमवि एवं सुणिअ इह एइ मंतिसुओ ॥ ७७ ॥ ता मह जीअं दइए ! छम्मासं जाव
 तो परं मरणं । इय कहइ जाव तीए ता नट्टा चेयणा तस्स ॥ ७८ ॥ अह पभणइ जयलच्छी अंब ! मओ मज्झ पिययमो कहवि ।
 अइदुक्खदुक्खिया वि व तं सुणिउं भमइ (भणइ) मयरा वि ॥ ७९ ॥ सच्चं चिय जइ वच्छे ! तुज्झ पिओ एस मरणमावन्नो । मा तहवि
 कुणसु दुक्खं दाही अन्नस्स नियपुत्ति ॥ ८० ॥ विजयपुरे नरनाहो नामेणं अत्थि विजयसेणु त्ति । सुहयसिरोमणिमज्झे रेहा
 तस्स चिय जयम्मि ॥ ८१ ॥ तं पाणपियं काउं भुंजसु भोए जहिच्छिण निच्चं । तं नयरं पइ संपइ ता चलसु मए समं वच्छि !
 ॥ ८२ ॥ इय सुणिऊणं चितइ किं किं एसा कुणेइ पाविट्ठा ? । सव्वं पिच्छेमि देहं तत्तो सा जंपए मयरं ॥ ८३ ॥ अंब !
 तए अइरम्मं भणियं ता चलसु मं गहेऊणं । पाउअजुत्ताउ तओ विजयपुरे दो वि पत्ताओ ॥ ८४ ॥ एगम्मि पुरुज्जाणे
 जयलच्छिं ठाविऊण सा भणइ । नरनाहं तुह समुहं वच्छे ! सिग्घं समाणेमि ॥ ८५ ॥ विहसियवयणा मयरा रायउले जाइ
 नमइ नरनाहं । पुट्ठा तेणं साहइ चरियं सव्वं पि वित्थरओ ॥ ८६ ॥ मयरा पाउयमप्पिअ पभणइ एयाइ सामिणी वि मए ।
 आणीया उज्जाणे चिट्ठइ संपइ चलसु समुहं ॥ ८७ ॥ तं पाउयं समप्पइ तुट्ठो देवीए ज्झत्ति नरनाहो । कहवयजणसंजुत्तो

बाइअ-
कहा-
संगहे ।

॥ १७ ॥

संपत्तो तंमि उज्जाणे ॥ ८८ ॥ विजिअसुरंगणरूवं तं पिच्छिय पंचबाणकरभल्लि । ईसाए विव विद्धो मयणेण सरेहिं नरनाहो
॥ ८९ ॥ ससिणेहं सो जंपइ सहलं मह कुणसु जीवियं दइए ! । जइ सुपसन्ना सि तुमं ता अंतेउरमलंकुणसु ॥ ९० ॥ सा
भणइ तओ एगं नरनाह ! सुणेसु वयण मज्झमिणं । नियपिययममयकिच्चं कायवं जाव छम्मासं ॥ ९१ ॥ सत्तागारे दाणं
तस्स निमित्तं मए सया देयं । जं भणसि तुमं पच्छा तं चेव अहं कुणिस्सामि ॥ ९२ ॥ इय सुणिए नरनाहो पभणइ एवं
हवेउ सो तत्तो । कारिय सत्तागारं पूरइ सबं पि सो तीए ॥ ९३ ॥ सा वि हु सत्तागारे विअरइ पहियाण भोयणं निच्चं ।
सविसेसं परिपुच्छइ नामं ठाणं पि ताण पुणो ॥ ९४ ॥ एयं चिय सा चितइ सीलपहावो समत्थि जइ मज्झ । आगच्छिज्जा
सिग्घं मंतिसुओ ता मह सयासे ॥ ९५ ॥ जयलच्छि सीलमंतप्पहावआगरिसिअं व संपत्तं । पहियदुगं अन्नदिणे सा ताणं
पुच्छए वत्तं ॥ ९६ ॥ ताणं एगो पभणइ गंधवपुराउ तिन्नि मित्तवरा । देसाण दंसणत्थं संचलिया कोउअक्खित्ता ॥ ९७ ॥
नरनाहसुओ सूरु मंतिसुओ हं सुबुद्धिनामेण । वरसुत्तहारपुत्तो विकखाओ धारडो एसो ॥ ९८ ॥ सूरस्स पुणो मग्गे भुल्ला
इत्थेव तं निरक्खंता । लुहिया भोयणहेउं समागया तुज्झ पासंमि ॥ ९९ ॥ अह विहसियमुहकमला जयलच्छी कहइ मंति-
तणयस्स । कुमरस्स वित्थरेणं निअपाणपियस्स वुत्तंतं ॥ १०० ॥ ता मंतिपुत्त ! गच्छसु गहिऊणं मं पि जयउरपुरंमि ।
जीवावसु तं कुमरं नहेण गंतूण सिग्घं पि ॥ १०१ ॥ तो घडइ धारडो वि हु विमाणमेगं लिहेइ तहिं मंतं । अह पभणइ
जयलच्छी अच्छरिअं किं पि हु कुणिस्सं ॥ १०२ ॥ नरनाहो निच्चं पि हु आगच्छइ इत्थ पिययमासहिओ । ता तस्स पियं
घित्तुं नहेण गच्छिज्जाए सिग्घं ॥ १०३ ॥ इय जा कुणंति वत्तं समागओ नरवई पियासहिओ । दट्ठूण वरविमाणं विजया उव-

शीलप्रभावे
जयलक्ष्मी-
देवी-
कथानकम् ।

॥ १७ ॥


विसइ तत्थेव ॥ १०४ ॥ जयलच्छी वि हु उवविसइ मंतिपुत्तो य धारडो य तहिं । हुं गच्छइ य भणेउं विमाणमणुपिल्लिअं
 गयणे ॥ १०५ ॥ खणमेत्तेणं पत्तं जयउरनयरंमि तत्थ तं कुमरं । मंतिमुओ जीवावइ हत्थप्फंसप्पहावेण ॥ १०६ ॥ पुट्ठाइं
 विहसिएणं पाउब्भयचेयणेण कुमरेण । नियवुत्तंतं ताइं कहंति सबं पि दुहियाइं ॥ १०७ ॥ मंतिमुएणं रजंमि तम्मि अहि-
 सिंचिओ तओ कुमरो । अह सूरमहीवइणा तं नयरं वासियं सबं ॥ १०८ ॥ विजया वि तत्थ चिट्ठइ सबो वि हु कुणइ तीए
 बहुभत्ति । सिरिविजयसेणपिअयमविरहे सा चित्ते दुहिया ॥ १०९ ॥ फलमेयं संजायं मज्झं परपाउयाइ लोहेण । जो
 भक्खेइ करंभं विडंभणं सहइ सो अहवा ॥ ११० ॥ अह विजयसेणनिवई अच्छरियं पिच्छिऊण तं मयलं । सो दिन्नगल्लहत्थो
 अहोमुहो चित्ते दीणो ॥ १११ ॥ दुट्ठाइ तीइ नीया कत्थ वि मह पिअयमा न हु मुणेमि । विरहानलतवियंगी सा कह
 जीविस्सइ वराई ? ॥ ११२ ॥ इअ सो झंखइ निच्चं गहिलमणो मुक्करज्जवावारो । पभणेइ मयरदाढं मह दंससु पाउयाठाणं
 ॥ ११३ ॥ जंपेइ मयरदाढा जयउरनयराउ पाउया एसा । आणीया इत्थ मए भमिऊणं सयलमहिवलयं ॥ ११४ ॥ कइवय-
 निअलोअजुओ कुट्ठिणिसहिओ य जयउरे चलिओ । वीसंभट्ठाणेसुं मंतीसुं अप्पिउं रजं ॥ ११५ ॥ सो तत्थ गओ
 कमसो ओलक्खेऊण ज्झत्ति जयलच्छी । नियपइणो तं साहइ सो वि कुणइ तस्स पडिवत्ति ॥ ११६ ॥ अह पभणइ जयलच्छी
 नरनाह ! कयावि हवइ न हु सुक्खं । पररमणीलुट्ठाणं तस्संगमवावडमणाणं ॥ ११७ ॥ जयलच्छीए विजया समप्पिया
 तस्स कुणिय सम्माणं । तं गहिउं नियनयरे सो तेहिं विसज्जिओ पत्तो ॥ ११८ ॥ अह कुणिअ रज्जसुत्थं जयउरनयरंमि

पाइअ-
कहा-
संगहे ।

॥ १८ ॥

मित्तसंजुत्तो । सपिओ य सूरनिवई गंधवपुरंमि संपत्तो ॥ ११९ ॥ नियजणणीजणयाणं दुहिअमणाणं मिलंति ते सवे । अपुवं
किं पि सुहं संजायं संगमे ताणं ॥ १२० ॥ अह तत्थ मंतिपुत्तेण साहिअं सयलमवि नियं चरियं । नववहुयं जयलच्छि
पाडइ चलणेसु ससुराणं ॥ १२१ ॥ अंतसमयंमि तेहिं रज्जंमि निवेसिओ निओ कुमरो । अह सूरनिवो पालइ रज्जदुगं नाय-
संपन्नो ॥ १२२ ॥ जयलच्छी नियनाहं देवयमिव ज्ञायए सया हियए । सीलपरा धम्मजुया दियहाइं गमेइ सोक्खेणं
॥ १२३ ॥ जयसेणनिवेणेसा लोहं भत्ति पि दंसिउं भणिया । जयलच्छीए तह वि हु मणसः वि न खंडियं सीलं ॥ १२४ ॥
नियआउं पालेउं पत्ता मरिऊण देवलोणंमि । सिरिजयलच्छीदेवी निरुवमसीलप्पहावेण ॥ १२५ ॥

इति शीलप्रभावे जयलक्ष्मीदेवीकथानकं समाप्तम् ।



शीलप्रभावे सुन्दरिदेवीकथानकम्—[सो] मणवंछियसिद्धी(द्धि) देवाणं सुदुल्लहा(हं) वि पावेइ । जो पावइ(पालइ)
वरसीलं सुंदरिदेवीए नाएण ॥ १ ॥ ××××××× वे वडणयं हवइ खंडगुलयंमि । सारिरमणंमि मारो उवसग्गो सह-
सत्थेसु ॥ २ ॥ पीलिअइ तह उच्छ जुन्नेसुं देउलेसु उद्धारो । दंडो छत्ते दीसइ न उणो लोयस्स कइयावि ॥ ३ ॥ अमर-
सु(पु)रीए समाणं नामेणं अत्थि रयणउरं नयरं । घणकंतिरयणनिम्मियगयणग्गविलग्गदेवउलं ॥ ४ ॥ निच्चं दुहिओ लोओ
मणवंछियविहवसारजुत्तो वि । दाणसमयंमि को वि हु न दीसए मग्गणो जत्थ ॥ ५ ॥ उज्जमबुद्धिपरक्कमधीरिमउवयारनाय-
गुणकलिओ । तं पालइ अरिदमणो अग्निदमणो नाम पुहइवई ॥ ६ ॥ सोहग्गपिम्मलायन्नरुवसीलगुणभूसिया निच्चं । तस्सं-

शीलप्रभावे
सुन्दरिदेवी-
कथानकम् ।

॥ १८ ॥

तेउरसारा कमला कमल व पाणपिया ॥ ७ ॥ धणउ व तत्थ निवसइ सेट्ठी नयरस्स मंडणं परमं । दाणोवयारदक्खिन्नसंजुओ
 नाम धणसारो ॥ ८ ॥ सीलुज्जमछेयत्तणलज्जाउवयारमंडणा निच्चं । तस्स पिया पिम्मवई पिम्मवई नाम धम्मपरा ॥ ९ ॥ निय-
 इच्छाए ताणं सेवताणं सया वि विसयसुहं । जाया कमेण पुत्ता सत्त सुसत्तेण संजुत्ता ॥ १० ॥ तहवि हु दीणमणा सा
 सेट्ठी पुच्छेइ तुज्झ किं दुक्खं ? । को तुह खंडइ आणं ? मइ सार्हीणे सयाकालं ॥ ११ ॥ अहवा मए तुह विहियं किं पि
 अणिट्ठं ? तओ भणइ एसा । मा नाह ! भाससु इमं किं मुयइ ससी वि जलणकणे ? ॥ १२ ॥ किं पुण धूया एक्का वि मज्झ
 उच्छंगवि(ब)त्तिणी नेव । तो आराहइ सेट्ठी कुलदेवि ज्झत्ति भत्तिपरो ॥ १३ ॥ पच्चक्खीहोऊणं धूयाजम्मं कहेइ देवी वि । किं
 चोज्जं ? देवा वि हु हवंति भत्तीए अप्पवसे ॥ १४ ॥ सिट्ठी पहिट्ठवयणो देवीचरियं पियाइ साहेइ । तीए च्चिय रयणीए संजाया
 गन्मसंभूई ॥ १५ ॥ संपुन्नदोहला सा पसवइ धूयं सुहेण सुमुहुत्ते । पुत्ताण वि अहिययरं सेट्ठी जंमूसवं कुणइ ॥ १६ ॥
 पत्तंमि बारसाहे महाविभूईए सयणजणजुत्तो । सुंदररूवा जेणं सुंदरिनामं कयं तीए ॥ १७ ॥ चंदकल व कमेणं वड्डइ लोयाण
 दिन्नसंतोसा । कलगहणजोग्गदियहे पढइ सया उज्जमा कुमरी ॥ १८ ॥ सदे तके छंदेऽलंकारे तह य उवनिबंधंमि । कवे नट्टे
 गीयंमि चित्तकम्मंमि अइनिउणा ॥ १९ ॥ कुसुमसरकेलिभुवणं पत्ता सा जोवणं तओ तीए । सिरिविक्रमनिवचरियं गिज्जंतं
 निमुणियं कहवि ॥ २० ॥ तो तदिणाउ हिययं विक्रमनिवनेहपाससंजमियं । नन्नत्थ रमइ कइयावि मयणसरिसे वि पुरिसंमि
 ॥ २१ ॥ विक्रमनिवई लग्गइ मह देहे अहव हुयवहो जलरो । इय निच्छइयं हियए न दुकरं अहव नेहस्स ॥ २२ ॥ सिंहल-
 दीवसमागयनिवणागभिहाणसिद्धिपुत्तस्स । सुरसुंदरिरूवा सा दिन्ना जणएहिं जणसक्खं ॥ २३ ॥ लग्गदिणं सा मुणिउं जाया

बाइअ-
कहा-
संगहे ।

॥ १९ ॥

हिययंमि दुक्खिया बाढं । चित्तइ किं हयविहिणा मज्झ कयं निक्खिमणेण ? ॥ २४ ॥ अह उज्जेणिपुरिं पइ सहोअरो तीए
वयणसारो त्ति । ववहारेणं चलिओ तं जंपइ सुंदरी ज्झत्ति ॥ २५ ॥ चम्ममओ चित्तजुओ कीडाठाणं सुओ इमो भाय ! ।
नियपाहुडस्स उवरिं अप्पसु सिरिविक्कमनिवस्स ॥ २६ ॥ सो चलिओ संपत्तो कमेण उज्जेणिनयरिमज्झंमि । भरिऊण
रयणथालं उवरिद्धियकीररमणिज्जं ॥ २७ ॥ गच्छेइ रायभुवणे विक्कमरायस्स नमइ पयकमले । अप्पेइ पाहुडं पि हु पिच्छइ राया
तहिं कीरं ॥ २८ ॥ अहिणवपाहुडमेयं कोऊहलकारयं अइसुरम्मं । अवलोइऊण कीरं राया पुच्छेइ सिद्धिसुयं ॥ २९ ॥ किं एस
कीरराया ? सिद्धिसुओ भणइ सामि ! निसुणेसु । रयणवई (सुन्दरिदेवी) भइणीए मज्झ इहं पेसिओ देव ! ॥ ३० ॥ हरिसपरो चित्तंतो
राया नेमित्तिण विञ्चत्तो । कीरपहावा होही अप्पुवो कोइ तुह लाहो ॥ ३१ ॥ एगंतं काऊणं पुच्छइ नेमित्तियं स साहेइ ।
कीरोयरस्स मज्झे सामिय ! चिट्ठेइ किं पि फुडं ॥ ३२ ॥ दारेऊणं कुच्छि एकं पिच्छेइ तत्थ वरहारं । कत्थूरियाउ लिहियं
लेहं दुइया(यं) उ वाएइ ॥ ३३ ॥ सुइयसिरोमणि ! विक्कम ! तुम्ह गुणे निच्चमेव ज्झाएमि । सो होही को दियहो दीससि
नयणेहिं जत्थ तुमं ॥ ३४ ॥ निवणागस्स विइच्चा जणणीजणएहिं सिद्धिपुत्तस्स । वइसाहकसिणवारसि रविमि वारिज्जयं होही
॥ ३५ ॥ मह देहं नाह ! तुमं जलणो वा छिवइ न उण इयरनरो । एयं मुणिउं पिययम ! जं उचियं कुणसु तं सिग्घं ॥ ३६ ॥
तो लेहत्थं नाउं हरिसविसाएहिं पूरिओ राया । कह जियइ सा वराई मह विरहे चित्तए दुहिओ ॥ ३७ ॥ रयणउरे गंतव्वं
उज्जेणीए समुद्धमगेण । जोयणसयाइं वीसं लग्गं उण कल्लदियहंमि ॥ ३८ ॥ तो अग्गियवेयालं भिच्चं सुमरेइ सिग्घगमणत्थं ।
सो आगंतुं पभणइ न हु पहु ! जलहिंमि मह सत्ती ॥ ३९ ॥ आसाचुको राया चित्तइ पुरिसेण उज्जमो नेव । कइयावि हु

शीलप्रभावे
सुन्दरिदेवी-
कथानकम् ।

॥ १९ ॥

मोत्तवो उज्जमवंताण खलु सिद्धी ॥ ४० ॥ वेसपरावत्तेणं रयणीसमयंमि धवलगेहाओ । निग्गच्छइ असहाओ जाइ तओ
रत्नमज्झंमि ॥ ४१ ॥ खित्तंमि तत्थ पुरिसेणेगेण पयंपिओ महीनाहो । को सि तुमं ? पहिओ हं छुहिओ मह किं पि वियरेसु
॥ ४२ ॥ दिन्नासु कच्चरीसुं रत्ना गहियासु तो भणइ पुरिसो । रयणपुरं गंतूणं जावागच्छामि ता चिट्ठ ॥ ४३ ॥ हरिसपरो
नरनाहो चितइ आहाणओ इमो सच्चो । जं पिच्छंतो वल्लि स चिय चलणंमि मे लग्गा ॥ ४४ ॥ पमणइ दे(वे)संतरिओ सच्चं
कह कहसु तत्थ तुह गमणं ? । सो भणइ जोगिणीओ वडउवरिं चडिय जंति तहिं ॥ ४५ ॥ तो हं वडविवरट्ठिओ जामि तहिं
लहइ भोयणं पुरिसो । दे(वे)संतरिओ जंपइ अहमवि तत्थेव गच्छिस्सं ॥ ४६ ॥ तो दुन्नि वि सिद्धवडे संलुक्का रुद्धसास-
नीसासा । मिलियाउ जोगिणीओ सिद्धवडो तत्थ उप्पडिओ ॥ ४७ ॥ खणमेत्तेणं पत्तो नहेण रयणउरपरिसरे एसो । उत्तरि-
ऊणं राया संपत्तो नयरमज्झंमि ॥ ४८ ॥ अवलोयइ तं सयलं रयणीए विहरिसपूरियच्छाहो । ज्झायंतो एगमणो सुंदरिलाहो
कहं होही ॥ ४९ ॥ रयणविणिम्मियदेवउलपंतिउज्जोयणेण रयणीए । न हु तत्थ अंधयारस्स होइ कइयावि अवयासो ॥ ५० ॥
कत्थ वि गायणलोयं गायंतं सुणइ विविहभंगीहिं । देवउले पिच्छणयं कत्थ वि बहुनाडए नियइ ॥ ५१ ॥ वद्धावणयमहूसव-
मणहं पिच्छेइ कत्थ वि गिहंमि । तो पुट्ठेणं कहिओ नरेण केणावि वुत्तंतो ॥ ५२ ॥ धणसारो नामेणं सिद्धी धूया य सुंदरी
तस्स । पाणिग्गहणं होही कल्ले गोधूलिवेलाए ॥ ५३ ॥ इय सुणिउं सो चितइ किमिहागमणं निरत्थयं होही । अइदुक्खदुक्खिय-
मणो तह वि हु नो धीरिमं चयइ ॥ ५४ ॥ उक्तं च-दुक्खं जणेइ गरुयं लहुयं पि पओयणं असिज्झंतं । अइदुहजणणं पि
पुणो सिज्झंतं जणइ सुहमउलं ॥ ५५ ॥ जं किं पि हु पुव्वभवे समज्जियं अत्थि कह वि रे ! हियय ! । तं चिय हवइ अवस्सं मा

पाइअ-
कहा-
संगहे ।

॥ २० ॥

माणं मुयसु कइयावि ॥ ५६ ॥ एवं सो चिंततो पुन्नसहाओ भमेइ नयरंमि । रयणीए विविहकोऊहलेण अक्खित्तचित्तो सो ॥ ५७ ॥ तंमि समयंमि नयरे हत्थिवरो रायवल्लहो नाम । न हु ससइ नेव फंदइ मुय व्व चिट्ठेइ निच्चिट्ठो ॥ ५८ ॥ अइदुक्ख-
परो राया समागओ तत्थ विगलिउच्छाहो । पुच्छेइ हत्थिविजे कह जीवइ एस करिराओ ॥ ५९ ॥ तेहि वि सम्मं नाऊण
निउणबुद्धीए रोयपरमत्थं । निदाविरहे एयस्स देव ! उयरंमि अप्फरओ ॥ ६० ॥ कच्चरिखट्ठियतकेण देव ! दिन्नेण जीवए
एसो । सुणिऊण ताण वयणं नरनाहो भणइ हरिसपरो ॥ ६१ ॥ धणसेट्ठि ! नयरमंडण ! कओ वि आणेसु कच्चरिउ तुमं । सो
लद्धनिवाएसो जोयावइ नयरमज्झंमि ॥ ६२ ॥ न उणो कत्थ वि पत्ताउ ताउ सविलक्खमाणसो सेट्ठी । अह पडहसइपुव्वं नय-
रंमि भणावए ज्झत्ति ॥ ६३ ॥ जो कच्चरीउ सिग्घं समप्पए कह व कोइ आणेउं । जं अत्थि मज्झ गेहे सो तं मणवंच्छियं
लहइ ॥ ६४ ॥ एयं सुणिउं वयणं पहिओ हरिसेण तं छिवइ पडहं । धणसारसेट्ठिहत्थे समप्पए कच्चरीउ तओ ॥ ६५ ॥
हरिसपरो संजाओ सिट्ठी ताओ समप्पइ निवस्स । तकेण समं दिन्ना करिणो जाओ विरेओ य ॥ ६६ ॥ गयरोगो सो हत्थी
संजाओ नरवई वि मुणिऊण । पहियस्स तस्स चरियं नियधूयं देइ रयणवइ ॥ ६७ ॥ सो निव्वूढपइन्नो मणिच्छियं सुंदरिं
वि मग्गेइ । सेट्ठी चितइ इमा दिन्ना निवणागवणियस्स ॥ ६८ ॥ तो एयस्स अहं कह देमि ? तओ मुणियमाणसो राया ।
उवयारिणो य पहियस्स देइ सयमेव सेट्ठिधूयं ॥ ६९ ॥ पत्ता (त्ते) संज्झासमए पाणिग्गहणं हवेइ तिण्हं पि । तो निवणागो
पत्तो कलहंतो सुंदरिकजे ॥ ७० ॥ मह दिन्ना खलु कन्ना पाणिग्गहणं कुणेइ पुण अन्नो । चक्खू पसारिय च्चिय वाएणं
कज्जलं हरियं ॥ ७१ ॥ पभणइ सेट्ठी निसुणसु तुमं पि निवणाग ! मज्झ वयणमिणं । कच्चरियाउ विणा तुह थक्को एसो इह

शीलप्रभावे
सुन्दरिदेवी-
कथानकम् ।

॥ २० ॥

विवाहो ॥ ७२ ॥ तो निवणागो गच्छइ पहिओ वि हु सुंदरीए सह रयणि । मणिमयपईवरम्मे चिद्वइ सो वासभुवणंमि
॥ ७३ ॥ अह भजं मोत्तूणं सो तं रयणीए जाइ सिद्धवडे । राया नियधवलगिहे पुव्वविहाणेण संपत्तो ॥ ७४ ॥ खणनिहावि-
गमेणं चितइ हिययंमि सुंदरी दुहिया । मणवंछियपाणपिओ न लग्गओ कह व मज्झ करे ॥ ७५ ॥ ता किं मह जीएणं ?
किं वा भोगेहिं दुक्खजणगेहिं ? । एवं पत्ते काले मरणं चिय मज्झ वरि सरणं ॥ ७६ ॥ उक्तं च-किं भणिमो लोयाणं जणसा-
मन्नेण विहवदाणेण । नूणं दिज्जंति सया नेहंमि सुहेण पाणा वि ॥ ७७ ॥ ताउ चिय धन्नाओ सवं चइऊण जाउ धिप्पंति ।
पंचमहव्वयसरणं सीलं पालंति सयकालं ॥ ७८ ॥ जाहिं न नाओ दइओ न य भोगा तह य नेव पेम्मं पि । धन्नाउ
संजईओ ताउ चिय सुक्खखाणीओ ॥ ७९ ॥ उक्तं च-नूणं दुक्खसमेओ नेहो दिव्वेण निम्मिओ भुवणे । जाणं हवेइ नेहो
हवइ न ताणं सुहं जेण ॥ ८० ॥ धन्नाउ संजईओ आबालाओ वि जाण हिययंमि । तवदहणेण विलीणो मयणो मयणु
व्व लीलाए ॥ ८१ ॥ दुस्सज्झं पि हु सिज्झइ सीलपहावेण चितियं लोए । पाणच्चए वि एअं मोत्तव्वं नेव धीरेहिं ॥ ८२ ॥
अन्नभवे वि हु जीयं हवेइ मणवंछिओ वि पाणपिओ । न हु सीलखंडणाए हरियं पुन्नं हवइ कह वि ॥ ८३ ॥ मणवंछिओ
न दइओ इहजम्मसुहाण भायणं मज्झ । वयगहणं पि हु काउं न खमा परलोयसुहजणणं ॥ ८४ ॥ एवं विणिच्छिऊणं
पाणच्चायं मणंमि धरिऊणं । तत्थेव वासगेहे सज्जइ पासं निए कंठे ॥ ८५ ॥ जइ मणसा वि हु अन्नो न वंछिओ विक्रमाउ
[मए] नरो । ता परभवे वि सो चिय हविज्ज सीलप्पहावेण ॥ ८६ ॥ इय मणिउं वत्थंचलमवलंबइ जाव कंठपासत्थं ।
ता नियइ अक्खराइं तंबोलरसेण लिहियाइं ॥ ८७ ॥ सिरिविक्कमनरनाहो तुह लेहेणं समागओ इत्थ । सो नियनयरंमि

पाइअ-
कहा-
संगहे ।

॥ २१ ॥

मओ विवाहिउं पहियवेसेण ॥ ८८ ॥ नियजीवियअब्महियाइं ताइं पेच्छित्तु अक्खराइं तहिं । वत्थंचलं पुणो पुण अवलो-
यइ हरिसपिम्मेण ॥ ८९ ॥ कहमेस चिय पहिओ जाओ सिरिविक्रमो महीनाहो । मणवंछियपाणपिओ निम्मलसीलप्पहा-
वेण ॥ ९० ॥ सा एवं चितंती नियचरियं दुग्घडं हिययमज्जे । सिग्घं गमेइ रयणी हरिसेणं विहसियसरीरा ॥ ९१ ॥ तो
जामिणीविरामे सेट्ठी पुच्छेइ पिययमो कत्थ ? । सा दंसइ वत्थंचलमह सो सव्वं पि हु मुणेइ ॥ ९२ ॥ अरिदमणमहीवइणो
रयणवइए य कहइ सव्वं पि । तत्तो सयलं नयरं हरिसपरं ज्ञत्ति संजायं ॥ ९३ ॥ उज्जेणीनयरीए रयणवइं सुंदरिं पि पेसेइ ।
सिरिअरिदमणो राया महाविभूइए सिग्घं पि ॥ ९४ ॥ अह ताण समागमणं नाऊणं उच्छव्वं कुणइ रम्मं । उज्जेणीनयरीए
पवेसए विक्रमाइच्चो ॥ ९५ ॥ सेवंताइं ताइं विसयसुहं पुव्वपुन्नभावेण । सविसेसं धम्मपराइं निति दियहाइं देव व्व ॥ ९६ ॥
सयलपुहइइ दाणं दाऊणं कुणिय ऊरिणं लोयं । संवच्छरो निओ जेणं अंकिओ विक्रमनिवेण ॥ ९७ ॥ सिरिविक्रममहिवइणो
वट्ठइ संवच्छरो पुहइमज्जे । अज्जवि दाणपहावा ता नूणं उत्तमं दाणं ॥ ९८ ॥ वियरंति ताइं दाणं भावंति सुभावं च हिययंमि ।
दुत्तरतवं तवंति य सीलं पालंति सयकालं ॥ ९९ ॥ निअआउं पालेउं दाणं दाऊण सीलिउं सीलं । तिन्नि वि ताइं कमेणं लहंति
देवत्तरिद्धीओ ॥ १०० ॥ अज्जवि दाणपहावो सीलपहावो य दीसए लोए । एयं चिय मुणिऊणं ता धम्मे आयरं कुणह ॥ १०१ ॥
। इति शीलव्यावर्णने सुन्दरिदेवीकथानकम् ।

नवकारफले सौभाग्यसुन्दरकथानकम्—नवकारपहावेणं तं नत्थि जं न हवेइ लोयाणं । सोहग्गसुंदरेण व
जइ पत्ता सयलरिद्धीओ ॥ १ ॥ मुत्तिमईनामेणं नयरीए धणधन्नरिद्धिसुहियजणा । तं पालइ नरनाहो जहत्थनामा मही-

शीलप्रभावे
सुन्दरिदेवी-
कथानकम् ।

॥ २१ ॥

पालो ॥ २ ॥ तस्स पिया महलच्छी ताणं सोहग्गसुंदरभिहाणो । पुत्तो कयत्थनामो सव्वकलापारसंपत्तो ॥ ३ ॥ कयवय-
मित्तसमेओ कुमरो कीलाइ अन्नदियहंमि । धवलगिहाउ पहाए विणिग्गओ चरणचारेण ॥ ४ ॥ पिच्छइ वंदणमालापडाय-
ज्झयपंतिचित्तहल्लीओ । कुमरो चउकतियचच्चरेसु हट्टेसु गेहेसु ॥ ५ ॥ पुच्छइ सावयमेगं सिद्धिसुयं धम्मदासनामाणं । को
इत्थ अज्ज दीसइ महसवो ? सो वि हु कहेइ ॥ ६ ॥ एगदिणे कुमर ! मए मुत्तिमईए नईए पत्तेणं । दिट्ठं गग्गरितुल्लं तरमाणं
एगवीजउरं ॥ ७ ॥ तं गहिउं नरवइणो समप्पियं तेण नियदइयाए । महलच्छीए तीइ वि आहारिय रंजियमणाए ॥ ८ ॥
भणियं नाह ! अउव्वो एयस्स रसो न तीरए कहिउं । ता मज्झं पइदियहं देसु फलं एरिसं एगं ॥ ९ ॥ अह जइ न देसि
एयं भोयणमवि कह वि नो कुणिस्सामि । तो दुहिणं रत्ता तव्वुत्तं पुच्छिओ अहयं ॥ १० ॥ कहियं मए वि लद्धं मुत्ति-
मईए नईए तरमाणं । तत्तो जंपइ निवई असग्गहं चयसु देवि ! इमं ॥ ११ ॥ न मुणिज्जइ नइमज्जे कओ वि एयं समागयं
कह वि । मह वयणेणं दइए ! तेण तुमं भोयणं कुणसु ॥ १२ ॥ तहवि हु तीए वु(च)त्तं भोयणतंबोलकीलियाईयं । नरनाहो
वि न भुंजइ दुहिओ लोओ तओ सव्वो ॥ १३ ॥ अह मइसारो मंती चउदिसं पेसए निए पुरिसे । गग्गरिसमवीजउरं कओ वि
आणह निएऊण ॥ १४ ॥ एगो नइमुत्तरिउं जा किं पि हु जाइ दूरमल्लवणे । गग्गरिसमवीजउरे निएइ ता सुन्नवाडीए ॥ १५ ॥
आहरहि(इ) जहिच्छाए एगं गहिऊण ताण मज्झाओ । मइसारमंतिहत्थे समप्पए सो वि महिवइणो ॥ १६ ॥ निवई वि नियपि-
याए आहरियं तीइ हिट्ठहिययाए । आणीयफलो पुरिसो रयणीए मरणमावन्नो ॥ १७ ॥ दुइयदिणे दुइएणं समाण(णि)ए मरइ
सो वि रयणीए । पइदियहं एयंमि य(एव मए)अह को वि न तं समाणेइ ॥ १८ ॥ नरनाहेणं भणिया दइए ! न हु को वि

पाइअ-
कहा-
संगहे ।
॥ २२ ॥

जाइ कह वि तहिं । जीवियलुद्धो ता तं इत्थीगाहं परिचयसु ॥ १९ ॥ सा भणइ भोयणेण वि पओयणं नेव देव ! तेण विणा ।
उववासदुयं तीए संजायं नरवइस्सावि ॥ २० ॥ अह मंती अनियंतो अन्नमुवायं कहिं पि(कहं पि) बुद्धीए । लहिऊण चिट्ठि-
यासुं पइगेहं लोयनामाइं ॥ २१ ॥ कलसे निक्खिवियाणं मज्झाओ नीहरेइ जस्सेसा । सो पुरिसो तंमि दिणे समाणए एगवी-
जउरं ॥ २२ ॥ तस्स पुरिसस्स तुट्ठो राया वियरेइ दम्मसोलसयं । सो पावइ पंचत्तं आणीए तम्मि रयणीए ॥ २३ ॥ एवं
पइदियहं चिय नयरं सव्वं पि दुक्खियं तत्तो । नीसरमाणं धरियं नरवइणा गहिय संकल्लिए ॥ २४ ॥ कल्लदिणे मह वारो समा-
गओ तं मए समाणीयं । न मओ अज्जप्पभिइं न मरिस्सइ को वि इह कुमर ! ॥ २५ ॥ तं कहियं इत्थ मए हरिसियचित्तो तओ
जणो सव्वो । नयरीए उच्छाहं(च्छवं) कुणेइ पुणलद्धजम्मु व ॥ २६ ॥ एएण कारणेणं महसवो इत्थ अज्ज संजाओ । भणियं
कुमरेण तओ विहसियमुहकमलहियएण ॥ २७ ॥ जं कहियं सिट्ठि ! तए तमहं सव्वं मुणेमि पुर्वि पि । जं पुण न मओ तुमयं
तं चिय मह कारणं कहसु ॥ २८ ॥ अह भणइ धम्मदासो रयणिं सव्वं पि एगचित्तेण । पंचपरमिट्ठिमंतो ज्ञाओ जिणधम्म-
निरएण ॥ २९ ॥ जाए पहायसमए गंतूणं वाडियाइ सुन्नाए । अणुजाणेमि भणित्ता नवकारं सुमरियं हियए ॥ ३० ॥ बिज्जउरीए
गहियं फलमेगं जाव ताव सहस त्ति । पच्चक्खीहोऊणं भणियं केणावि देवेण ॥ ३१ ॥ सिट्ठि ! अहं नयरीए पुर्वि
एयाए आसि भोजनिवो । एसो रम्मो रामो कीलाठाणं सया मज्झ ॥ ३२ ॥ सयमेव मए एए बिज्जउरीकेलिचूयदक्खाओ ।
सिंचिय जलेण फलफुल्लसंजुया विट्ठिमुवणीया ॥ ३३ ॥ मह एसो आरामो नियपाणाओ वल्लहो अहियं । एयस्स फलं फुल्लं जो
गिण्हइ तं हणेमि अहं ॥ ३४ ॥ पुवंभवसिणेहेणं मरिउं इत्थेव वंतरो जाओ । तमहं हणेमि जो खलु गिण्हइ एयस्स फलफुल्लं

नवकार-
फले
सौभाग्य-
सुन्दर-
कथानकम् ।

॥ २२ ॥

॥ ३५ ॥ सिरिमहिवालनराहिवमहलच्छीए न किं पिः कुणिउमहं । जिणधम्मपुन्नभाज्जा सावय ! सक्केमि कह्यावि ॥ ३६ ॥
नवकारपहावेणं तुज्झ वि काउं न किं पि पारेमि । ता वरसु वरं सिग्घं ? देवाण न दंसणं विहलं ॥ ३७ ॥ अज्जप्पभिहं लोओ
न हणेयवो फले वि गहियंमि । इय मह वियरसु भणिए आमं ति पयंपियं तेण ॥ ३८ ॥ तं गहिथ निवइहत्थे समप्पियं
कहिय सब्बुत्तंतं । एयं मुणिउं लोएण ऊसवो एस अज्ज कओ ॥ ३९ ॥ कहियं कुमर ! मए तुह जं न मओ तत्थ कारणं एयं ।
अह सो वि भणइ मज्झं सिद्धि ! तुमं देसु तं मंतं ॥ ४० ॥ जस्स पहावा देवा वि हुंति वसवत्तिणो इह जणाण । सिद्धी भणेइ
मंतं गुरुणो च्चिय देंति न हु अन्नो ॥ ४१ ॥ ता अत्थि संतिसूरी इत्थ गुरु गच्छ ताण पासंमि । सो पत्तो गुरुपासे नमिऊणं
मग्गिओ मंतो ॥ ४२ ॥ भणियं गुरुहिं जिणगुरुसुतत्तसम्मत्तसंजुओ एसो । वंछियफलं पयच्छइ सविसेसं जिणमयजुयाणं ॥ ४३ ॥
संमत्तं गहिऊणं नवकारं गिण्हए तओ कुमरो । सबं पि विहिं पुच्छइ भत्तिभरनमियसिरकमलो ॥ ४४ ॥ कहियं गुरुहिं जिण-
वरपडिमाण तिकालपूयणं काउं । अट्टत्तरसयवारं जावो एयस्स कायवो ॥ ४५ ॥ छम्मासछद्दिणाइं जाव तओ अक्खराण
संस्वाए । कायवो चित्ततवो उववासई(साइ) निययसत्तीए ॥ ४६ ॥ दियहाइं अट्टसट्ठी पयपज्जंते कुणित्तु पारणयं । तत्तो
कयउज्जमणो लोयाण मणिच्छियं देइ ॥ ४७ ॥ वसिकरणसमुच्चाडणरूपपरावत्तनहपहपयाणं । लच्छि तणयं रज्जं एसो साहेइ
सबं पि ॥ ४८ ॥ कुमरो कयप्पणामो पत्तो गेहंमि धम्मकयचित्तो । पडिमाणं पूयाई कुणेइ मंतस्स तह ज्झाणं ॥ ४९ ॥
छम्मासं जाव तओ सुद्धमणो अट्टसट्ठिदियहाइं । पयपज्जंते पारणपुवं अंबिलतवं कुणइ ॥ ५० ॥ गुरुकहियविहाणेणं उज्जमणे
संघपूयणं काउं । जिणपडिमाए ण्हवणं विलेवणं अच्चणं तह य ॥ ५१ ॥ कणयविणिम्मियनवकारवन्नरूपमयपट्ठियं एगं ।

वाइअ-
कहा-
संगहे ।

॥ २३ ॥

विज्जउरक(व)रुणदाडिमउच्छनारंगअंवाइं ॥ ५२ ॥ वरनालिकेरवायमउत्तिय(१)पभिहरम्मवत्थुणि । दहिथरमंडीमोयगसोहा-
लियगरुयखजाइं ॥ ५३ ॥ सवाइं वि ठाणाइं अटुत्तरसट्टिसंखजुत्ताइं । उज्जमणे जिणपुरओ ढोयइ कुमरो ससत्तीए ॥ ५४ ॥
एवं कयउज्जमणो जिणगुरुचलणे सया वि सो नमइ । नवकारं अटुत्तरसयवारं गुणइ एगमणो ॥ ५५ ॥ अन्नदिणे अत्थाणे
कुमरो चिट्ठेइ जाव उवविट्ठो । ताव य एगो पत्तो जोगिंदो बहुकलाकलिओ ॥ ५६ ॥ आसीवायं दाउं भणियं तेणं कुमार !
साहेमि । नहगामिणिबहुरुविणिविज्जं तुम्हाण साहिजा ॥ ५७ ॥ भणियं कुमारेणं जो हवेइ परपत्थणाइदीणमणो । पुरिसस्स
तस्स जम्मो भूमीभारावहो नूणं ॥ ५८ ॥ जोगिंद ! हवउ एयं तेण वि भणियं तुमं मसाणंमि । आगच्छसु रयणीए इय कहिउं
तत्थ सो पत्तो ॥ ५९ ॥ कुमरो तंमि मसाणे पओससमयंमि ज्झचि संपत्तो । उवविट्ठो एगमणो जोगिंदो निच्चले ज्झाणे
॥ ६० ॥ पंचपरमेट्ठिमंतं ज्झायंतो चिट्ठए कुमारो वि । आयट्ठियकरवालो दिसाउ सवा निरिक्खंतो ॥ ६१ ॥ खणमित्तेणं पत्तो
भयज्जणओ तत्थ रक्खसो एगो । कुमराभिमुहो न हु तस्स तीरण किं पि सो काउं ॥ ६२ ॥ नवकारमंतकवयाहिट्ठियदेहं इमं
मुणेऊण । असमत्थो उवसगं काउं कुमरं तओ भणइ ॥ ६३ ॥ नवकारपहावेणं तुट्ठो तुह देमि दो वि विजाओ । तं जंपेइ
कुमारो परोवयारिक्कदिन्नमणो ॥ ६४ ॥ एयस्स चिय विजा दुन्नि वि वियरेसु पत्थमाणस्स । सो भणइ तुमं जोगिंद ! हवसि
कुमरस्स जइ भिच्चो ॥ ६५ ॥ ता देमि तुज्झ विज्जं सो वि तओ जंपए हवउ एयं । विजाजुयलं वियरइ दुण्हं पि हु तत्थ सो
असुरो ॥ ६६ ॥ सो पत्तो अदंसणमह कुमरो वि हु गओ निए गेहे । मिच्चीभावगएण वि चिट्ठइ सह जोगिणा निच्चं ॥ ६७ ॥
आयासेणं गमणागमणं इच्छाइ दुन्नि वि कुणंति । अन्नदिणे रायगिहे पत्ता सुहसउणसंजुत्ता ॥ ६८ ॥ एगंमि जाव गोरी-

नवकार-
फले
सौभाग्य-
सुन्दर-
कथानकम् ।

॥ २३ ॥

भुवणे ओयरिय ठंति खणमेगं । सहीसमेया एगा ताव कुमारी तहिं पत्ता ॥ ६९ ॥ अवलोइयंमि कुमरे तीए ससिणिद्वंक-
दिट्ठीए । ईसारोसभरेण व मयणेणं ताडिया एसा ॥ ७० ॥ गउरीए कुणइ पूयं सुन्नमणा विसरिसीए रयणाए । मुणियमणा
तं पभणइ कुडिला नामा सही एगा ॥ ७१ ॥ जइ सहि ! मह कहणिजं ता कहसु तुमं किमित्थ सुन्नमणा ? । सा भणइ परिताणं
न होइ कहियंमि केणावि ॥ ७२ ॥ जंपइ कुडिला पिघसहि ! कहिए दुइकारणंमि कुणइ जणो । साहिजं सयलो वि हु अहयं
पुण तुज्झ एमेव ॥ ७३ ॥ गहिऊण तीए हत्था कुसुमाइं गुंफिऊण वरमालं । सा गंतूण कुमारं भणइ तुमं नूण चोरो सि ॥ ७४ ॥
मज्झ सहीए हियं तुज्झ हरंतस्स एस इह दंडो । नियमणसमप्पणेणं नूणं एयाए छुट्टेसि ॥ ७५ ॥ इय भणिय तस्स
माला खित्ता कंठंमि विहसियमणस्स । भणियं जोगिदेणं अहोस्वराहोचिओ दंडो ॥ ७६ ॥ कुडिला जंपइ निसुणसु दुग्घड-
मेयं कुमार ! वयणमिणं । नामेण जयतचंदो इह नयरे अत्थि नरनाहो ॥ ७७ ॥ जयतलदेवीनामा पाणपिया तस्स गुणगण-
निहाणं । ताणं सुहागदेवी एसा धूया समुप्पन्ना ॥ ७८ ॥ नवजोवणमावन्ना दिन्ना जणएहिं संपइनिवस्स । अज्ज हविस्सइ
वरणं लग्गं वि हु रयणिपहरदुगे ॥ ७९ ॥ केणावि कारणेणं एयाए तम्मि नेव रमइ मणो । सुन्नमणा संजाया अवलोइय
कुमर ! तुममिण्हिं ॥ ८० ॥ इह समए जं उचियं विहेसु तं किं भणिजए तुज्झ । अह पभणइ जोगिदो कुमर ! तुमं कुणसु मह
वयणं ॥ ८१ ॥ गहिउं सुहागदेविं चिट्ठिस्समहं गिरिम्मि वेयड्ढे । तुमयं पुण एयाए खवं वेउवियं तत्थ ॥ ८२ ॥ गंतुं
कुडिलासहिओ संपइनिवई(इं) विवाहिय गिरिम्मि । आगच्छसु वेयड्ढे इय सुणिउ पभणए कुडिला ॥ ८३ ॥ जइ कुमर !
सुप्पसन्नो ता तुमयं कहसु अप्पणो चरियं । तत्तो जोगिदेणं सवं पि हु तीए परिकहियं ॥ ८४ ॥ गउरीपूयणनिरया

पाइअ-
कहा-
संगहे ।

॥ २४ ॥

सुहागदेवी सुणित्तु तं सयलं । हरिसियचित्ता जाया सविसेसं कुमरलाहेण ॥ ८५ ॥ जह नो पिच्छइ को वि हु तीए सरिच्छं कुणेत्तु तहरूवं । कुडिलाए समं कुमरो गओ गिहे सुणियचरियाए ॥ ८६ ॥ तं चिय सुहागदेवि सुणेइ सयलो वि तत्थ तं कुमरो । अह तीए संजायं वरणं तह पाणिगहणं पि ॥ ८७ ॥ तं गहिय संपइनिवो नियआवासंमि ज्झत्ति संपत्तो । रयणीए वासभुवणे चिट्ठंति विसज्जिउं लोयं ॥ ८८ ॥ हसियहिययाइ दुन्नि वि मोणेणं ठंति जाव खणमेगं । दक्खत्तणेण सुणिउं तच्चरियं भणइ नववहुया ॥ ८९ ॥ नाह ! कहं हह समए तुमयं चिंताउरु व दीसेसि ? । जह नत्थि अकहणिजं सुपसन्नो कहसु ता मज्झ ॥ ९० ॥ सो भणइ विसन्नमणो किं इत्थ कहिजए पिए ! तुज्झ ? । अम्हं तुम्ह वि जम्मो निरत्थओ नूण संजाओ ॥ ९१ ॥ सा वि हु भणेइ हसिउं मा पिययम ! भणसु एरिसं वयणं । जह दुण्हं पि हु जम्मो होही सहलो तह जइस्सं ॥ ९२ ॥ नरनाहो भणइ तओ कोऊहलकारयं सुणसु किं पि । चंपाए नयरीए आसि निवो धम्मनामो त्ति ॥ ९३ ॥ धम्मवई तस्स पिया अह जाओ गम्भसंभवो ताण । तत्तो निवो अपुत्तो पंचत्तं देवि ! संपत्तो ॥ ९४ ॥ कुसलेण अमच्चेणं पसवदिणं जाव रक्खियं रज्जं । धम्मवईए जाया तणया तत्तो सबुद्धीए ॥ ९५ ॥ लोयाण पुत्तजम्मं कहिऊण महसवो पुरीमज्जे । रिद्धीए कारवियं संपइ नामं पि से दिन्नं ॥ ९६ ॥ अंतेउरस्स मज्जे बुद्धिं पत्तो कमेण समयंमि । नरवेसेणं तीए कलाउ सवाउ गहियाओ ॥ ९७ ॥ तत्तो अज्ज निसाए वीवाहो से तए समं जाओ । तेणम्ह अम्ह दुण्ह वि महिलाणं केरिसा भोया ॥ ९८ ॥ तो हसिउं नववहुया तं पभणइ तह वि कुणसु मा दुक्खं । जह दुण्हं पि हु जम्मो हवेइ सहलो तह जइस्सं ॥ ९९ ॥ जह दिव्वेण महेला कया तुमं तह अहं पुरिसदेवो । ता देवि ! मा विसायं घरेसु

नवकार-
फले
सौभाग्य-
सुन्दर-
कथानकम् ।

॥ २४ ॥

हियंमि क पि तुमं ॥ १०० ॥ इय भणिऊणं विजापहावओ कुणइ सो वि नररूवं । निवई महिलारूवं पयडइ हरिसेण संजुत्तो
 ॥ १०१ ॥ संपइदेवीए तओ कहिओ जणणीइ सयलवुत्तंतो । तीए पुढो कुमरो वि साहए अप्पणो चरियं ॥ १०२ ॥ इत्तो
 सुहागदेवि गहिउं जोगी गओ य वेयड्डे । अह कुमरो वुत्तंतं कहिऊणं संपइपियाए ॥ १०३ ॥ संपत्तो वेयड्डे नहेण जोगिंद-
 रक्खिउं(अं) कुमरिं । परिणिय गंधवेणं ताइं पत्ताइं रायगिहं ॥ १०४ ॥ तो तत्थ तक्खण चिय महल्ललोओवलद्धवुत्तंतो । नव-
 जामाउयलाहं कहेइ सिरिजयतचंदस्स ॥ १०५ ॥ अह सो पढट्ठचित्तो सम्मं मुणिऊण ताण वुत्तंतं । संपइ लोयाणुमओ रज्जंमि
 निवेसए कुमरं ॥ १०६ ॥ सोहग्गसुंदरनिवो ताइं विन्नवइ गंतुमहमिण्हि । साहिय वुत्तं गोसे जणयाण समागमिस्सामि ॥ १०७ ॥
 संपइ सुहागदेवीजोगिंदजुओ नहेण रयणीए । नियधवलगिहे पत्तो सो तेहिं विसज्जिओ संतो ॥ १०८ ॥ सत्ताइं ताइं रयणि
 गमिति अन्तुन्नपिच्छिरमुहाइं । नवसंगमसुहनिव्वुयअहरीकयसग्गसुक्खाइं ॥ १०९ ॥ जाए पहायसमए कुमरो पणमेइ नव-
 वहूसहिओ । अम्मापियरपयाइं जोगिंदो कहइ वुत्तंतं ॥ ११० ॥ पभणइ कुमरो रज्जे अहिसित्तो तेहिं गंमिह(हि)ई । चंपाए
 नयरीए तुम्हाणं अणुमइं लहिउं ॥ १११ ॥ ताइं वि तुट्ठमणाइं नववहुयादंसणेण जायाइं । रायगिहे संपत्तो जणएहिं विस-
 ज्जिओ कुमरो ॥ ११२ ॥ सम्माणिउं विसज्जिय तत्तो तं जयतचंदनरनाहो (?) । भज्जादुगेण सहिओ सपरियणो एस चंराए
 ॥ ११३ ॥ संपत्तो नरनाहो कमेण सोहग्गसुंदरमिहाणो । मुणिऊणं वुत्तंतं कुणइ जणो ऊसवं तत्थ ॥ ११४ ॥ पविसेइ
 पुरोमज्जे निवइ(ई) करिरयणखंधमारूढो । धवलगिहे संपत्तो नमिओ लोएहिं भत्तीए ॥ ११५ ॥ सम्माणिऊण लोयं
 पसायवयणेहिं सो विसजेइ । धम्मज्जमकयचित्तो पालइ रज्जं सुनीईए ॥ ११६ ॥ जोगिंदेण समेओ नहेण गंतूण निययनयरंमि ।

पाइअ-
कहा-
संगहे ।
॥ २५ ॥

नमिरुण जणयवल्लये चंपाए एइ सो पुणवि ॥ ११७ ॥ देवीओ जिणधम्मं कुणंति ज्ञायंति दो वि नवकारं । पालंति बहुं
कालं रजं मोए य भुंजंति ॥ ११८ ॥ जिणभवनवसहिवरपुत्थएसु वियरंति चंचलं लळिंठ । पंचपरमेद्धिमंतं ज्ञायंति
विसेसओ ताइं ॥ ११९ ॥ नियआउं पालेउं अंते नवकारसुमरणपराइं । तिभि वि ताइं कमेणं सुरलोए सुत्तरा जाया ॥ १२० ॥
इति नवकारफले सौभाग्यसुन्दरकथानकम् ॥

तपोविषये मृगाङ्कुरेखाकथानकम्—अइनिविडं पि हु कम्मं विलयं गच्छइ तवपहावेण । गाढपजलंतजलणेण
मयणपडिबिब(पिंड विव) लोयाणं ॥ १ ॥ तं नत्थि जं न जायइ तवप्पहावेण भवलोयाण । स्वयरी मयंकरेहा दिहुंते
इत्थ नायद्वा ॥ २ ॥ उज्जेणी अत्थि पुरी सुरज्जदुल्ललियलोयरमणिज्जा । परिपालइ तहिं रजं महिंदसीहो महीनाहो ॥ ३ ॥
पंचसयाणं मज्झे अंतेउरियाणं वल्लहा एगा । पीइमई नामेणं सीलुज्जमधम्मगुणकलिया ॥ ४ ॥ अन्नदिणे नरनाहो उवविट्ठो
चिट्ठए नियसहाए । पडिहारेणं नमिउं विन्नत्तो पिहियवयणेण ॥ ५ ॥ अप्पुव्वसुत्तहारो वंछइ देवस्स दंसणं सामि ! । पभणइ
महिंदसीहो सिग्घं पविसेसु तं इत्थ ॥ ६ ॥ पडिहारेणं मुक्को नरनाहं पणमिउं सम्पपेइ । कट्टमयमोरमेगं सो साहिय (°हइ) तस्स
वुत्तंतं ॥ ७ ॥ कीलियसंचाराओ उप्पयइ नहेण एस नरनाह ! । इय सुणिय तेण दिन्नो वरहारो सुत्तहारस्स ॥ ८ ॥ नरनाहो
अत्थाणं विसज्जए ज्ञत्ति कोउहल्लेण । उवविसिय मोरपिट्ठिं संचारइ कीलिउं एसो ॥ ९ ॥ आयासेणं भमिउं सयलदिणं जत्थ
तत्थ वि सुहेण । रयणीए नियनयरे महिंदसीहो समेइ तओ ॥ १० ॥ मोरपहावेण सया उप्पयइ नहेण जेण तेणेसो । लोय-

तपोविषये
मृगाङ्क-
रेखा-
कथानकम् ।

॥ २५ ॥

कयदुइयनामो विकखाओ मोरनरनाहो ॥ ११ ॥ अन्नसमयंमि पत्तो आयासेणं समुद्धमज्झंमि । मोरनिवेणं दिट्ठो तत्थेगो पव्वओ
 रम्मो ॥ १२ ॥ ओयरिऊणं कोऊहलेण पिच्छेइ कन्नगं तत्थ । खामसरीरं अइतेयसंजुयं पढमवयकलियं ॥ १३ ॥ सहस त्ति तओ
 हियए निज्जियदुज्जयरिओ वि मोरनिवो । भिन्नो समयं पंचहिं बाणेहिं पंचबाणेणं ॥ १४ ॥ कहकहवि तेण भणिया नियवुत्तंतं
 कहेसु कुमरि ! तुमं । मज्झ मणे अच्छरियं दीससि एगागिणी इत्थ ॥ १५ ॥ तं पिच्छिऊण जाया पिम्मपराहीणमाणसा
 सा वि । कहकहमवि लज्जाए तीए कहियं नियं चरियं ॥ १६ ॥ वेयड्डुपव्वयंदे(इंदे) नामेणं गयणवल्लहं नयरं । तत्थत्थि गयण-
 सेहरमिहाणओ खेयराहिवई ॥ १७ ॥ तस्सत्थि सीलकलिया भज्जा नामेण चंदरेह त्ति । ताण अहं संजाया मयंकरेहा सुया
 जाया ॥ १८ ॥ अह अन्नदिणंमि मए विमाणमज्झट्टियाए आयासे । गच्छंतीए मुक्को मुहंतंबोलो अहोभाए ॥ १९ ॥ सवणे
 मज्झ पविट्ठो तत्तसलाय व दुस्सहो सहो । एत्थ भवे अन्नभवे न हविस्सइ तुज्झ पाणपिओ ॥ २० ॥ इय तं वयणं सुणिउं
 दिन्ना दिट्ठो मए महीसमुहा । तंबोलरसविलिच्चो दिट्ठो एगो मुणिवरिंदो ॥ २१ ॥ ओयरिय महीवीढे मुणिनाहो जंपिओ
 मए नमिउं । सामिय ! मह अवराहं स्वमिऊण अणुग्गहं देसु ॥ २२ ॥ उवसमघणेण तेणं दिन्नं पच्चुत्तरं न मह कहवि ।
 पच्चक्खीहोऊणं सासणदेवीए भणिया हं ॥ २३ ॥ किं मुद्धि ! मुणिवरिंदो सावं कस्सावि देइ कहया वि । सिक्खाकरणनिमित्तं
 सविया सि मइ चिय इयाणि ॥ २४ ॥ तुह उण पच्छायावा मुणिवरपयस्वामणं निएऊण । वियरेमि इममणुग्गहमह परिच्चत्त-
 कोवभरा ॥ २५ ॥ वरिसचउकं आयंबिलाणि परिहरियसयलवावारा । कुणसु तुमं रयणायरमज्झट्टियउसहकूडंमि ॥ २६ ॥
 अन्नभवे तुह होही सुंदरूवो पिओ तवपहावा । इत्थ भवे नेव पुणो सावो न हु निप्फलो जेण ॥ २७ ॥ तत्तो विसन्नचित्ता

पाइअ-
कहा-
संगहे ।
॥ २६ ॥

तं नमिउं ज्झत्ति नियपुरे पत्ता । सयलो वि मए कहिओ वुत्तंतो जणणिजणयाण ॥ २८ ॥ दुहियमणेहिं तेहिं मुक्का हं इत्थ
सहिदुगसमेया । आणेऊणं निच्चं ताओ मह भोयणं दिति ॥ २९ ॥ चउवरिसअंबिलाणं अंतो मज्झं हविस्सई अज्ज । पारणयं
नियनयरे तत्थ इयाणिं गमिस्सामि ॥ ३० ॥ जं तुम्हेहिं पुट्ठं तं कहिय(यं) मुद्धमाणसाइ मए । तुम्हाणं पि हु चरिअं
मुणिउं इच्छामि अहमिणिं ॥ ३१ ॥ अह तीए तेण सव्वं सवित्थरं कहियमप्पणो चरियं । सुणिऊण धरानाहं मोरं सा
हरिसिया जाया ॥ ३२ ॥ चित्थइ य इत्थ अहवा कयंमि (भवंमि) अन्ने वि हवउ मज्झ पिओ । एसो चिय अत्थि फलं
एयस्स तवस्स जइ कहवि ॥ ३३ ॥ इय जा कुणंति वत्तं आयाउ सहि(ही)उ चल्लिया कुमरी । मोरेण गहियहियया सुत्ता
पत्ता निए नयरे ॥ ३४ ॥ कुणिऊण संघवच्छल्लमणुवमं पारणं कयं तीए । सुन्नमण चिय चिट्ठइ निच्चं पि हु मुक्कवावारा
॥ ३५ ॥ अन्नदिणे सहिवग्गेण पुच्छिया दुक्खकारणं कुमरी । तं साहिऊण सव्वं पभणइ सा दीणमुहकमला ॥ ३६ ॥ उज्जेणीए
सामी सो चिय मोरो महीवई मज्झ । लग्गइ देहे अहवा जालामालाउलो जलणो ॥ ३७ ॥ तं सव्वं सहिवग्गेण साहियं
तीए जणणिजणयाण । मोरनिववरणकज्जेण पेसिओ तेहिं नियमंती ॥ ३८ ॥ खणमित्तेण नहेणं गच्छंतो परिसरे विसालाए ।
नयरीए संपत्तो सुहसउणविवज्जिओ सचिवो ॥ ३९ ॥ नइतीरे बहुयाओ चियाउ कट्ठेहिं सज्जमाणाओ । पिच्छिय एगो पुरिसो
पुट्ठो दुहिएणऽमच्चेण ॥ ४० ॥ सो भणइ इत्थ रज्जं पालइ नाएण मोरनरनाहो । आयासेणं भमिओ सो निच्चं एइ संज्झाए
॥ ४१ ॥ अज्ज पुणो संजायं मासदुगं तस्स कत्थ वि गयस्स । न हु आगच्छइ जेणं मउ त्ति मन्निज्जए तेण ॥ ४२ ॥ न हु
दुइअदिणं कहमवि चिट्ठइ कयावि मोरनिवो । तव्विरहे अंतोउरमियाणि साहिस्सए जलणं ॥ ४३ ॥ इय वुत्तंतं मुणिउं मंती

तपोविषये
मृगाङ्क-
रेखा-
कथानकम् ।

॥ २६ ॥

वलितुं गओ निए नयरे । तं सव्वं पि हु कहिअं कुमरीजुत्तस्स महिवइणो ॥ ४४ ॥ कुमरीए निवो भणिओ तुम्हाएसेण जामि
तत्थ अहं । पिक्खेऊण सयं पि हु सिग्घं इह आगमिस्सामि ॥ ४५ ॥ मंतिजुयं नरनाहो उज्जेणिं पेसए तओ कुमरिं । सा पत्ता
वेगेणं अकंदे सुणइ अइदुसहे ॥ ४६ ॥ कत्थ गओ नाह ! तुमं ? को अम्ह कुणिस्सई परित्ताणं ? । नियमुहकमलं दंससु एगं वेलं
विलक्खाणं ॥ ४७ ॥ अंतेउरियालोयं इय विलवंतं सुणित्तु सा कुमरी । चित्तेइ तस्स विरहे कुणेमि किं जीविउमहं पि ॥ ४८ ॥
ओयरितुं भूमीए लिहिओ एगो सिलोगओ जाव । सहस त्ति तीए हिययं ता फुट्ठं विरहदुहमरियं ॥ ४९ ॥ तं पिच्छिय
अच्छरियं लोओ दुहिओ वि गाढदुहजुत्तो । संजाओ सयलो वि हु तं चेव सिलोगयं पढइ ॥ ५० ॥ 'मयूरो नररूपेण विधिना
प्रेषितो ह्यसौ । तेनैव नीयमानाऽस्मि हहा ! सख्यौ ! यमान्तिकम्' ॥ ५१ ॥ सुणिऊण तीए वत्तं खेयरवग्गो समागओ तत्थ ।
अच्छरियजुओ सयलो वि लिहइ तं पढइ य सिलोयं ॥ ५२ ॥ खयरो एगो लिहिऊण तं सिलोगं गओ पिवासाए । सलिला-
सयस्स तीरे पत्तं मोत्तुं पिअइ सलिलं ॥ ५३ ॥ सो तं विम्हरिऊणं गंतूणं किं पि आगओ तत्थ । दिट्ठो तेणेगनरो वायंतो
हत्थट्ठिअपत्तं ॥ ५४ ॥ सो भणिओ खयरेणं भो ! भो ! अप्पेसु मज्झ पत्तमिणं । पुरिसो भणेइ केणं एसो लिहिओ इह
सिलोगो ॥ ५५ ॥ सो जंपइ मोरनिवो कहवि मओ तस्स विरहदुक्खेण । विजाहरनिवदुहिया मयंकलेहा मुया तत्तो ॥ ५६ ॥
लिहियंमि सिलोगंमी महीए तीए दुहागयं हिययं । कोऊहलेण एसो पढिओ आबालवुड्डीए ॥ ५७ ॥ इय मुणिउं पहियनरो झूरइ
हिययंमि दुक्खिओ बाढं । हा ! हा ! मयंकलेहा पंचत्तं निष्फलं पत्ता ॥ ५८ ॥ सव्वं मुणेमि सव्वं विजाहर ! सुणसु निवइवुत्तंतं ।
सो जलनिहिंमि पत्तो मोरेणं कीलियपहावा ॥ ५९ ॥ तत्थ तवसोसियंगी दिट्ठा विजाहरिंदवरधूया । पारणदियहे तेणं तत्तो सा

पाइअ-
कहा-
संगहे ।

॥ २७ ॥

नियपुरे पत्ता ॥ ६० ॥ तविरहे मोरनिवो सुन्नमणो ममइ पवए तत्थ । किंकायव्वविमूढो विलवंतो बहुपयारेहिं ॥ ६१ ॥ सुन्नम-
णेणं तेणं गच्छंतेणं न कीलिया गाढा । दिन्ना तेण समुदे सा पडिया मोरनिवजुत्ता ॥ ६२ ॥ लहिऊणं दिव्वसा फलहं जलहिं
तरित्तुमिह पत्तो । मग्गं अयाणमाणो परिब्भमंतो अहं एसो ॥ ६३ ॥ तो किं मह जीएण विरहे तीए मयंकरेहाए । इय बहु-
पयारचित्तसंतत्तमणस्स तहिं समए ॥ ६४ ॥ तविरहदुक्खभरियं हिययं फुट्ठं तड त्ति मोरस्स । विज्जाहरो निणउं तं सव्वं चित्तए
दुहिओ ॥ ६५ ॥ मह वत्तं सुणिऊणं पत्तो पंचत्तमेस सहस त्ति । एयस्स मरणहेऊ जाओ हं कह णु पाविट्ठो ॥ ६६ ॥ इय
खेयं काऊणं मयं पि तं कुणिय नियविमाणंमि । उज्जेणीए बाहिं चिआसमीवम्मि मुत्तूण ॥ ६७ ॥ अंतेउरियालोयं पभणइ सो
खिन्नमाणसो तत्थ । इत्थीहच्चापावस्स मूलमेयस्स हं जाओ ॥ ६८ ॥ जेण मए मयवत्ता कहिया विज्जाहरीकुमारीए । हिययं
तड त्ति फुट्ठं एयस्स तओ इहाणीओ ॥ ६९ ॥ अह अंतेउरलोओ नियदइयं मुणिय मरणमावन्नं । हरिसपरो तं गहिउं खयरिं
पि हु विसइ जलणंमि ॥ ७० ॥ अह गयणसेहरनिवो दुहिओ दुहियाइ कुणइ मयकिच्चं । मरिउं उववन्नाइं ताइं दुवे जत्थ तं
सुणसु ॥ ७१ ॥ नामेण विलासपुरं अत्थि पुरं महीयलंमि विक्खायं । चंदजसो तत्थ निवो चंदमुही पिययमा तस्स ॥ ७२ ॥
मोरनिवो मरिऊणं संभूओ ताण पुत्तभावेण । पुरिसुत्तमकयनामो जाओ बालो वि नरनाहो ॥ ७३ ॥ सुणिऊण तं सिलोयं
पडिअमाणं जणेहिं पुव्वुत्तं । चित्तेइ महीनाहो कहं पि निसुओ मए एसो ॥ ७४ ॥ ऊहापोहं सो कुणइ जाव ता ज्झत्ति तस्स
संजायं । जाइस्सरणं अह तेण पिच्छए पुव्वभवचरियं ॥ ७५ ॥ मह कज्जे परिचत्तं नियजीयं जीए पच्छिमभवंमि । कत्थुप्पन्ना
होही मयंकरेहा पिया सा मे ॥ ७६ ॥ तीए विणा पज्जत्तं भोएहिं मज्झ जावजीवं पि । इय चित्तिय न हु परिणइ अन्नं सो

तपोविषये
मृगाङ्क-
रेखा-
कथानकम् ।

॥ २७ ॥

कं पि निवकुमरि ॥ ७७ ॥ अह पण्डुहमंतिलोओ पमणइ नरनाह ! धंमवेरवयं । जुत्तं साङ्खण सया पुहइवईणं पुणो नेव ॥ ७८ ॥
मोणेणं चिय चिट्ठइ सो ताण न किं पि उत्तरं देइ । परिपालइ रज्जभरं सत्तहिं वसणेहिं परिचत्तो ॥ ७९ ॥ पच्चक्खीहोऊणं
संज्झाए कहइ अन्नदियहंमि । पुरिसोत्तमस्स रण्णो पूयानिरयस्स कुलदेवी ॥ ८० ॥ पउमावइनयरीए पवाहि(इ)याहिट्ठिओ
समत्थि मढो । पुव्वभवपिया तुज्झं तहिं चिट्ठइ कुसुमसिरिनामा ॥ ८१ ॥ गच्छसु तत्थेव तुमं इयाणिमवि कुणिय महिलियारूवं ।
सा(तं)परिणिय वलिऊणं रयणीइ वि आगमिज्जासु ॥ ८२ ॥ सुणिऊण तीए वयणं संतुट्ठो चितए पुहइनाहो । सा लद्धा नूण मए
मयंकरेहा हिययइट्ठा ॥ ८३ ॥ अह निवई लिहइ पडे सवित्थरं अप्पणो वि तीए वि । पुव्वभवं ससिलोयं नामजुयं मोरनहगमणं
॥ ८४ ॥ तस्सत्थि पुणो सिद्धो आबालाओ वि एगवेयालो । चितियमित्तं पत्तं महिनाहो तं पयंपेइ ॥ ८५ ॥ गंतवं अम्हेहिं
इयाणि पउमावईए वेयाल ! । उव्वेसइ नियखंधे ते तत्थ गया दुवे तत्तो ॥ ८६ ॥ एकम्मि उज्जाणे विस्समिओ चितए मही-
नाहो । इत्थीरूवं अहयं कुणेमि अह तत्थ गमणत्थं ॥ ८७ ॥ खणमित्तं संजाया निदा चिंतापरस्स नरवइणो । अह विज्जाहरजुयलं
कीलाहेउं तहिं पत्तं ॥ ८८ ॥ भममाणो सच्छंदं उज्जाणे खेयरो तहिं ठाणे । संपत्तो जहिं चिट्ठइ पुरिसोत्तमनरवई सुत्तो
॥ ८९ ॥ निरुवमरूवं तं पिच्छिऊण विज्जाहरो वि चितेइ । जइ नियइ इमं कहमवि परिभमंती पिया मज्झ ॥ ९० ॥ एयंमि
रत्तचित्ता विगलियनेहा ममोवरिं होही । तस्स चरणंमि तत्तो सो बंधइ ओसहिं एगं ॥ ९१ ॥ सो गच्छइ अन्नत्तो जग्गइ
पुरिसुत्तमो तओ निवई । अप्पाणं पुण पिच्छइ इत्थीरूवं तओ हिट्ठो ॥ ९२ ॥ हरिसभरनिब्भरंगो जायं कह मज्झ महिलिया-
रूवं । इय जा चितइ चरणे बद्धं ता ओसहिं नियइ ॥ ९३ ॥ एयाइ पहावाओ मह जायं नूण रमणियारूवं । गच्छामि अहमि-

पाइअ-
कहा-
संगहे ।

॥ २८ ॥

याणि अविसंकं तस्स पासंमि ॥ ९४ ॥ लोयाओ मुणिऊणं सो गच्छइ तत्थ चइय वेयालं । नमइ पवाइयचलणे तं पुच्छइ
सागयं सा वि ॥ ९५ ॥ कक्खाहि पडो पडिओ पणामसमए निवस्स सहस त्ति । गहिओ कुसुमसिरीए अवलोयइ नियय-
पुव्वभवं ॥ ९६ ॥ कयमुणिवरोवसग्गो कुणेमि एसा अहं तवं इत्थ । लिहियसिलोगा य मुया एसो सो मोरमहिनाहो ॥ ९७ ॥
एयं मुणेमि मवं सो चिट्ठइ जत्थ तं पुणो नेय । तेणं चिय एम पडो लिहिओ अन्नस्स न हु सत्ती ॥ ९८ ॥ एयं चिय
पुच्छेमी मुणिस्सए नूण सव्वमवि एसा । हत्थट्ठियकंकणे णं किं किज्जइ दप्पणेणहवा ॥ ९९ ॥ सा हरिसमणा पभणइ नव-
महिलं केणिमो पडो लिहिओ ? । सा कहइ विलासपुरे पुरिसुत्तमपुहइनाहेण ॥ १०० ॥ इय कहियं तुज्झ मए तुमं पि मह
कहसु भणइ नवमहिला । नियवुत्तंतं सवं कुसुमसिरी साहए तीए ॥ १०१ ॥ पउमावइनामेण एसा नयरी सुनीइसंपन्ना ।
इह पउममहीनाहो पउमसिरी पिययमा तस्स ॥ १०२ ॥ कुसुमसिरी संजाया ताण सुया विसयसेवणपराण । सा लोयाउ
सिलोयं मयूरपयलंछियं सुणिउं ॥ १०३ ॥ कत्थ वि एम सिलोओ सुणिओ पुर्वि मए इह सुरम्मो । ऊहापोहं सा कुणइ जाव
ता तीए संजायं ॥ १०४ ॥ जाईसरणं सहसा सवित्थरं मुणइ अप्पपुव्वभवं । स चिय मयंकरेहा मरिऊणं इत्थ उववक्का
॥ १०५ ॥ मोरनिवं पुव्वपियं कत्थुववन्नं अयाणमाणा सा । कुणइ पइन्नं लग्गइ मह देहे सो व जलणो वा ॥ १०६ ॥ अन्नं
पुरिसं दिट्ठीए पिच्छई नेव कहवि कइयावि । अह पउममहीनाहो मुणिउं नवजोवणं दुहिओ ॥ १०७ ॥ सो नेमिच्चि-
यमेगं पुच्छइ एयाइ मज्झ तणयाए । मणइट्ठो को होही पाणपिओ ? कहसु मुणिऊण ॥ १०८ ॥ सो भणइ मढे चिट्ठउ
इमंमि एसा लहिस्सई ज्झत्ति । मणवंछियपाणपियं पुरिसुत्तमनामनरनाहं ॥ १०९ ॥ सा य अहं इह मुक्का पवाइयाओ

तपोविषये
मृगाङ्क-
रेखा-
कथानकम् ।

॥ २८ ॥

सुणेमि धम्मकहं । नयणेहिं नन्नपुरिसं पिच्छेमि सुरूवकलियं पि ॥ ११० ॥ इय सहि ! सबो कहिओ नियवुत्तंतो मए तुहं
इहइं । ता चलसु मज्झ जणयाण संनिहाणंमि सिग्घं पि ॥ १११ ॥ तं नेइ बलाउ तओ कुसुमसिरी कहइ जणणिजणयाण ।
मह पुव्वपिओ चिड्डइ विलासनयरे तहिं गमिस्सं ॥ ११२ ॥ तत्तो पुराउ एसा समागया मह सही पडं गहिउं ।
साहिन्नाणं लिहियं पियचरियं तत्थ वित्थरओ ॥ ११३ ॥ जणएहिं सा भणिया गच्छसु वच्छे ! सयंवरा तत्थ ।
अहिणवसहीए सद्धि अमच्चवग्गेण य इयाणिं ॥ ११४ ॥ तो नवमहिला पमणइ गमणकिलेसेण तुज्झ किं इमिणा ? । आणेमि
इत्थ जइ तं ता किं दाही तुमं मज्झ ? ॥ ११५ ॥ तं जंपइ कुसुमसिरी दइयं आणेसि जइ तुमं इत्थ । ता मग्गसि जं तुमयं
मणिच्छियं तं अहं देमि ॥ ११६ ॥ नवमहिला तो पमणइ जइ एवं पिच्छ ता समाणीयं । तो छोडिऊण ओसहिमेसा
दंसेइ नरूवं ॥ ११७ ॥ तं पिच्छिय अच्छरियं भयहरिससमाउला तओ बाला । पुव्वभवाभिन्नाणे सपच्चए कहइ सो तीए
॥ ११८ ॥ उल्लसियपिम्मनवपुलयअंकुरा तक्खणंमि सा जाया । सो तं पमणइ बाले ! याणिं चिय तत्थ गंतवं ॥ ११९ ॥
जेणं अकहियवत्तो वेयालपहावओ इहं पत्तो । सामंतपमुहलोओ कुणिस्सई मज्झ अवसेरिं (?) ॥ १२० ॥ तं सवं मुणिऊणं
हरिसभरुब्भिन्नपुलयललियंगो । पउमनिवो दुण्हं पि हु सुमुहुत्ते कुणइ वीवाहं ॥ १२१ ॥ पउमनिवेणं सम्माणिऊण पुरि-
सुत्तमो महीनाहो । कुसुमसिरीए समेओ विमज्जिओ नियपुराभिमुहं ॥ १२२ ॥ सुमरियमित्तो तेणं वेयालो आगओ चडावेइ ।
एगे खंधे पुरिसुत्तमं च दुइए य कुसुमसिरिं ॥ १२३ ॥ अह तेण तक्खण चिय सुहेण नीओ निवो नीए ठाणे । अहिणवपियाए
सहिण विलासभुवणे ठिओ रम्मे ॥ १२४ ॥ कुसुमसिरीए पुट्टं पिअयम ! कजेण केण नयरीए । पउमावईए पत्तो अह सवं

पाइअ-
कहा-
संगहे ।

॥ २९ ॥

साहियं तेण ॥ १२५ ॥ जंपइ पहायसमए दहुं सपियं निवं पयहवग्गो । अज्ज रयणीए जायं सामिअ ! एयं किमच्छेरं ?
॥ १२६ ॥ सव्वो वि तस्स कहिओ तेणं कुलदेवयाए वुत्तंतो । निव्वुयहियओ तत्तो पालइ पुरिसुत्तमो रज्जं ॥ १२७ ॥ सो
मणवंछियभोए तीए समं भुंजई बहं कालं । अन्नदिणे उज्जाणे समागयं मुणिय मुणिनाहं ॥ १२८ ॥ कुसुमसिरीए समेओ
पत्तो पुरिसुत्तमो महीनाहो । नमिऊण साहुचलणे उवविट्ठो उचियठाणंमि ॥ १२९ ॥ मुणिणा वि समारद्धा गंभीरसरेण
देसणा पवरा । धम्मो चउप्पयारो सारो चिय इत्थ संसारे ॥ १३० ॥ तत्थ वि तवे विसेसो दुच्चिन्नाहं पि नूण कम्माहं । जस्स
पहावा विलयं गच्छंति जणाण मयण व ॥ १३१ ॥ तवमाहप्पवसेणं कूरमणो वि हु न पारए काउं । लोयाणं उवसग्गं तम्हा
तत्थेव जइयव्वं ॥ १३२ ॥ इय देसणं सुणेउं मुणिनाहं पणमिऊण नियठाणे । संपत्तो नरनाहो सुहेण सो गमइ दियहाइं
॥ १३३ ॥ सिरिकुसुमसिरीदेवीसहिओ पुरिसुत्तमो कुणइ धम्मं । सम्मं जिणभणियं दाणसीलतवभावणारूवं ॥ १३४ ॥
नियआउसमत्तीए मरिऊण गयाइं देवलोगंमि । मिहुणत्तणेण तत्थ वि भुंजंति जहिच्छिए भोए ॥ १३५ ॥ पावेइ तवपहावा
मयंकरेहा भवंतरे पत्ते । मणइहुं पाणपियं तं चिय मोरं महीनाहं ॥ १३६ ॥

इति तपोविषये मृगाङ्कुरेखाकथानकं समाप्तम् ।



तपोविषये अघटकथानकम्—तं किं पि नत्थि जं न हु सिज्झइ लोए तवप्पहावेण । अघडेण जहा पत्तं दासी-
पुत्तेण वि सुरज्जं ॥ १ ॥ इंदपुरीए सुमाणा भारहखेत्ते अवंतिदेसंमि । अत्थि विसाला नयरी नामेणं सिरिविसाल चि

तपोविषये
अघट-
कथानकम् ।

॥ २९ ॥

॥ २ ॥ बुद्धिपरकमदाणोवयारदक्खिन्नगुणगणसमेओ । तत्थऽत्थि महीनाहो सुघडियनामेण नायपरो ॥ ३ ॥ सीलजुया
 पाणपिया नामेणं मयणमंजरी तस्स । पंचप्पयारविसए दुन्नि वि भुंजंति अणवरयं ॥ ४ ॥ विक्रमसीहो पुत्तो उप्पन्नो ताण
 गुणगणनिवासो । तणया य रयणसुंदरिनामा जियअच्छारूवा ॥ ५ ॥ तस्सत्थि महीवइणो पुरोहिओ नाणगब्भ नामेण ।
 पसिणाओलग्गाओ भूयमविस्सं मुणइ सव्वं ॥ ६ ॥ अन्नदिणे नरनाहो अत्थाणं पूरिऊण उवविट्ठो । सामंतदंडनायगमंति-
 पुरोहिअपराउत्तो ॥ ७ ॥ अह एगो कम्मयरो आमांतूणं गिहाउ वेगेणं । कहिऊणं किं पि पुरोहिअस्स सव्वणे गओ सिग्घं
 ॥ ८ ॥ तं सुणिय विम्हियमणो दाउं नहछोडियं धुणियसीसं । तं पिच्छिऊण निवई पुच्छइ अच्छरियअक्खित्तो ॥ ९ ॥
 किं तुह विम्हयठाणं ? कहेसु मह नाणगब्भ ! सिग्घं पि । सो भणइ देव ! एयं न कहिज्जइ कहवि कस्सावि ॥ १० ॥ इय
 मणिए नरनाहो निब्बंधेणं पुणो वि पुच्छेइ । अमयाउ वि महुरतरा अद्वं कहिआ हवइ वत्ता ॥ ११ ॥ जंपेइ नाणगब्भो
 हविस्सई तुज्झ दुक्खमइगरुयं । तहवि कहिज्जइ अहआगहु त्ति नरनाह ! सुण इण्ही ॥ १२ ॥ मज्झ घरे कम्मयरी समत्थि
 एगा सुयं पम्भया सा । संपइ सरूवकलियं इय सुणिउं भणइ नरनाहो ॥ १३ ॥ किमणेण कारणेणं निरत्थयं मत्थयं
 विहूणेसि ? । जंपइ य नाणगब्भो न निप्फला देव ! मह चिट्ठा ॥ १४ ॥ तो नरनाहो पभणइ सच्चं चिय कहसु सव्वमवि
 एयं । वज्जरइ नाणगब्भो नाणेण सुणियपरमत्थो ॥ १५ ॥ जीवंतंमि वि देवे एसो दासीसुओ सुकयपुत्तो । इह नयरीए रज्जं
 करिस्सई नेह संदेहो ॥ १६ ॥ इय सुणिउं नरनाहो विसज्जे तत्थ ज्झत्ति अत्थाणं । तो पत्तो नियगेहे पुरोहिओ पिच्छए वालं
 ॥ १७ ॥ देहपहाउओइयदिसिवलयं चक्कवालकरचरणं । दासीपुत्तं नरवइवरलक्खणकलियमव्वंगं ॥ १८ ॥ अह सुघडियनर-

पाइअ-
कहा-
संगहे ।

॥ ३० ॥

नाहो चितइ हिययंमि दुखिखओ अहियं । नेह पुरोहियवयणं वितहं कइयावि खलु जायं ॥ १९ ॥ ता जाव एस अज्ज वि
बालो निहणेमि ताव सिग्घं पि । इय चित्तिऊण पुरिसाण जुयलमेगं समाइडुं ॥ २० ॥ गंतुं पुरोहियगिहे पच्छन्नं दासिदारयं
हणह । इअ निवइसमाएसं लहिऊण गया णिसीहंमि ॥ २१ ॥ विसिउं पुरोहियगिहे सुत्ताणं ताण गहिय तं पुत्तं । नीह-
रिऊण पुरीए जुन्नुजाणे गया पुरिसा ॥ २२ ॥ अन्नोन्नं ते दुन्नि वि भणंति बालो अईवसुकुमालो । न वहंति अम्ह हत्था
हणमाणानं इमं कहवि ॥ २३ ॥ इय चित्तिअ उज्जाणे बालं मुत्तूण तत्थ जीवंतं । सुघडियरायसमीवे गंतूण भणंति ते एवं
॥ २४ ॥ अम्हेहिं देव ! बालो हणिओ सो जत्थ केण वि ण दिट्ठो । तं सुणिय ताण वयणं नरनाहो निव्वुओ जाओ ॥ २५ ॥
अह तणयं अनियंती अकंदंती निवारिया दासी । पुत्तस्स भाविरज्जं कहिऊणं नाणगम्भेण ॥ २६ ॥ पुन्नवसेण विभाया बालस्स
विभावरी सुहेणं सा । उज्जाणपालओ तत्थ ज्झत्ति पत्तो पियासहिओ ॥ २७ ॥ सो जंपिउं पउत्तो पिययमि ! सुक्को वि एस
आरामो । रम्मफलकुसुममंजरीजुत्तो दीसइ अगाले वि ॥ २८ ॥ सा जंपइ पिय ! बालो पुन्ननिही दीसए बउलमूले । एयस्स
पहावेणं फुल्लियफलओ इमो नूणं ॥ २९ ॥ गंतूण तत्थ सिग्घं गहिओ तीए करेहि सो बालो । मालागारो तं पिच्छिऊण
लग्गो पयंपेउं ॥ ३० ॥ सबंगलक्खणधरो बालो एसो सिरीइ आवासो । पुन्नरहिण केण वि निक्करुणेणं इहं मुक्को ॥ ३१ ॥
घन्नेण विणा रयणीए जीविओ एस अज्ज कह बालो । अघडियचरियं एयस्स तेणिमो अघडनामो त्ति ॥ ३२ ॥ इण्हिं हवेउ
पिययमि ! तुज्झ अपुत्ताइ पुत्तओ एस । अहिणवपसूयवेसा चिट्ठसु एत्थेव उज्जाणे ॥ ३३ ॥ लोए पयासियवं एयं चिय
गूढगन्मसंजुत्ता । अज्ज पसूया एसा तणयं उज्जाणगयमत्ता ॥ ३४ ॥ इय भणिऊणं मालागारो पत्तो नियंमि ठाणंमि ।

तपोविषये
अघट-
कथानकम् ।

॥ ३० ॥

जहमंतिअवुत्तंतो पयासिओ लोयमज्झंमि ॥ ३५ ॥ जहवुत्तं वुत्तंतं सबं कहिऊण तेण पच्छभं । वीसंभठाणमेणा मुक्का धाई
पिआपासे ॥ ३६ ॥ मालागारस्स पिया कहवयदियहेहिं आगया सगिहं । अघडकुमारो वड्डइ कीलंतो विविहकीलार्हि ॥ ३७ ॥
अह सो मालागारो ओलगकुसुमाइं अप्पए तत्थ । सुघडियमिहाणरओ पहायसमयंमि पइदियहं ॥ ३८ ॥ अन्नम्मि दिणे
तणयं अघडं गहिऊण मालिणी एसा । गच्छइ निवइसयासे अप्पइ कुसुमाइं अत्थाणे ॥ ३९ ॥ पुहईवइणा दाउं पसायदाणं
विसज्जिया एसा । अह भणइ नाणगम्भो सुणेसु नरनाह ! मह वयणं ॥ ४० ॥ गिण्हिस्सइ तुह रजं पुत्तो एयाए मालिणीए
फुडं । इय सुणिउं नरनाहो अइदुहिओ चितए हियए ॥ ४१ ॥ न हु हणिओ तेहिं तया मुक्को कत्थ वि हविस्सइ बालो ।
तो पत्तो एयाए अहवा ति च्चेय पोच्छामि ॥ ४२ ॥ सदाविऊण ते वि हु अभयं दाऊण बालवुत्तंतं । पुच्छेइ महीनाहो कहंति
ते सच्चमेगंते ॥ ४३ ॥ तो नरनाहो अन्नं पुरिसं पभणेइ ज्झत्ति एगंते । मालिणिबालो ओ इत्थ आगओ हणिअ तं सिग्घं
॥ ४४ ॥ तक्कंठठियाभरणं आणसु गहिऊण मह सयासंमि । इह लद्धसमाएसो सो पत्तो तत्थ ठाणंमि ॥ ४५ ॥ मग्गे तं पि
रमंतं दट्ठुं काऊण खंघदेसंमि । केण वि अदिस्समाणो संपत्तो बाहिरुज्जाणे ॥ ४६ ॥ अघडो वि तस्स कुब्बं गिण्हंतो भणइ
ताय ! ताय ! त्ति । सो वि हु करुणारसिओ संजाओ सुणिय तं वयणं ॥ ४७ ॥ बालेण इत्थ ताओ मणिओ ता हं हणेमि
कह णु इमं । इय चित्तिऊण मुक्को भवणे जक्खस्स एगंमि ॥ ४८ ॥ कंठाभरणं गहिउं पुरिसो पत्तो निवस्स पासंमि । तं
अप्पिऊण पभणइ देवाएसो मए विहिओ ॥ ४९ ॥ तो सुघडियनरनाहो अहिनाणं पिच्छिऊण चित्तेइ । हणिओ अणेण बालो
हरिसियचित्तो तओ जाओ ॥ ५० ॥ मालागारो अह मालिणी अ पिच्छंति नेव नियपुत्तं । दाऊण उबालंमे विहिणो चिहंति

बाइअ-
कहा-
संगहे ।

॥ ३१ ॥

दुहियाइं ॥ ५१ ॥ अह सो अघडकुमारो कीलाए भमइ तंमि देवउले । पिच्छेइ जकखपडिमं आलिंगइ ज्झत्ति तं सो वि
॥ ५२ ॥ कुचं पि परामुसई बालसहावेण ताय ! ताय ! त्ति । पभणंतो जंघोवरि उवविसई हसिरमुहकमलो ॥ ५३ ॥ एवं तवय-
णाइं विविहाइं जकखवंतरो सुणिउं । पिम्मपरायणहियओ करुणाभरमंथरो जाओ ॥ ५४ ॥ तं पिच्छिऊण बालं जकखो चितेइ
ओहिनाणेण । कत्थ द्विओ पुचनिही चिद्विस्सइ एस सोक्खेण ॥ ५५ ॥ अह तंमि पुणो समए उज्जाणे तत्थ देवधरनामा ।
आवासिओ समंता लच्छिममिद्धो वणियपुत्तो ॥ ५६ ॥ बालस्स एयमुचियं ठाणं नाऊण देवरूवेण । जंपइ निसाइ जकखो
वणिसुय ! जग्गेसि अह सुत्तो ? ॥ ५७ ॥ तं वयणं सुणिऊणं अब्भुट्ठाणं कयं तओ तेण । जग्गामि अहं सामिय ! तं पभणइ
देवधरसेट्ठी ॥ ५८ ॥ तो जंपइ तं जकखो वंतरदेवं मुणेसु मं सोम ! । मह एयं उज्जाणं कुणेमि कीडं सया इत्थ ॥ ५९ ॥
देवधरसेट्ठी ! पुत्तय ! आवाससि इत्थ मज्झ उज्जाणे । ववहारबुद्धिगमणागमणेणं सब्बकालं पि ॥ ६० ॥ कइयावि तए न
कओ उवइवो कुसुमफलदलाणित्थ । एएण कारणेणं तुट्ठो हं तुज्झ वरसु वरं ॥ ६१ ॥ तो पभणइ देवधरो लच्छीना(रा)माइं
मज्झ गेहंमि । नो अत्थि पुणो पुत्तो तं चिय मह देसु जइ तुट्ठो ॥ ६२ ॥ इय सुणिउं जकखो वि हु पभणइ मह देउले
पभायंमि । उच्छंगे उवचिट्ठं गिण्हसु बालं अघडनामं ॥ ६३ ॥ इय मणिउं सो देवो पत्तो अइंसणं तओ सेट्ठी । चितेइ सुमिण-
मेयं मइमोहो अहव किं सच्चं ? ॥ ६४ ॥ गमिऊण सयलरयणिं पहायसमयंमि हिट्ठचित्तेण । पत्तेण जकखभुवणे दिट्ठो बालो
गुणनिवासो ॥ ६५ ॥ संपूइऊण जकखं बालं गहिउं गओ निए ठाणे । देवइभज्जाइ तओ समप्पिओ कहिय वुत्तंतं ॥ ६६ ॥
पुत्तरहियाए तीए गहिओ बालो अबालचरिओ सो । देउलवाडयगामे पुत्ताइं ताइं निययंमि ॥ ६७ ॥ अघडकुमारो एसो

तपोविषये
अघट-
कथानकम् ।

॥ ३१ ॥

संजाओ अट्टवरिसपरिआओ । सव्वकलापारगओ थोवदिणेहिं 'पिअभिओगो ॥ ६८ ॥ सा का वि हु नत्थि कला तं नाणं नेव नेव
 विन्नाणं । जं सो न मुणइ अघडो बालो वि अबालबुद्धीए ॥ ६९ ॥ अह अन्नया कयाई देवधरो अघडपुत्तसंजुत्तो । ववहारेणं
 पत्तो नयरीए सिरिविसालाए ॥ ७० ॥ आवासिऊण बाहिं थालं गहिऊण रयणपडिपुत्तं । संपत्तो धवलगिहे पुत्तजुओ नमइ
 नरनाहं ॥ ७१ ॥ वररयणाई पिच्छिय हरिसियचित्तो पयंपए निवई । सिद्धिसुय ! तुज्झ दाणं सव्वं मुक्कं पसाएण ॥ ७२ ॥
 तो वीडिअं पयाउं निययावासंमि पेसिओ सेट्ठी । अह एगंते जाए पयंपियं नाणगम्भेणं ॥ ७३ ॥ सामिय ! एयस्स सुओ
 करिस्सई रज्जमित्थ नयरीए । जीवंतंमि वि देवे तं सुणिउं चित्तए निवई ॥ ७४ ॥ दुट्ठमणेणं तेण वि किं मह वेरी न मारिओ
 होज्ज । मारेयवो बालो संपइ वि कयावि जुत्तीए ॥ ७५ ॥ अह अत्थाणे पत्तो देवधरो अघडपुत्तपरियरिओ । नरनाहेणं पुट्ठो
 ससिणेहं कूडहियएण ॥ ७६ ॥ देवधर ! तुज्झ पुत्तो दीसइ एसो सुलक्खणो सूरुओ । ता रम्ममेगदेसं देमि पसाएण एयस्स
 ॥ ७७ ॥ नमिऊण भणिय(भणइ) सेट्ठी सामिय ! अम्हाण नेव वंसंमि । जाओ कस्स वि देसो अइभयभीया वणियजाई
 ॥ ७८ ॥ तो अघडो वि हु पभणइ किं ताय ! भणेसि एरिसं वयणं ? । किं चक्कवट्ठिपिउणा पत्तं कइयावि चक्कित्तं ? ॥ ७९ ॥
 सोऊणं तव्वयणं निउणं सपरक्कमं सउच्छाहं । रत्ता दिन्ना नयरी महुरा महुरं चवंतेणं ॥ ८० ॥ पत्तलयं गहिऊणं अघडेण
 गएण तीए नयरीए । देउलवाडयगामे नियजणओ पेसिओ ज्झत्ति ॥ ८१ ॥ देवधरो वि कमेणं गच्छंतो नियपुरंमि संपत्तो ।
 हरिसियचित्तो लोयाण कइइ पुत्तस्स वुत्तंतं ॥ ८२ ॥ सयलजणो वुत्तंतं सुणिऊणं गओ पुरीए महुराए । अघडपट्ठुणा वि

पाइअ-
कहा-
संगहे ।

॥ ३२ ॥

दिनो जहजोगं तस्स अहिगारो ॥ ८३ ॥ अह सुघडियनरनाहो कुडिलमणो चितए नियमणंमि । कहमेसो हणियवो अघडो
सुघडियसुकयपुंजो ॥ ८४ ॥ अहवा अत्थि उवाओ विक्रमसिंहस्स भइणिजुत्तस्स । जियसत्तुविग्गहत्थं गयस्स पेसेमि तत्थ
इमं ॥ ८५ ॥ इय चित्तिऊण लिहिअं जुयलं लेहाण तेण सयमेव । विक्रमसिंहसुयस्स य एगो एगो य अघडस्स ॥ ८६ ॥
एयं लेहाण जुयं अघडकुमारस्स सिग्घमप्पेसु । इय भणिय लेहदारो विसज्जिओ ज्झत्ति महुराए ॥ ८७ ॥ गंतूण तेण सिग्घं
समप्पियं तस्स लेहजुयलं तं । नियनामंकियमेगं दट्टूणं वायए अघडो ॥ ८८ ॥ उज्जेणीए विक्रमसिंहस्स गयस्स सत्तु-
जिणणत्थं । दुइअं लेहं गिण्हिअ गंतवं तत्थ तुमए वि ॥ ८९ ॥ तक्कालं तं लेहं गिण्हिय चउरंगविउलदलकलिओ । संपत्तो
सो कमसो रयणीए कुमरकडयंमि ॥ ९० ॥ जक्खो वि तंमि समए संपत्तो तत्थ अघडपुण्णेण । लेहत्थो नाणेणं जहड्डिओ
तेणिमो नाओ ॥ ९१ ॥ विक्रमसिंह ! तुमं खलु देसु विसं ज्झत्ति अघडकुमरस्स । एयाणमक्खराणं ठाणे जक्खो लिहइ एयं
॥ ९२ ॥ कुमरीए रयणसुंदरिनामाए तह य अघडकुमरस्स । कारेयवं सिग्घं पाणिग्गहणं तए वच्छ ! ॥ ९३ ॥ सुरसत्तीए लिहिउं
जक्खो वि गओ पभायसमयंमि । मिलिऊणं अघडेणं कुमरस्स समप्पिओ लेहो ॥ ९४ ॥ वाएइ तओ कुमरो मुणिऊणं भणइ
जोइसियं । कुमरीए अघडस्स य विवाहलग्गं कहसु सिग्घं ॥ ९५ ॥ जोइसिओ तं पभणइ सुज्झइ अजेव अहव वरिसदुमे ।
कुमरो चितइ ताएण पेसिओ तेण इह एसो ॥ ९६ ॥ संखेवेणं जाओ तम्मि दिणे ताण दुण्ह वि विवाहो । एयं कहमवि
मुणिउं सुघडियराया वि चितेइ ॥ ९७ ॥ सच्चं चिय भणइ जणो जं कुणइ विही हवेइ तं चेष । जं न घडइ कइयावि हु तं
घडियं तेण अघडस्स ॥ ९८ ॥ अह रत्तिजागराओ जायाइ विस्सइयाइ वियणत्तो । पंचत्तं संपत्तो विक्रमसिंहो विहिक्खेण ॥ ९९ ॥

तपोविषये
अघट-
कथानकम् ।

॥ ३२ ॥

अघडेण कयं सव्वं मयकिच्चं तस्स दुक्खियमणेण । जाणाविओ य एयं सिग्घं सुघडियपुहइनाहो ॥ १०० ॥ नियपुत्तमरण-
सवणे हियए सुघडियनिवस्स सहस्स त्ति । तं उप्पन्नं दुक्खं जं न हु तीरेइ कहिउं पि ॥ १०१ ॥ अह तम्मि चेव समए
केवलनाणी समोसढो तत्थ । सुणिऊण सुघडियनिवो तस्स गओ वंदणनिमित्तं ॥ १०२ ॥ तिपयाहिणं करेउं वंदिय उवविसइ
उचियभूमीए । तं केवली वि पमणइ मुंचसु खेयं सुणसु एयं ॥ १०३ ॥ तुह नयरीए सेट्ठी घणओ नामेण आसि घणयसमो ।
नियजाइमएण पुणो न हु अन्नं मन्नए किं पि ॥ १०४ ॥ थोवदिणेहिं वि नट्ठा लच्छी विउला वि तस्स कम्मवसा । तेणं
चिय वेरग्गेण तेण गहियं वयं ज्झत्ति ॥ १०५ ॥ मासस्स य मासस्स य एगंमि दिणंमि कुणइ पारणयं । चम्मट्टिसिरादेहो
अइउग्गतवेण सो जाओ ॥ १०६ ॥ अह अन्नदिणंमि तए गच्छंतेणेस रायवाडीए । दिट्ठो तमेव वलिओ तुमं पि मणिऊण
अवसउणं ॥ १०७ ॥ सुणिऊण तुज्झ वयणं चितइ हिययंमि कोवपज्जलिओ । उत्तमकुलंमि जम्मो दिक्खा वि हु उत्तमा मज्झ
॥ १०८ ॥ एसो वि हु पाविट्ठो अवसउणपयंमि गणइ मं समणं । मारेमि इममिआणि दयावरा अहव सुणिपवरा ॥ १०९ ॥
मह उण जइ अत्थि फलं एयस्स तवस्स तेण अन्नभवे । इत्थेव हुज्ज रज्जं जीवंते सुघडियनिवमि ॥ ११० ॥ बहुमुल्लं नवरयणं
विकिणियं तेण कागिणीए वि । मरिउं जाइमएण दासीपुत्तो इमो जाओ ॥ १११ ॥ जं चितियं अणेणं मारेमि इमं निवं
तओ तुह वि । जाया मारणबुद्धी एयंमि गयावराहे वि ॥ ११२ ॥ तेण मओ न हु एसो इमिणावि तुमं न मारिओ जेण । तुह
रज्जं पुण एसो करिस्सई कयनियाणु त्ति ॥ ११३ ॥ इय सुणिऊण सवित्थरमघडकुमारस्स निरुवमं चरियं । पणमिय गुरुणो
चलणे नियभ्रवणे नरवई पत्तो ॥ ११४ ॥ चितइ य इमं सयमवि रज्जं वियरेमि तस्स जेण पुणो । हसमाणणं अहवा रूय-

पाइव-
कहा-
संगहे ।

॥ ३३ ॥

माणानं पि पाहुणओ ॥ ११५ ॥ रज्जाएसं पेसिय हकारइ सो वि ज्झत्ति संपत्तो । दाऊण नियं रज्जं अवराहं खामए सव्वं ॥ ११६ ॥ मुणिवरकहियं सयलं साहइ अघडस्स पुव्वभवचरियं । तं सुणिउं संजायं जाईमरणं तओ तस्स ॥ ११७ ॥ तो सुघडियनरनाहो गहियवओ ज्झत्ति सो दिवं पत्तो । अघडचरिएण तत्थ य जाओ अघडो महीनाहो ॥ ११८ ॥ नियजणणी मालियमालिणी य सिट्ठि च अन्नमुयणं च । हकारइ नियपासे सिग्घं अघडो महीनाहो ॥ ११९ ॥ बहुकालं रज्जभरं पालेउं सो वि धम्मसंजुत्तो । सिरिरयणसुंदरीए दुग्घडपुत्तं ठविय रज्जे ॥ १२० ॥ गहिऊण साहुदिकखं मग्गिय भिक्खं पवोहिउं लोयं । दुत्तरत्तवं तवित्ता अकलंकं पालियं नियमं ॥ १२१ ॥ भावणभावियचित्तो समाहिजुत्तो इमो मुणियत्तत्तो । आउक्खयंमि मरिउं जाओ देवो महिद्धीओ ॥ १२२ ॥

इति तपोविषये अघटकथानकं समाप्तम् ।

भावनाप्रभावे धर्मदत्तकथानकम्—दाणं वा सीलं वा तवोविहाणं पि तह य अन्नं पि । सव्वं निष्फलमेयं जाण मणे भावणा नत्थि ॥ १ ॥ जं एगो फलमउलं पावइ किरियं सया वि कुणमाणो । तं चिय लहेइ अन्नो भावेन्तो भावणं एकं ॥ २ ॥ रहियाण भावणाए सव्वं पि हु नूण निष्फलं हवइ । सहियाण भावणाए थोवं पि बहुप्फलं भणियं ॥ ३ ॥ किं किज्झइ विहवेणं ? किं वा पट्टिएण ? किं व अन्नेण ? । जाव न हियए भावो सुनिम्मलो होइ लोयाणं ॥ ४ ॥ तं नत्थि जं न वियरइ एक चिय भावणा विदर्इण (?) । जह धम्मदत्तसेट्ठी सुहाइं भुंजेइ सुरलोए ॥ ५ ॥ गयउरनामेण पुरं गयतुरयसमाउलं

भावना-
प्रभावे
धर्मदत्त-
कथानकम् ।

॥ ३३ ॥

स(सु)हावासं । परिवसइ तत्थ सिट्ठी जसधवलो धम्मधूरधवलो ॥ ६ ॥ जिणमयभावियचित्ता जसदेवी अत्थि तस्स पाण-
पिया । लच्छिललियाण ताणं को वि हु कालो अइकंतो ॥ ७ ॥ अन्नदिणे जसदेवी दुहियमणा पभणए नियं नाहं । पुत्तेण
विणा लच्छीए किजए किमिह विउलाए ॥ ८ ॥ जा न हु उच्छंगठियं सुयरयणं नियइ मम्मणुल्लावं । महिलाए तीए जम्मो
निरत्थओ नूण लोयंमि ॥ ९ ॥ पिययम ! धम्मपहावा मणिच्छियं हवइ सबलोयाण । निविडंतरायकम्मं पि जाइ दूरं स्वणे-
णावि ॥ १० ॥ सविसेसं अट्ठाहियमहिमं ताइं कुणंति भत्तीए । नियगिहदेवालयसंठियस्स सिरिसंतिनाहस्स ॥ ११ ॥ अट्ठम-
दिणंमि सेट्ठी चिट्ठइ ज्ञाणंमि जाव उवविट्ठो । पच्चक्खीहोऊणं सासणदेवी भणइ ताव ॥ १२ ॥ जमधवल ! संतिजिणवर-
भत्तीए अंतरायविगमेणं । तुज्झ हविस्सइ पुत्तो कहिऊण तिरोहिया देवी ॥ १३ ॥ जसधवलो तं रयणिं धम्मज्झाणेण गमइ
सविसेसं । जाए पहायसमए जसदेवीए कहइ सबं ॥ १४ ॥ दाणंमि वावडाए संतिजिणिंदस्स पूयणपराए । रिउण्हायाए तीए
गम्भो जाओ अह अन्नदिणे ॥ १५ ॥ गम्भपहावा जाओ विसेसओ तीइ डोहलो धम्मे । तित्थयराणं पूयं कुणेइ वियरेइ तह
दाणं ॥ १६ ॥ नवमाससट्ठसट्ठमदिणेसु अइएसु सुक्खभावेणं । जिणधम्मभावियमणा पसवइ पुत्तं दिणयरं व ॥ १७ ॥
सुहमइनामा दासी वद्धावइ पुत्तजम्मणा सेट्ठी । सो वियरइ बहुदवं हरिसपरो तीए सहस त्ति ॥ १८ ॥ रिद्धिभरेणं सेट्ठी
सम्माणेऊण सयलसयणजणं । जम्ममहं कुणइ पुरे नामं पि हु बारसे दियहे ॥ १९ ॥ जणणीए डोहलओ जाओ धम्मंमि
गम्भपढमदिणे । तेणेस हवउ कुमरो नामेणं धम्मदत्तो त्ति ॥ २० ॥ अह सो परिवडुंतो संजाओ अट्ठवरिसदेसीओ । सुग-
हियकलाकलावो कमेण नवजोवणं पत्तो ॥ २१ ॥ तंमि पुरे सिट्ठिवरो जसहडनामो वसेइ बहुविहवो । तस्सऽत्थि तिहुणदेवी

पाइअ-
कहा-
संगहे ।
॥ ३४ ॥

नवजोवणसंगया दुहिया ॥ २२ ॥ तीए समं जसधवलो वीवाहं कारवेइ पुत्तस्स । अह ताण जाइ कालो परोप्परं नेहकलि-
याणं ॥ २३ ॥ अन्नदिणे नियजणयं भत्तिभरनिभरो पणमिऊण । पमणेइ धम्मदत्तो साहसउच्छाहबुद्धिजुओ ॥ २४ ॥
जो जणअऽज्जियलच्छि भुंजइ निछजसेहरो लोए । सो पुरिसो काउरिसो निदाठाणं सुपुरिसाणं ॥ २५ ॥ नियभुयदंडसम-
ज्जियलच्छीए कुणइ जो जणुवयारं । एकेण पुरिसरयणेण तेण पुहई खलु सणाहा ॥ २६ ॥ ताय ! अहं देसंतरगमणं कुणिऊण
अज्जितं दवं । जिणभवणे संघे तह दुत्थियलोयाण वियरिस्सं ॥ २७ ॥ जसधवलो भणइ तओ नियपुत्तं वच्छ ! गाढदुक्ख-
करं । देसंतरंमि गमणं तुमं पि सुहलालिओ निच्चं ॥ २८ ॥ जंपेइ धम्मदत्तो जणयं गाढग्गहेण नमिऊणं । सयमज्जिऊण
लच्छि भुंजिस्सं ताय ! न हु अन्नं ॥ २९ ॥ तस्सग्गहं मुणेउं पभणइ पुत्तं विसेसओ सिट्ठी । परदेसंमि नरेणं एरिसरूवेण
होयवं ॥ ३० ॥ मुदत्तं दक्खत्तं मोणममोणं धणित्तमधणत्तं । पंडिच्चमपंडिच्चं सभयत्तं निभयत्तं च ॥ ३१ ॥ कुवियत्तम-
कोवित्तं निछजत्तं सलज्जं च । देसकालाणुमाणा धारेयवं सुपुरिसेणं ॥ ३२ ॥ सेसं व जणयसिक्खं पडिच्छियं गाढभत्ति-
संजुत्तो । गहिउं कयाणगाइं चलिओ सो पिययमासहिओ ॥ ३३ ॥ कयविक्रयं कुणंतस्स तस्स मग्गम्मि गच्छमाणस्स ।
मिलिओ मग्गे कूडो नामेणं वंभणो एगो ॥ ३४ ॥ तं भणइ धम्मदत्तो कहेसु किं पि हु कहाणयं रम्मं । जेणं गच्छइ रयणी
सोक्खेणं अज्ज इह मज्झं ॥ ३५ ॥ वजरइ तओ कूडो अणुहवसिद्धं कहेमि अक्खाणं । पंचसयं दग्गमाणं पढमं चिय देसि जइ
मज्झ ॥ ३६ ॥ चित्तेइ सिट्ठिपुत्तो केरिसमक्खाणयं इमं होही । एगं वेलं लब्भइ जं सोउं बहुयमोल्लेण ॥ ३७ ॥ तं नूण
सुणेयवं अच्छरियं जेण जणइ मह हियए । अत्थो(अत्थं) पुणो वि अहयं समुवज्जिस्सामि लीलाए ॥ ३८ ॥ तो देइ तस्स

भावना-
प्रभावे
धर्मदत्त-
कथानकम् ।

॥ ३४ ॥

मोहं गिण्हइ विप्पो कहं परिकहेइ । नीयजणेणं मित्ती कायवा नेव पुरिसेण ॥ ३९ ॥ इय सिद्धि ! तुज्झ कहियं
कहाणयं सो भणेइ हसिऊणं । किं कहियं विप्प ! तए मुहियाए गिण्हिओ अत्थो ॥ ४० ॥ कूडो भणेइ निसुणसु
अन्नं पि कहाणयं अइसुरम्मं । जइ अत्थि तुज्झ पासे दम्माणं दससयं पुण वि ॥ ४१ ॥ चित्तेइ धम्मदत्तो दवं दाउं इमं
पि नायवं । सच्चं हवेउ जेणं जत्थ सयं तत्थ पंचासा ॥ ४२ ॥ सो अप्पेइ सहस्सं कहेइ अक्खाणयं पुण वि विप्पो ।
महिलाए विस्सासो कायवो नेव कइया वि ॥ ४३ ॥ मज्झ कहाणयज्जुयलं सया वि जइ धरिसि हिययमज्झंमि । ता कत्थ वि
नेव तुमं पराहवं कह वि पाविहिसि ॥ ४४ ॥ हरिसविसायसमेओ पारसकूले कमेण सिद्धिसुओ । संपत्तो तं पुच्छइ कत्थ
तुमं दियवर ! वसेसि ? ॥ ४५ ॥ सो भणइ इत्थ अहयं सया वि निवसेमि मज्झ गिहमेयं । जं किं पि तुज्झ होही पओ-
यणं तं कहेयवं ॥ ४६ ॥ मंतेणं अभिमंतिय जवमुट्ठि तस्स बंभणो देइ । कहइ य वावियमित्ता स्वप्णेण मिण्हंति फलमेए
॥ ४७ ॥ ते गिण्हिय सिद्धिसुओ पुरीए आवासिओ परिसरंमि । अह संपत्तो सिग्घं सिरिसेणनिवस्स पासंमि ॥ ४८ ॥
वररयणभरियथालं पाहुडमप्पिय तओ निवेणावि । रंजियचित्तेणद्वं मुकं सुकं वणिगुयस्स ॥ ४९ ॥ संपत्तो नियगेहे
सेट्ठी कयविक्रयं तओ कुणइ । अजंतो बहुदवं गमइ समजो तर्हि कालं ॥ ५० ॥ जं किं पि तिहुणदेवी पमणइ तं चिय
कुणेइ सो सेट्ठी । रागंघाणं अहवा एस चिय होइ नून गई ॥ ५१ ॥ एगो परिवसइ विडो सयज्झए तस्स धम्मदत्तस्स ।
नामेण गंगदत्तो मित्तत्तं ताण संजायं ॥ ५२ ॥ अइसच्छमणो सेट्ठी भोयणतंबोलखज्जपिजाइ । मित्तत्तणेण निब्बं सो वियरइ
गंगदत्तस्स ॥ ५३ ॥ सो तं विडं सया वि हु पिच्छइ नियवंधवं व नेहेण । अक्खलिओ सिद्धिगिहे गमणागमणं कुणइ एसो

वाइअ-
कहा-
संगहे ।

॥ ३५ ॥

॥ ५४ ॥ जइ वि हु न हवइ गेहे सेट्टी तह वि हु समेइ सो तत्थ । अइदुट्टमणो हासं कुणेइ सह तिहुणदेवीए ॥ ५५ ॥
अइपरिचयाउ तीए सिग्घं पि मणोवियारमावन्नं । किं बहुणा ? दुण्हं पि हु संजायं ताण अइपिम्मं ॥ ५६ ॥ एगाए महिलाए
पुरिसेणेगेण नेव वत्ता वि । कायवा चवलाणं विसमा खलु इंदियाण गई ॥ ५७ ॥ जह न हु इच्छइ सेट्टी तह सा वियरेइ
तस्स भक्खाइं । नियपिययमाउ अहिओ महिलाणं उववई अहवा ॥ ५८ ॥ लुद्धो तीए सिद्धिम्मि गंगदत्तो पओसमावहइ ।
सो दुच्चरियं ताणं सच्चमणो नेव जाणेइ ॥ ५९ ॥ अन्नदिणे सो गच्छइ निवइसयासम्मि नमियमुवविसइ । वरमंतिपमुहलोओ
अत्थि तहिं गंगदत्तो वि ॥ ६० ॥ जंपेइ महीनाहो सेट्टि ! तुमं कहसु किं पि अच्छरियं । दिट्ठं सुयं व कत्थ वि देसेसुं जेण
परिभमसि ॥ ६१ ॥ सो वयइ मह सयासे एगमउवं समत्थि अच्छरियं । ओगच्छंति फलंति य वा यमिक्का जवा देवा !
॥ ६२ ॥ वज्जरइ महीनाहो तं धन्नं अत्थि किं पि जं लोए । गिण्हइ फलं खणेणं आमं ति पयंपए सेट्टी ॥ ६३ ॥ भासेइ
गंगदत्तो दुट्टमणो धम्मदत्त ! तुह सव्वं । अलियं पि इत्थ वयणं छाइअइ विउललच्छीए ॥ ६४ ॥ जइ एयं सच्चं चिय कहमवि
इह कुणसि सिद्धि ! धिट्ठ ! तुमं । सवा वि मज्झ लच्छी गेण्हेयवा तए ताव ॥ ६५ ॥ अह जइ एयमलीयं होही ता तुज्झ
गेहमज्झम्मि । मह हत्थदुगे जं किं पि चडइ तं चिय तुमं देसु ॥ ६६ ॥ मन्नेइ धम्मदत्तो सव्वं पि तह त्ति सच्छसब्भावो ।
महिनाहो संजाओ सक्खी उभयंमि पक्खंमि ॥ ६७ ॥ अत्थाणाओ लोओ सव्वो वि तओ गओ निए ठाणे । कयविक्रयस्स
कजे सेट्टी वि हु [अट्ठ]मज्झम्मि ॥ ६८ ॥ गंतुं जववुत्तंतं कहइ विडो ज्झत्ति तिहुणदेवीए । सा भणइ तक्खणेणं वावियमिक्का
फलंति जवा ॥ ६९ ॥ हारिअइ सव्वं चिय इत्थ विजयम्मि सिद्धिणा समयं । ता गिण्ह ति चिय जवे जित्ते पुण एरिसं कुणसु

भावना-
प्रभावे-
धर्मदत्त-
कथानकम् ।

॥ ३५ ॥

॥ ७० ॥ हत्थदुगेण ममं चिय उप्पाडसु सयललोयपच्चक्खं । अम्हाणं भोगसुहं हवेइ निकंटयं जेण ॥ ७१ ॥ अह
मंतिए समप्पइ तस्स जवे खिवइ तत्थ आसन्ने (सा अन्ने) । कयकज्जो सो गच्छइ अह सेट्ठी आगओ गेहं ॥ ७२ ॥
सो दुइयदिणे पत्तो गहियजवो ज्झत्ति निवइअत्थाणे । उवविट्ठो सिरिसेणं पणमिय बहुलोयपरियरिए ॥ ७३ ॥ वावेइ
मट्ठियाए सिंचेइ जवे जलेण सिट्ठी वि । उग्गच्छंति न कहमवि विलक्खहियओ तओ जाओ ॥ ७४ ॥ चित्तेइ बंभणेणं किं
तेणं विप्पयारिओ अहयं । किं वा तेसिं केण वि कओ जवाणं परावत्तो ॥ ७५ ॥ अह भणइ गंगदत्तो जं किं पि हु सिट्ठि !
चडइ हत्थदुगे । तं गिहसारं वियरसु सो भासइ नूण दायवं ॥ ७६ ॥ महिवइणा अत्थाणं विमज्जियं सिट्ठिणा वि कूडस्स ।
गंतूण तस्स गेहे निवेइओ सयलवुत्तंतो ॥ ७७ ॥ सो भणइ मए कहियं जं तं सबं पि तुज्झ वीसरियं । महिलाए विस्सासो
अहमे मित्ती न कायवा ॥ ७८ ॥ सो अहमो जेण विडो तुह महिला वि हु न सीलसंजुत्ता । जीए हि मंतियजवे गहियं(उं)
मुक्का पुणो अन्ने ॥ ७९ ॥ तं कयइ धम्मदत्तो मा मा एवं भणेसु मज्झ पिया । सीलालंकारजुया महोवरिं गाढनेहा य
॥ ८० ॥ सो जंपइ सिट्ठि ! तुमं चरियं न हु पुणसि किं पि महिलाणं । एयं सबं तुज्झं पच्चक्खमियाणि दंसिस्सं ॥ ८१ ॥
तत्तो बंभणजुत्तो समागओ नियगिहम्मि सो सेट्ठी । हकारइ नरनाहं उववेसइ आसणे पवरे ॥ ८२ ॥ कूडो कहेइ कन्ने तुह
भज्जा अत्थि मालउवरंमि । उस्सारसु निस्सेणिं सिग्घं तं चिय कुणइ सिट्ठी ॥ ८३ ॥ नरनाहस्स समक्खं हकारेऊण गंगदत्त-
विडं । पभणइ गिण्हेसु तुमं हत्थदुगे चडइ जं किं पि ॥ ८४ ॥ सो चंचलनयणेहिं पिच्छइ बहुदम्मरम्मरयणाइं । न हु किं
पि पुणो गिण्हइ सुन्नमणो तं अपिच्छंतो ॥ ८५ ॥ जाणावणत्थमह तस्स खासए छिक्कए तिहुणदेवी । तुणिऊण तीए सदं सो

पाइअ-
कहा-
संग्रहे ।

॥ ३६ ॥


वेगेणं तहिं पत्तो ॥ ८६ ॥ न हु नियइ चडणमग्गं गच्छइ निस्सेणिसंनिहाणम्मि । हत्थदुगेणं तं गिण्हिऊण मोएइ जाव
तहिं ॥ ८७ ॥ ता बंभणेण भणिओ मा मुंचसु इत्थ अहम ! निस्सेणिं । जं हत्थदुगेणं चिय गहियं तं चेव तुह होउ ॥ ८८ ॥
न हु किं पि पुणो अन्नं लहेसि निल्लज्ज ! कह वि कइयावि । सो वि हु विलक्खहियओ अहोमुहो जाव चिहेइ ॥ ८९ ॥
तं परिपुच्छइ राया संक्रियहियओ किमित्थ दवाइं । चईऊणं निस्सेणी गहिया तुमए पढममेव ॥ ९० ॥ सो सो विलक्ख-
हियओ न किं पि जंपेइ जाव ताव तहिं । गाढो कओ कहेई वुत्तंतं जं जहावुत्तं ॥ ९१ ॥ नायपरेणं रत्ता कुविएण पिओ
वि गंगदत्तविडो । निव्विसओ आणत्तो अन्नायपरायणो काउं ॥ ९२ ॥ अह मरइ तिहुणदेवी भयभीया दंतगहियनियजीहा ।
संमाणिय तं सिद्धिं गओ निवो ज्झत्ति ववलहरे ॥ ९३ ॥ पभणइ कूडो सेट्ठिं छलिओ सि इमेहिं कहसु सच्छ ! तुमं । पनरहसयदम्मेहिं
पढिओ वि न पंडिओ जाओ ॥ ९४ ॥ सो जंपइ महिलाए चरियं धुत्तस्स मुणइ न विही वि । जायं सुतेयमम्हं तहवि पुणो
तुम्ह साहिज्जा ॥ ९५ ॥ तस्सुवयारं मुणिउं सम्माणेउं विसज्जिओ कूडो । संखेवेणेव कयं मयकिच्चं तिहुणदेवीए ॥ ९६ ॥
तं पिच्छिऊण सव्वं सो मुणइ पलीवणं व गिहवासं । पारसकूलाउ तओ गयउरनयरे निए पत्तो ॥ ९७ ॥ जणयाणं सो चलणे
नमिउं सव्वं पि कहइ वुत्तंतं । भणइ य वेरग्गजुओ महिला दुक्खाण खलु खाणी ॥ ९८ ॥ उक्तं च निजसुभाषितगाथाकोशे-
दीसंति वइरितुल्ला जणणी जणया उ जाण कज्जंमि । ता उवविहडंति जओ ही ! जम्मो ताण महिलाण ॥ ९९ ॥ पुरिसो
महिलाण कए नाणादुक्खाइं सहइ अणवरयं । ताउ पुणो न हु केण वि कुडिलसहावाउ विप्पंति ॥ १०० ॥ लोहवसेणं
नेहं दंसंति सया वि जइ वि महिलाओ । तह वि हु विमूढहियओ बहुमाणं मुणइ ताण मरो ॥ १०१ ॥ सुहकंस्विरो

भावना-
प्रभावे-
धर्मदत्त-
कथानकम् ।

॥ ३६ ॥

समीहह जो को वि हु रमणिसंगमं भूदो । सो सिसिरसमीहाए पविसइ पजलंतजलणंमि ॥ १०२ ॥ मोहंधो एस जणो विव-
रीयं चिय सया वि पेक्खेइ । असुईण निहाणं पि हु रमणि खलु मुणइ रमणीयं ॥ १०३ ॥ ता जणणिजणय ! अहयं विरत्त-
चित्तो इयाणि गिहवासा । संसारजलहिबेडा गिण्हेयवा मए दिक्खा ॥ १०४ ॥ सुणिऊणं तं वयणं वज्जनिवायं व जणणि-
जणया तं । पभणंति वच्छ ! तुमयं एकु चिय अम्ह पुत्तो सि ॥ १०५ ॥ जइ कहवि तुमं दिक्खं गिण्हिसि हिययं तड त्ति
अम्हाण । फुट्ठिस्सइ ताव लहुं वच्छ ! तुमं कुणिय कारुणं ॥ १०६ ॥ गयसावओ चिट्ठसु गेहि चिय भावओ मुणीहोउं ।
जा अम्हे जीवामो तओ परं कुणसु जं उचियं ॥ १०७ ॥ सो पभणइ जणयाणं पडिउवयारो न विजए कहवि । जेहि मणुस्स-
जम्मो दिण्णो चिंतामणिसमाणो ॥ १०८ ॥ भावेण गदियदिक्खो चिट्ठइ गेहे वि मुक्कवावारो । सो निच्चलज्झाणमणो विरत्त-
चित्तो गमइ कालं ॥ १०९ ॥ जे सवं चइऊणं तिणं व लीलाइ गिण्हियं(उं) दिक्खं । पालिति निकलंकं ते चिय धन्ना
जए मुणिणो ॥ ११० ॥ किं होही सो दियहो पव्वजमहं पि गिण्हिय सुहेण । चारिचं पालित्ता नियकजं जेण साहिस्सं ॥ १११ ॥
इय भावभावियमणो बहुपुनं अज्झिऊण सो धन्नो । सुरलोयं संपत्तो सुहसुक्खं भुंजए तत्थ ॥ ११२ ॥

इति भावनाप्रभावे धम्मदत्तकथानकं समाप्तम् ।



भावनाप्रभावे बहुबुद्धिकथानकम्—दाणेणं सीलेणं तवेण लोओ विणा वि पावेइ । बहुबुद्धी विअ भावणपहावओ
देवरिद्धीओ ॥ १ ॥ चंपाइ पुरवरीए गयषग्गविलग्गज्जिणहरजुपाए । जियसत्तुनरनाहो जहत्थनामो सुवम्मपरो ॥ २ ॥

बाइअ-
कहा-
संगहे ।

॥ ३७ ॥

तस्सत्थि बुद्धिसागरमंती सुहबुद्धिविहवसंपन्नो । तस्स पिया सीलवई सीलवईगुणगणसमेया ॥ ३ ॥ सदरसरुवगंधकास-
विसयाउ सेवमाणानं । बहुबुद्धी नामेणं पुत्तो ताणं समुप्पन्नो ॥ ४ ॥ साहिच्चतकलक्खगलंकारनिघंटुसदक्काइं । जोइस-
निमित्तसंगीयसउणसत्थाइं पढियाइं ॥ ५ ॥ तह वि न विरमइ कुमरो कओज्जमो गाढपाढविसयाओ । तं भणइ तओ मंती
बहुविज्जाए अलं वच्छ ! ॥ ६ ॥ बहुपाढो साहूणं गुणावहो होइ चत्तसंगाण । न हु नियकुडंबचितापराण पुत्तय ! गिहत्थाण
॥ ७ ॥ ता कुणसु तुममियारिणं पुहईनाहस्स निच्चमोलगं । सो नेव तह वि विरमइ नाणभासाओ कहयावि ॥ ८ ॥ अन्नदिणे
महिवइणो समागओ पाहुडम्मि परदेसा । एगो हारो तेणं समप्पिओ मंतिणो हत्थे ॥ ९ ॥ तं गहिउं नियगेहे समागओ
बुद्धिसागरो मंती । ण्हाणम्मि वावडमणो अप्पइ बहुबुद्धिपुत्तस्स ॥ १० ॥ जियसत्तुमहीवइणा समप्पिओ एस संपयं मज्झ ।
रक्खेसु वच्छ ! हारं गरुयपयत्तेण इय भणिउं ॥ ११ ॥ गहिओ तेणं तत्थ वि विम्हरिओ पढणवावडमणस्स । कम्मयरेणं
लद्धो गंगडनामेण सो हारो ॥ १२ ॥ अह दुइयदिणे मंती हारं पुत्ताउ मग्गए सो वि । चिट्ठइ अहोमुहो चिय न किं पि
पच्चुत्तरं देइ ॥ १३ ॥ मुणियमणो सो मंती निब्भच्छइ गाढकोवरत्तच्छो । रे ! रे ! तुह विम्हरिओ हारो अइपढणगहिलस्स
॥ १४ ॥ अइपाढेणं लाहो चिट्ठउ दूरे गओ निओ हारो । अइ सवत्थ गरहिया विउसेहिं पढिजए अहवा ॥ १५ ॥ न हु
दीसइ कम्मयरो अज्ज गिहे तेण गंगडेणेसो । नूणं गहिओ होही भण कस्स न वल्लहा लच्छी ॥ १६ ॥ जइ कहवि महीनाहो
हारं मग्गिस्सए तओ तस्स । तं कहसु मज्झ निच्छज्ज ! उत्तरं जं मए देयं ॥ १७ ॥ रे ! रे ! तं चिय हारं कत्तो वि निरिक्खि-
ऊण आणेसु । अप्पाणस्स इयारिणं अहवा ठाणं गवेसेसु ॥ १८ ॥ इय बुद्धिमागरेणं गाढं निब्भच्छिओ पकुविण । अहिमाण-

भावना-
प्रभावे
बहुबुद्धि-
कथानकम् ।

॥ ३७ ॥

धणो कुमरो विणिग्गओ ज्झत्ति गेहाओ ॥ १९ ॥ तं चिय हारं कहमवि लहेमि जइ नूण ता निए गेहे । आगच्छिस्सामि
अहं न अन्नहा इय मणे धरिउं ॥ २० ॥ संपत्तो धीरमणो कमेण कुमरो जयंतिनयरीए । तं पालइ नरनाहो विजओ विजओ
रणे निच्चं ॥ २१ ॥ निवमइ सुवन्नसिद्धी धणावहो तत्थ तस्स हट्ठमि । बहुबुद्धी उवविट्ठो परिक्ष्वए सव्वरयणाणि ॥ २२ ॥
मोहं कहेइ दंसणमित्तेणं कणयहीरयाईणं । सेट्ठी चित्तेइ तओ एसो अइउत्तमो कोइ ॥ २३ ॥ मोहं मुणेमि कमवट्ठयाउ
नाऽऽरायओ य एयाण । कहकहमवि अहयं पि हु एसो उण दिट्ठमित्तेणं ॥ २४ ॥ सेट्ठी तं पडिपुच्छइ देसंतरिउ व वच्छ !
दीसेसि । कहसु महं इह नयरे अज्ज तुमं कस्स पाहुणओ ॥ २५ ॥ सो पभणइ तुम्हं चिय सेट्ठी तुट्ठो तओ मणे
जाओ । तं गहिउं जाइ गिहे धणप्पियाए नियप्पियाए ॥ २६ ॥ कहइ य एसो उत्तमपुरिसो परदेसिओ समायाओ ।
तुह गेहे पाहुणओ पिकखसु नियपुत्तनेहेण ॥ २७ ॥ जणणि व तस्स मज्जनभोयणतंबोलवत्थपभिईणि । वियरेइ गाढ-
सम्माणसंजुया सा वि पइदियहं ॥ २८ ॥ अन्नदिणे एगंते धणावहो पुच्छइ सव्वहपुवं । सच्चं कहेसु मज्झं वच्छ ! तुमं
अप्पणो चरियं ॥ २९ ॥ जणयस्स व बहुबुद्धी बहुमाणं पिकिखऊण अइगाढं । आरंभिय मूलाओ सच्चं चिय कहइ
सवं पि ॥ ३० ॥ मुणिऊण मंतिपुत्तं सिद्धी हिययंमि हरिसिओ भणइ । वच्छ ! तुमं इत्थ चिय चिट्ठसु सुक्खं नियगेह व
॥ ३१ ॥ समुवजइ बहुदवं सिद्धी हट्ठमि तस्स साहिजा । अन्नदिणे विहिवसओ कम्मयरो गंगडभिहाणो ॥ ३२ ॥ तं चिय
हारं दंसइ विक्किणत्थं धणावहो वि तह । वज्जरइ मज्झ पुत्तो इहागओ मोल्लमेयस्स ॥ ३३ ॥ सवं मुणिउं तुज्झं वियरिस्सइ
सो पयंपए ज्झत्ति । हकारसु नियपुत्तं ता सो वि ममागओ तत्थ ॥ ३४ ॥ ओलक्खिऊण पभणइ गंगड ! कम्मयर ! एम

पाइअ-
कहा-
संगहे ।
॥ ३८ ॥

मह हारो । सो जंपइ को तुमयं ? को हारो ? गंगडो को य ? ॥ ३५ ॥ मह तुज्झं दंसणमवि आजम्माओ वि नेव संजायं ।
तद वि जइ हारवंछा ता गिण्हसु निवइपच्चक्खं ॥ ३६ ॥ गंतूण दो वि तत्तो नमिऊणं नायसंजुयं विजयं । पभणेइ मंतिपुत्तो
मज्झ गिहे एस कम्मयरो ॥ ३७ ॥ मह चोरिऊण हारं चंपानयरीओ आगओ इत्थ । सो पभणेई सामिय ! चंपं पि हु नेव
जाणेमि ॥ ३८ ॥ चिट्ठउ दूरे एसो हारो गेहं च सबमलियमिणं । एवं ताण विवाए न निन्नयं देइ नरनाहो ॥ ३९ ॥ जंपेइ
निवो तुम्हं दिव्हेण विणा हवेइ न हु सुद्धी । तं पुण इह नयरीए दिव्वपहावम्मि कूवम्मि ॥ ४० ॥ पक्खित्तो जो सुद्धो कूवाओ
उब्भयाइ य जलाओ । पउमासणोवविट्ठो निस्सरई बुड्डए इयरो ॥ ४१ ॥ सुद्धमणो हरिसपरो तं दिव्वं मन्नए अमच्चसुओ ।
अवरो चित्तइ मज्झं जह जह वि समागयं मरणं ॥ ४२ ॥ तम्हा जणपच्चक्खं विगुप्पमाणाउ कूवपडणंमि । जं मरणं तं जुत्तं
इय मन्नइ सो वि तं दिव्वं ॥ ४३ ॥ तं दट्ठणं हारं अइरमणिज्जं विचित्तए निवई । जइ दो वि बुद्धिऊणं मरंति ता होइ मह
हारो ॥ ४४ ॥ गच्छंति निवसमेया दो वि हु कूवंमि कुणिय वरपूयं । सासंको कम्मयरो पढमं चिय पडइ बुड्डइ य ॥ ४५ ॥
पभणइ लोओ सामिय ! हारो सुद्धस्स हवउ कुमरस्स । लोहेण पराभूयो जंपइ विजओ महीनाहो ॥ ४६ ॥ पडिऊणं जइ कूवे
निग्गच्छइ ता इमस्स सुद्धस्स । एसो होही हारो न अन्नहा सो तओ पडिओ ॥ ४७ ॥ सच्चपहावा कंठप्पमाणवट्ठियजलस्स
कूवस्स । सो बाहि नीहरिओ कुमरो कमलासणासीणो ॥ ४८ ॥ सुद्धो सुद्धो चि तओ पयंपमाणं जणं भणइ निवई ।
मंतपहावेणोसो नीहरिओ नेव सच्चेण ॥ ४९ ॥ मुणियमणो नयरजणो पभणइ तुम्हं न एरिसं जुत्तं । अस्सायपरे निवइम्मि
होउ लोओ कहं देव ! ॥ ५० ॥ सच्चं सत्तं नीहं जणाववायं कुलस्स य कलंकं । अगणिय सच्चं एवं सुद्धो अधगन्नए कुमरं

भावना-
प्रभावे
बहुबुद्धि-
कथानकम् ।

॥ ३८ ॥

॥ ५१ ॥ उक्तं च निजसुभाषितगाथाकोशे-सबो वि हु एस जणो निंदिय कम्मं कुणेइ खलु पच्छा । पढमं पि हु
चइऊणं लज्जामाहप्पभयकिंति ॥ ५२ ॥ सो भणइ हारमेयं जइ कहवि न लेमिं तुह सयसाओ । ता न हु हवेमि
नरवर ! अमच्चपुत्तो अहं नूणं ॥ ५३ ॥ गाढपराहवजुत्तो विलक्खचित्तो गिहंमि सो पत्तो । सेट्ठी भणेइ मा कुणसु
वच्छ ! दुक्खं तुमं कहवि ॥ ५४ ॥ पुव्वभवे कह वि तए जइ परवत्थुं न गिण्हियं आसि । ता नूण एस हारो बहुय-
दिणेहिं पि तुह होही ॥ ५५ ॥ सो तत्थ ठिओ चिट्ठइ पइन्ननिव्वहणदिन्नएकमणो । अन्नदिणे अच्छरियं संजायं तत्थ
नयरम्मि ॥ ५६ ॥ निवसेइ तत्थ मंती सुधणू नामेण पिययमा तस्स । सोहग्गसीलकलिया नामेणं चंदरेह त्ति ॥ ५७ ॥
निरुवमरूवं दट्ठुं खुहियमणो तीए वंतरो एगो । सुधणूपरिच्छरूवं कुणिऊणं सरिसपरिवारो ॥ ५८ ॥ अमुणिजंतो
थेवं वि सहआयरणअंगवेगाओ । बार्हि गए अमच्चे समागओ तस्स गेहम्मि ॥ ५९ ॥ दुट्ठमणज्झवसाओ गच्छइ पासंमि
चंदरेहाए । सीलपहावा तीए न किं पि सो पारए काउं ॥ ६० ॥ जइ वंतर एकं चिय हवेउ सीलं जयंमि लोयाण ।
जस्म पहावा काउं उवद्दवं तरइ न सुरो वि ॥ ६१ ॥ सबो वि तत्थ लोओ सुधणु त्ति पयंपए तओ सो वि । पभणेइ
अज्ज नयरीए आगया के वि ठगपुरिमा ॥ ६२ ॥ पविसइ परस्स गेहे सस्च्छिरूवेण मंतंतताओ । तेणं अज्ज पवेसो इह
दायवो न कस्सावि ॥ ६३ ॥ पाहरियपभिइलोओ एवं सबो वि वारिओ तत्तो । सच्चामच्चो गेहे पविसंतो तेहिं पडिसिद्धो
॥ ६४ ॥ चिट्ठइ मज्झे मंती ठगो तुमं इय कहंति ते तस्स । सो भणइ अहं मंती गिहमज्झे को वि धुत्तवरो ॥ ६५ ॥ ता
सो विलक्खहियओ निवपासे जाइ कहइ सबं पि । मज्झ गिहम्मि पविट्ठो सरिच्छरूवो नरो को वि ॥ ६६ ॥ न लहेमि कह

पाइअ-
कहा-
संग्रहे ।

॥ ३९ ॥

वि सामिय ! तत्थ पवेसं अहं तओ निवई । हकारइ तं गेहा सपरियणं आगओ सो वि ॥ ६७ ॥ तं पिच्छिय विजयनिवो
न मुणइ दुण्हं पि कहमवि विसेसं । पुट्टेण परियणेण वि सो च्चिय कहिओ सुवणुमंती ॥ ६८ ॥ सच्चामच्चो पभणइ मं न
मुणसि पिययमे ! कह तुमं पि । सा जंपेइ मज्झ पिओ एसो च्चिय नेव धुत्त ! तुमं ॥ ६९ ॥ दुण्ह वि ताण विवाओ संजाओ
गाढमच्छरुच्छाहो । सरिसाण ताण कहमवि न निन्नयं वियरए को वि ॥ ७० ॥ भणियं नरनाहेणं सुद्धी तुम्हाण कव-
पडणाओ । तत्तो सच्चामच्चो निवडिय सिग्घं पि नीहरिओ ॥ ७१ ॥ जंपेइ सहीनाहो सुद्धो सुद्धो त्ति एस खलु सच्चिवो ।
धुत्तामच्चेण तओ पयंपियं अहमवि पडेमि ॥ ७२ ॥ महिनाहेणं भणिओ मरसि तुमं तह वि निवडिओ ज्झत्ति । जलपउमठिओ
कूवाउ निग्गओ दिव्वसत्तीए ॥ ७३ ॥ सच्चामच्चो जाओ विच्छाओ विहसिओ पुणो अवरो । नरनाहो मासंको न कं पि ताणं
पमाणेइ ॥ ७४ ॥ दो वि तओ एगमणा भणंति पडु ! किं पि निन्नयं देसु । तो निवई नयरीए भणावए पडहसहेण ॥ ७५ ॥
जो एयाण विवायं हरेइ सो वंछियं लहइ पुरिसो । निच्चेउं असमत्थो एयं तो तं न को छिवइ ॥ ७६ ॥ तो बहुबुद्धी छिविओ
कुणिरुणं सक्खिणं अमच्चजणं । निवई नियदत्तवयणो आणेइ सोवन्नभिगारं ॥ ७७ ॥ तं पूइऊण पभणइ एयस्स मुहेण
पविसिउं जो उ । निस्सरई नालेणं सो नूणं हवइ सच्चिवरो ॥ ७८ ॥ धूत्तो कलसमुहेणं पविसिय नालेण नीसरइ ज्झत्ति ।
दिव्वेण पहावेणं हरिसेणं विहसियसरीरो ॥ ७९ ॥ भणिओ वि णेगवारं मच्चो सत्तीए विरहिओ तत्थ । पविसेउं पि
न तीरइ बहुबुद्धी भणइ तो निवहं ॥ ८० ॥ एसो च्चिय पडु ! सच्चो एयस्स न जेण एरिसा सत्ती । दुइओ उण नीसरिओ
नूणं दिवाइ सत्तीए ॥ ८१ ॥ जंपेइ तओ धुत्तो जं भणियं किं पि तं मए विहियं । बहुबुद्धि ! सच्चभासय ! मंतिपयं देसु मह

भावना-
प्रभावे
बहुबुद्धि-
कथानकम्

॥ ३९ ॥

इहिं ॥ ८२ ॥ जो मुज्झइ सो मंती हवेइ इय हवउ तुज्झ मंतितं । नियगेहि चिय न उणो इत्थ व अहवा वि अन्नत्थ ॥ ८३ ॥
जेण मए मंतित्ते सामन्न चिय कया इह विवक्खा । सुरनरनिच्छयणत्थं दिवं पि इमं मए विहियं ॥ ८४ ॥ नूण तुमं देवो चिय
सवं सच्चं कहेसु मज्झ तुमं । बहुबुद्धिबुद्धिरंजियचित्तो सो कहइ सच्चमिणं ॥ ८५ ॥ दट्ठूण चंदरेहं समागओ भोगसुहसमी-
हाए । तीए सीलपहावा मणिच्छियं नेव मह जायं ॥ ८६ ॥ तहवि अहं अविरत्तो थको गेहंमि भोगआसाए । अन्नं
सवं तुज्झं पि पच्चक्खं किं पि जं जायं ॥ ८७ ॥ सो देवो संपत्तो अदंसणं अह भणेइ मंतिसुओ । नरवर ! वियरसु हारं मज्झं
तं चेव अहरम्मं ॥ ८८ ॥ लुद्धमणो महिनाहो न समप्पइ कहवि तस्स तं हारं । सुधणुअमच्चेण तओ गाढं कुविण्ण सो
भणिओ ॥ ८९ ॥ नो वियरइ तं तहवि हु मंती मेलित्तु नयरसव्वजणं । पभणइ नरवर ! अम्हे न वमामो तुज्झ नयरंमि ॥ ९० ॥
जेणं कस्स वि गेहे जं किं पि हविस्सइ अइसुरम्मं । तं गिण्हसि देव ! तुमं ता लोओ हवउ कह इत्थ ॥ ९१ ॥ नीसरिओ
नयरीए लोओ सयलो वि मिलिय एगत्थ । अह चितइ महिनाहो मह रज्जं केरिसमियाणि ॥ ९२ ॥ लोएण विणा एगस्स
निष्कलं इत्थ रत्नमज्झि व । महिनाहो पिट्ठीए गंतूण भणइ नियलोयं ॥ ९३ ॥ एगो मह अवराहो खमियवो नो कुणेमि
पुण अन्नं । अप्पइ तं चिय हारं बहुबुद्धी गिण्हए ज्झत्ति ॥ ९४ ॥ सयलो वि पुरीलोओ नियनियठाणंमि आगओ तत्तो ।
सिद्धिधणावहगेहे गंतूणं भत्तिसंजुत्तो ॥ ९५ ॥ सुधणुअमच्चो रंजियचित्तो कुमरस्स देइ नियधूयं । विजयवहं दुण्हं पि हु पाणि-
ग्गहणं तओ जायं ॥ ९६ ॥ कइवयदिणावसाणे नियजणउकंठिओ अमच्चसुओ । सिद्धिधणावहधणपियपयकमले नमिय
पभणेइ ॥ ९७ ॥ तुम्हाएमा नियदंसणेण सुहियं कुणेमि सयणजणं । चंपाए नयरीए गंतूअमियाणि कयकिच्चो ॥ ९८ ॥

पाइअ-
कहा-
संगहे ।

॥ ४० ॥

ताइं वि मुणियमणाइं सम्माणं कुणिय परियणं दाउं । भत्तीइ कयपणामं दिन्नासीसं विसजंति ॥ ९९ ॥ सुधणुअमच्चं नमिउं
विजयवईपिययमं तहा गहियं (उं) । निग्गच्छइ नयरीए बहुबुद्धी बहुजणसमेओ ॥ १०० ॥ पत्तो कमेण रत्नमि तत्थ पिकखेइ
मुणिवरं एगं । काउस्सग्गेण ठियं निम्मलचित्तो विचित्तेइ ॥ १०१ ॥ निम्ममनिरहंकारो गयलोहो चत्तसव्वावारो । परिह-
रियगिहावासो धन्नो एसो च्चिय मुणिदो ॥ १०२ ॥ गिहवासंमि वसंतो जं न कुणइ नत्थि किं पि तं लोए । जेणं विजय-
नरिंदो वि गंजिओ लोहसुहडेणं ॥ १०३ ॥ तह गिहवासाउ च्चिय जाओ देसंतरो दुहावासो । तम्हा मुणिणो धन्ना केण वि
न पओयणं जाण ॥ १०४ ॥ इय भावितो भावणमणहं मग्गे कमेण गच्छंतो । संपत्तो नियगेहे जणयाण समप्पिउं हारं
॥ १०५ ॥ पणमेइ तायचलणे विजयवईभज्जसंजुओ कुमरो । निव्वूढनियपइन्नं जणओ तं कुणइ उच्छंगे ॥ १०६ ॥
अह तं भणंति ताइं हरिमभरुल्लसियअंसुनयणाइं । रूसंति उत्तमजणा गुरुण किं रुक्खसिक्खाए ? ॥ १०७ ॥
किं वच्छ ! तुमाउ च्चिय हारो अम्हाण वल्लहो एसो । जं देसंतरदुक्खं सहियं एमेय कुमर ! तए ॥ १०८ ॥ तुह विरहे जं
दुक्खं सहियं अम्हेहिं एत्तियं कालं । तं वइरीण वि नूणं हवेउ मा कहवि कइयावि ॥ १०९ ॥ ता पुत्त ! कत्थ तुमए लद्धो
एसो कहं वरो हारो ? । परिवारेणं कहिओ वित्थरओ सयलवुत्तंतो ॥ ११० ॥ बहुबुद्धिणा वि जियसत्तुनिवइणो कहिय सयल-
वुत्तंतं । हारो मुक्को चलणेसु तेण तस्सेव सो दिन्नो ॥ १११ ॥ नमिऊण महीनाइं समागओ नियगिहंमि सो सव्वं । सिद्धि-
धणावहलोयं विसज्जए कुणिय पढिवत्ति ॥ ११२ ॥ विजयवईइ समेओ संसारसुहाइं सेवए निच्चं । गमइ य सो बहुकालं
भावितो भावणं एयं ॥ ११३ ॥ अरसं विरसं रुक्खं भुंजित्तु सहंति विविहउवसग्गे । संसारवारिरासिं तरंति तारिंति अग्गे वि

भावना-
प्रभावे
बहुबुद्धि-
कथानकम् ।

॥ ४० ॥

॥ ११४ ॥ गयकोवा वि हु निजियअंतरअरिवग्गगाढमाहप्पा । सबंगमुवसमसिरीउवगूढा तह वि नीरागा ॥ ११५ ॥ ते चिय
मुणिणो धन्ना अहं पि किं तारिसो हविस्सामि । कम्म वि दिणंमि कल्लणकारण चइय सबं पि ॥ ११६ ॥ इय भावणासमेओ
चउविहधम्मे कउज्जमो अंते । आउक्खयंमि पत्तो सुरलोए भुंजइ सुहाइं ॥ ११७ ॥

इति भावनाप्रभावे बहुबुद्धिकथानकं समाप्तम् ।



अनित्यताविषये समुद्रदत्तकथानकम्—जीयं देहं पेम्मं पियसंगो जुवणं धणं चवलं । सिद्धिसुओ दिट्ठंतो
समुद्दत्तो हवइ इत्थ ॥ १ ॥ रायगिहं नामेणं नयरं जिणधम्मभावियजणोहं । पालइ रज्जं निवई जियसत्तू तत्थ जियसत्तू ॥ २ ॥
तत्थत्थि महीमंडणमणवरयं धम्मकम्मकयचित्तो । सागरदत्तो सेट्ठी धणउ व समिद्धिदुल्लिओ ॥ ३ ॥ जिणचरणकमल-
भसली कमला नामेण पिययमा तस्स । ताणं वच्चइ कालो परुपरं मिलियचित्ताणं ॥ ४ ॥ सुहरसनिमग्गाण वि एगं
निस्वच्चयादुहं ताणं । किं वियरइ जीयाणं समं विही सबसामग्गिं ? ॥ ५ ॥ जोइसियअणुमयाइं दव्वएणं कुणंति गहपूयं ।
अच्चंति मंडलाइं मंतियकहिणण मग्गेण ॥ ६ ॥ पुच्छंति तणयजम्मं दाणं नेमित्तियाण दाऊणं । रक्खडियमूलियाओ पवाइयाओ
विमग्गंति ॥ ७ ॥ ओवाइयाइं मन्नंति देवदेवीण दिट्ठमहिमाण । किं बहुणा ? धुत्ताणं मक्खट्ठाणाइं जायाइं ॥ ८ ॥ तह वि हु
न होइ तणओ धम्मं ताइं कुणंति सविसेसं । तं नत्थि जं न वियरइ एसो सुविसुद्धचित्ताणं ॥ ९ ॥ अट्ठाहियमहिमाओ कुणंति
ताइं जिणिदब्बिबाणं । पूयंति सयलसंघं दीणाणं दिति दाणाइं ॥ १० ॥ पुत्तंतरायकम्मं धम्मपहावा स्वयं गयं ताणं । किच्चिय-

पाइअ-
कहा-
संगहे ।

॥ ४१ ॥

मेत्तं एयं ? मोक्खं पि हु वियरइ जमेसो ॥ ११ ॥ अन्नदिणे रिउण्हाया कमला हल्लंतवदलकल्लोलं । जलहिं पिच्छइ सुमिणे
कहइ पहाए पिययमस्स ॥ १२ ॥ सो सुविणत्थं मुणिउं साहइ तीए पहाणसुयजम्मं । सेसं (?) धम्ममणा दिणाइं सा गमइ
सुक्खेण ॥ १३ ॥ अह पडिपुन्ने समए पसवइ पुत्तं सुलक्खणं धीरं । वद्धावइ दासीओ सेट्ठिं सो देइ बहुदव्वं ॥ १४ ॥
महयारिद्धिमरेणं सिट्ठी जम्मूसवं तओ कुणइ । सुमिणाणुसारओ से समुद्दत्तो त्ति नामं पि ॥ १५ ॥ वड्डइ कमेण कुमरो समयं
तेएण गिम्हदिवसु व । सुगहियकलाकलावो कमेण सो जुवणं पत्तो ॥ १६ ॥ कणयवईनामेणं कन्नं कणयप्पहस्स सिट्ठिस्स ।
परिणाविओ य कुमरो जणएहिं महाविभूईए ॥ १७ ॥ चितइ य निसासेसे समुद्दत्तो अहन्नसमयंमि । जो जणयज्जियलच्छं
उवभुंजइ अहमचरिओ सो ॥ १८ ॥ किं एट्ठिएणं ? बुद्धीए किं ? व किं तस्स गुणसमूहेण ? । जो पियरविदत्तधणं भुंजइ
अज्जणसमत्थो वि ॥ १९ ॥ जणणिजणयाण चलणे नमिउं विन्नवइ जोडियकरो सो । जणमग्गेणं अज्जिय बहुदव्वं आगमिस्सामि
॥ २० ॥ ताइं वि भणंति पुत्तय ! लच्छी विउला वि अत्थि अम्ह गिहे । एयं चिय वच्छ ! तुमं भुंजसु निच्चं सहच्छाए ॥ २१ ॥
ओवाइयसयलद्धो एगो चिय अम्ह पुत्तो सि । तुम्हारिसाण सुहलालियाण दुग्गो जलहिमग्गो ॥ २२ ॥ उच्छाहुल्हसियतणू
समुद्दत्तो पयंपए तत्तो । सुगमं व दुग्गमं वा कुणेइ किं धीरपुरिसाण ? ॥ २३ ॥ पुवपुरिसज्जियाइं धणाइं विदवइ को न
इच्छाए ? । जे समज्जिय भुंजंति हुंति ते उत्तमा के वि ॥ २४ ॥ किं बहुणा भणिएणं ? जह तह व मए अवस्सगंतव्वं ।
तं निच्छयं मुणेउं विसज्जिओ तेहिं कहकहवि ॥ २५ ॥ अह कणयवईं पभणइ दइए ! देसंतरे गमिस्सामि । बाहभरुल्लियनयणाए
तीए अणुमन्निओ एसो ॥ २६ ॥ तुट्ठमणो सो तत्तो गहिऊण कयाणगाइं विविहाइं । मुणिऊण सुहमुहुत्तं अच्चिय पडिमं

अनित्यता-
विषये
समुद्रदत्त-
कथानकम् ।

॥ ४१ ॥

जिणवराणं ॥ २७ ॥ काऊण जलहिपूयं चलणे नमिऊण जणणिजणयाण । दिन्नासीसो तेहिं चडिओ वहणंमि सेट्टिसुओ
॥ २८ ॥ वणिउत्तेहिं समेओ सुवियक्खणणेयमित्तसंजुत्तो । पवणेणणुकूलेणं पत्तो दीवंमि एगंमि ॥ २९ ॥ मणइच्छियलाहेण
विकिणिय कयाणगाइं तत्थेव । गहिऊण अहिणवाइं तेण उप्पेलियं वहणं ॥ ३० ॥ जा किं पि गओ मगं उच्छलिओ ताव
कालियावाओ । संजायं वहलयं खलु व खे गज्जिओ मेहो ॥ ३१ ॥ डुल्लेइ जाणवत्तं मण व दारिदपीडियजणस्स । जा
निज्जामयलोओ खिवइ अहो नंगरे ज्झत्ति ॥ ३२ ॥ आउलवाउलहियओ उस्सारइ जाव सियवडे वियडे । संचारेइ य जाव
य आउलयाइं सुबहुयाइं ॥ ३३ ॥ ता फुट्टं तं वहणं नारीहिं य (नारीहियं) इच्छियं रहस्सं व । को वि मओ को वि पुणो
फलहं लहिऊण उत्तरिओ ॥ ३४ ॥ सिट्ठिसुओ वि हु फलहं अवलंबइ वल्लहं व लहिऊण । तरमाणो कहकहमवि गिरिमि पत्तो
गिरावत्ते ॥ ३५ ॥ तत्थ विसन्नो चितइ जणएहि निवारिओ वि जं अहयं । एयज्झवसायाओ न नियत्तो तं फलं एयं ॥ ३६ ॥
कत्थ गया ते मित्ता ? वणिउत्ता कत्थ ? कत्थ सा लच्छी ? । नियवयणं दंसिस्सं कहं अहं जणणिजणयाणं ॥ ३७ ॥ जे न
करेंति गुरूणं सिक्खं दुइजलहितारणतरंडं । अम्हारिस्स व पच्छा ते पच्छायावदुहजुत्ता ॥ ३८ ॥ भवियवयाइ नासो कहिं पि
नो हवइ नूण कइयावि । तत्तो सप्पुरिसेहिं सोगो हियए न कायवो ॥ ३९ ॥ पुरिमाण आवय चिय वहेइ कसवट्टए मतुल्लत्तं ।
एयाए निवडिओ जो खलु कणयं व सो जच्चो ॥ ४० ॥ इय दुहियमाणसो वि हु निरुवममवियंभमाणउच्छाहो । परिभमहिं
('मेहिं) जलहिमज्झं ठियंमि सेले गिरावत्ते ॥ ४१ ॥ विविहवणस्सइरम्मे अणेयगंभीरगुहसयाअन्ने ('इन्ने) । भयजणयसीह-
चिच्चयमित्तकरेणूहि दुल्ललिए ॥ ४२ ॥ जा पत्तो किं पि तओ नियइ सिलं सो कवाडियारुवं । तं उग्वाडिय दिट्ठा गच्छइ

पाइअ-
कहा-
संगहे ।

॥ ४२ ॥

सोवाणपंतीए ॥ ४३ ॥ तत्थ गएणं दिट्ठं धवलहरं कणयभित्तिनिम्मवियं । गयणग्गलग्गमाणिकपुत्तलीथंमतोरणयं ॥ ४४ ॥
टारंमि सन्निविट्ठं दुवारवालं भणेइ सिट्ठिसुओ । कस्सेसो आवासो रम्मो पडिपुन्नपुन्नस्स ॥ ४५ ॥ सो भणइ इमं ठाणं
जलनिहिपहूणो समुद्देवस्स । निम्माणुसप्पयारे कह णु तुमं आगओ इत्थं ? ॥ ४६ ॥ वज्जरइ सिट्ठिपुत्तो तं मह दंसेसु
देवयं भाय ! । तेणं भणियं चिट्ठसु इत्थेव तुमं खणं एगं ॥ ४७ ॥ विन्नविउं नियसामिं जावागच्छामि लद्धआएसो । गंतूण
तम्म पासे कुणिउं पंचंगपणिवायं ॥ ४८ ॥ विन्नवइ नरो कत्तो वि आगओ को वि चिट्ठइ दुवारे । कोऊहलपडिपुन्नो सो
जंपइ तं पवेसेसु ॥ ४९ ॥ लद्धाएसेणेसो पवेसिओ तेण ज्झत्ति सेट्ठिसुओ । अह पंचवन्नमणिमउडकिरणविच्छुरियसिरकमलं
॥ ५० ॥ आम्बलयथूलमोत्तियहारविरायंतपिहुलवच्छयलं । रयणविणम्मियकेऊरकिरणसोहंतभुयदंडं ॥ ५१ ॥ झणज्झणिर-
रयणकंकणकलायअंकणयकडयपयजुयलं । निरुवमरूवं पिच्छिय समुद्देवं विचित्तेइ ॥ ५२ ॥ गच्छंति दिट्ठमग्गे नूणं एयारिसा
सुपुन्नाणं । मह आवई वि जाया इह समए संपइसमाणा ॥ ५३ ॥ सुपसन्नो लोयाणं कहमवि एसो हवेइ जाण जए । मणवंछिय-
अहियाओ लहंति ते नूण रिद्धीओ ॥ ५४ ॥ सिट्ठिसुएण पणामो तस्स कओ भित्तिनिम्भरमणेण । हरिसुल्लसिरसरीरो दिन्नासणयंमि
उवविट्ठो ॥ ५५ ॥ पुट्ठो सुरेण कत्तो संजाओ इत्थ आगमो तुज्झ ? । वणिउत्तेणं सबो कहिओ मूलाउ वुत्तंतो ॥ ५६ ॥ सम्मं
मुणिऊण सुरो पयंपए वच्छ ! नत्थि तुह लाहो । कइयावि हु जलमग्गे होही खलु आवय च्चेय ॥ ५७ ॥ तह वि हु विहलं मा
हवइ दंसणं देवयाण तेण तुमं । वच्चसु सुवन्नदीवं होही लाहो तुह अउवो ॥ ५८ ॥ सो जंपइ जलमज्जे अमुणिय ठाणंमि
जामि कहमिण्हि । तस्साएसेण तओ उप्पाडिय किंकरेण लहुं ॥ ५९ ॥ मुक्को सुवन्नदीवे सो न हु रयणाइं नियइ नो

अनित्यता-
विषये
समुद्रदत्त-
कथानकम् ।

॥ ४२ ॥

कणयं । न य दम्मे अन्नं वा न किं पि जं हरइ दारिदं ॥ ६० ॥ तत्तो विलक्खचित्तो समुद्दत्तो विचित्तए दुहिओ । दिवमि
 पराहुत्ते किं पुरिसो कुणइ धीरो वि ? ॥ ६१ ॥ लोयाणं दारिदं हरेइ जं तुट्ठमाणसो सो वि । धिद्धी निकरुणमणो भयठाणे
 इत्थ मं खिवइ ॥ ६२ ॥ रुद्धेण तेण मुक्को लोहं दंसित्तु इत्थ ठाणंमि । कह अन्नह तत्थ चिय न किं पि दिन्नं मह सुरेण
 ॥ ६३ ॥ उत्तमज्जणा वि एवं कुणंति जं विप्पयारणं कहवि । ता कह पावउ सोक्खं खणं पि अम्हारिसो लोओ ॥ ६४ ॥
 अहवा नो दायवो दोसो कस्सावे केण कइयावि । पुव्वज्जियक्कम्माओ हवंति जं सुक्खदुक्खाइ ॥ ६५ ॥ तं किं पि दुहं जायं
 समुद्दत्तस्स तंमि समयंमि । जं न कहिउं न सहिउं तीरिज्जइ अन्नपुरिसेण ॥ ६६ ॥ अह कुणिय पाणवित्ति फलेहिं सो
 तत्थ सीयभयमीओ । कट्ठेहिं पाडिऊणं जलणं जालेइ रयणीए ॥ ६७ ॥ भूमी सुवन्नरूवा संजाया तावभावओ तत्थ । सो
 हरिसपरो जाओ तं पिच्छियऽणक्कमविट्ठि व ॥ ६८ ॥ मुणिउं सुवन्नभूमिं खणिऊणं कुणइ इट्ठियाओ तओ । दिन्ने जलणे ताओ
 सुवन्नरूवाओ पिच्छेइ ॥ ६९ ॥ तम्मि समयस्मि पत्तो माउलओ सोहडो कहवि तत्थ । अवतित्थियवहणाओ ओलक्खिय
 तं पयंपेइ ॥ ७० ॥ वच्छ ! कहं इह पत्तो एगो चिय कह व कह व दीणमणो । तं पणमइ मुणिऊणं सिट्ठिसुओ विहसिय-
 सरीरो ॥ ७१ ॥ लज्जोणामियवयणो नियवुत्तंतं कहित्तु सवं पि । सवाउ इट्ठियाओ तस्स चिय खिवइ वहणंमि ॥ ७२ ॥
 आरुहिऊणं तेहिं वहणं तो पिच्छियं गिरावत्ते । संपत्तं निज्जामयलोओ दीणो पयंपेइ ॥ ७३ ॥ उम्मग्गेणं एयं संपत्तं जाण-
 वत्तमइदुग्गे । न चलइ इह ठाणाओ कहमवि किं किज्जइयाणि ? ॥ ७४ ॥ एसो दीसइ जेणं अइदुग्गो पवओ गिरावत्तो ।
 इह पत्तो नियठाणे जाइ जणो गरुयपुत्तेण ॥ ७५ ॥ आउलवाउलहियया जाया सवे वि मुक्कजीयासा । जलनिहिगमण-

पाइअ-
कहा-
संगहे ।

॥ ४३ ॥

विरत्तो समुद्दत्तो पयंपेइ ॥ ७६ ॥ भग्गे वहणे लद्धेण फलहखंडेण इत्थ ठाणंमि । पत्तेणं सक्खं चिय समुद्देवो मए दिट्ठो ॥ ७७ ॥ अह सोहद्धेण सहिओ भमेइ सो तं न पिक्खए तत्थ । अहवा वारं वारं सुरवग्गो दीसए कह वि ॥ ७८ ॥ खिन्नो समुद्दत्तो तत्थ य चित्तेइ आवय च्चेय । पाणप्पवासहेऊ जाएइ पए पए मज्झ ॥ ७९ ॥ दुक्खसमुद्दे खित्तो करुणाठाणं अहं सुरेणावि । पुव्वकियक्कम्माणं हरिउं को तीरइ विवायं ॥ ८० ॥ वणिउत्तमित्तलच्छीविच्छोहद्धेण खिन्नदेहेण । गयणंगण-संभूओ निसुओ सहो अमयतुल्लो ॥ ८१ ॥ वणिउत्त ! अहं सु च्चिय सुरो तए इह पहायसमयंमि । आउल्लनंगरेहिं सज्जं वहणं कुणेयवं ॥ ८२ ॥ जेणागच्छंति सया वहवे भारुंडपक्खिणो इत्थ । तप्पक्खवायवहुं पवणपिळ्ळियं जाणवत्तमिणं ॥ ८३ ॥ निवडिस्सइ सुहमग्गे इत्थत्थे को वि नेव संदेहो । अह भइणिभाउणो सो कहेइ सव्वं पि वुत्तंतं ॥ ८४ ॥ भणइ य किं सच्चं चिय नो वा जाणिजए कहवि सम्मं । अहवा दहिदद्धुतणू फुक्केउं पियइ खलु दुद्धं ॥ ८५ ॥ तहवि कुणिजइ एयं तेहिं तओ सियवडो कओ पउणो । आउल्लयवग्गकरा संजाया धीवरा ज्झत्ति ॥ ८६ ॥ जा चडिओ सयलजणो ता पत्ता नहपहेण भारुंडा । तं पक्खवायहरियं वहणं पत्तं सुमग्गंमि ॥ ८७ ॥ पुणलद्धजीविया विव संजाया हरिसनिब्भरा धणियं । पत्ता कमेण नयरे रायगिहे कयमणुच्छाहा ॥ ८८ ॥ बहिभाए उत्तारिय सवाइं कयाणगाइं सिद्धिसुओ । समुवज्जियवहुदवो संपत्तो निययगेहंमि ॥ ८९ ॥ पणमइ समुद्दत्तो चलणे जणयाण भत्तिसंजुत्तो । लद्धासीसो साहइ अच्छरियकरं नियं चरियं ॥ ९० ॥ सोवन्न-इट्ठियाओ सहिऊण गओ निवस्स पासंमि । पाहुडमप्पिय जियसत्तुनिवइणो नमइ पयपउमे ॥ ९१ ॥ सुपसन्नमाणसेणं सुंकद्धं तेण तस्स परिचत्तं । तत्तो सक्खं रिद्धिं नियपिउणो दंसइ पहिट्ठो ॥ ९२ ॥ चित्तेइ सागरदत्तो साहिज्जेणं इमस्स

अनित्यता-
विषये
समुद्दत्त-
कथानकम् ।

॥ ४३ ॥

पुत्तस्स । अम्हाण पच्छिमवयं गच्छिस्सइ सुखभावेण ॥ ९३ ॥ उच्छाहबुद्धिधीरिमपरोवयारित्तपुत्तसंपत्तो । जेणऽम्ह एस
 तणओ पडिपुत्तासो गुणावासो ॥ ९४ ॥ तस्सागमंमि सिट्ठी वद्धावणयं कुणेइ रिट्ठीए । अह रत्तिजागराओ विसूइया तस्स
 संजाया ॥ ९५ ॥ नयरपहाणेहिं तओ कयोवयारे वि णेगविज्जेहिं । पंचत्तं संपत्तो समुद्दत्तो खणेणावि ॥ ९६ ॥
 जणणी जणओ तत्तो पुत्तगुणे सुमरिऊण जूरेइ । अंधाण व दंडममो वच्छ ! तुमं कत्थ दीसिहिसि ? ॥ ९७ ॥ अम्हाण
 बुद्धभावे को पुत्त ! कुणिस्सई परित्ताणं । परदुक्खमजाणंतो कत्थ गओ चइय सयणजणं ॥ ९८ ॥ जइ थोवदिणेहिं चिय
 अम्हाणं गिहाउ चितियं गमणं । ता कीस पुत्त ! तुमयं उप्पन्नो इत्थ पढमं पि ॥ ९९ ॥ किं वच्छ ! तुमं जाओ अइनिट्ठुर-
 माणसो खणेणावि । विलवंताण वि अम्हाण जेण न हु उत्तरं देसि ॥ १०० ॥ विलवइ बहुप्पयारं कणयवई अमहणिज-
 दुक्खभरा । एयागिणि चइत्ता मं नाह ! गओ तुमं कत्थ ? ॥ १०१ ॥ पाणेमविरहियाणं जम्मो इत्थीण निप्फलु च्चेय ।
 भोगुवभोगसुहाइं जेणं दूरेण जायाइं ॥ १०२ ॥ दुक्खाण परित्ताणं कुणिस्सई को तए विणा नाह ! । को वा सुललियवयणं
 वियरिस्सइ मज्झ दुहियाए ॥ १०३ ॥ पाणप्पिय ! किं तुमयं रुट्ठो सि ? न देसि जेण पडिवयणं । सुमरेमि किं पि नो
 नियमवराहं तह वि खमसु तुमं ॥ १०४ ॥ उत्तमजणाण कोवो पणिवायंतो हवेइ खलु जम्हा । पाणेस ! एगवारं देसु तुमं
 मज्झ पडिवयणं ॥ १०५ ॥ रे ! दिव ! तए पढमं नो गहिया कह अहं अकरुणेणं । जेण न हविज्ज कइयावि भायणं एरिस-
 दुहाणं ॥ १०६ ॥ जणएहिं य मयकिच्चं सयलं पि कयं समुद्दत्तस्स । तह वि न गच्छइ ताणं दुक्खभरो कहवि हिययाओ ॥ १०७ ॥
 अह धम्मघोमपहुणो पत्ता गेहंमि मुणियपरमत्था । पणमइ सागरदत्तो उववेसिय आसणे पवरे ॥ १०८ ॥ सोयभरुल्लिय-

पाइअ-
कहा-
संगहे ।

॥ ४४ ॥

नयणाण ताण सुयरयणविरहदुहियाण । सोयंघयारतरणि कुणंति ते देमणं पवरं ॥ १०९ ॥ एम कयंतो सदाण नूण साहारणो
सयाकालं । सविवेयाण न जुत्तो ता सोओ इट्ठमरणे वि ॥ ११० ॥ जइ पंचत्तं पत्तो जीवइ ता नूण किअए सोओ । अन्नह
नियदेहस्म य धम्मस्म य होइ परिहाणी ॥ १११ ॥ तारुण्यं करिकर्णतालचपलं लक्ष्मीस्तडित्सन्निभा । सम्बन्धः शरद-
भ्रविस्त(भ्र)महरः प्रेमेन्द्रचापोपमम् ॥ आयुर्वायुविधूततूलतरलं संसारिणां सर्वदा । मुक्त्वा धर्ममनुत्तमं किमपि नो नित्यं भवे
दृश्यते ॥ ११२ ॥ दारिद्रगिरिविहंडणकुलिमममो भवसमुद्बोहित्यो । एकं चिय जिणधम्मो लोयाण मणिच्छियं जणइ
॥ ११३ ॥ सागरदत्तो कमला कणयवई धम्मदेमणं सुणिउं । जिणधम्ममाणसाइं तिन्नि वि जायाइं सविसेसं ॥ ११४ ॥
गुरुणो वि निए ठाणे संपत्ता तेहिं नमियपयपउमा । कालं गमेति ताइं जिणगुरुयसेवणपराइं ॥ ११५ ॥ पंचपरमेट्ठिमंतं
सुमरंताइं विमुद्धभावाइं । नियआउसमत्तीए कमेण पत्ताइं देवत्तं ॥ ११६ ॥

॥ इति अनित्यताविषये समुद्रदत्तकथानकम् समाप्तम् ॥



अनित्यता-
विषये
समुद्रदत्त-
कथानकम् ।

॥ ४४ ॥